

精舍
論畫

井田徐三康題



同治三年歲在
庚子閏五月

ND
1042
.C6
1864
v.1

桐陰論畫初編敘

今夫天之生物也飛者爲鳳凰爲鵬鸚爲鴈隼
爲羣鳥潛者爲蛟龍爲鼃鼉爲魚鼈走者爲獅
爲麟爲象爲百獸植者爲松爲栢爲衆木爲草
芥爲花果而其最大而靜者則爲山動者則爲
水其閒之風雲雪月寒暑陰陽起伏變滅奇異
萬端皆化工之妙有以裁成鼓鑄不可以言語
形容而但以筆墨傳之此畫之所由作也畫之

爲事以山水爲至大而又至難其起伏變滅奇
異萬端如風雲之出沒如雪月之暈涵如寒暑
之往來如陰陽之向背魄力沈厚氣韻虛靈無
一不出於自然蓋畫工也而化工寓焉推而至
於飛潛走植一以貫之矣自顧陸張曹而後至
李思訓吳道子之徒法已大備亦代有傳人王
右丞復開山水一派爲南宗之祖迄於宋元繼
起者指不勝屈若謝赫之畫品錄張彥遠之名

畫記郭若虛之圖畫見聞志米南宮之畫史周
亮工之讀畫錄論斷精確各成一家言而時世
悠遠兵燹變遷其書雖存其畫未易數數觀余
性迂拙於畫事實未嘗習也而每見古人之畫
獨深愛之愛其佳究未知其所以佳也逸芬先
生善畫於山水尤極精妙著桐陰論畫一編就
生平所寓目者集成百二十家其宗法何出造
詣何至皆一一推識分神逸能爲三品而以己

見評騭之不肯輕假一字總以魄力沈厚氣韻
虛靈歸於化工之極致而後爲盡美焉得毋其
心亦有風雲雪月寒暑陰陽起伏變滅奇異萬
端而因以己之筆墨與古人之筆墨互相質證
也乎不然何其識解之超藻鑑之卓如此也以
視謝張郭米周諸公之記錄其論斷精確更何
如耶

同治五年歲次丙寅立夏後一日湘筠弟葉法

拜敘

桐陰論畫序

竊惟天開圖畫卽是江山筆補化工斯成邱壑
粉本傳其六法毫素託以千秋指下泉流咫尺
則雲濤縹渺胸中岳起一卷之煙靄分明派衍
前修王右丞今推鼻祖人非好武李將軍別奏
膚公晉唐旣絕少裝潢宋元乃時供鑒賞他若
貌鱗蟲則晴遲一點描骨相則頰助三毫秋正
鳴窗展鵝溪之成竹春原在握拈兔穎以生花

鳥亦狀其關關螽自摹其趯趯各誇長技大有
收藏雖蛇足徒安非無拙史而虎頭繼起自可
專家所以引贈丹青重灤西之月旦評分黑白
佐研北之風流也吾友秦君逸芬淮海文孫梁
溪名宿丁年角藝早馳類辟之聲甲觀談經再
獻江都之策比文章於秋駕富才調於冬郎然
而絕意紛華精心繪事珊瑚筆格不離孫楚樓
頭翡翠茗蘭盡入米家船上縑緗旣聚銖黍難

涪堂上楓生王宰留其真蹟窗中岫列少文藉
以卧遊旣而茂苑灰飛夷門席暖一櫺已去空
嗟玉軸龍文雙管猶存依舊襪材麝集孟公驚
坐到處逢迎庾杲依人聊爲排遣憶鴻泥於旣
往恐鼠璞之終訛於是燭翦西窗重續宣和之
譜梅開東閣始成潛確之書記昭代之名流起
前明之末造辨其存沒綜厥生平紅杏特重尙
書青衫豈無詞客或擅長於擊鉢或兼善夫擘

窠釋子西來亦開生面美人南國尙賸零脂親
採委婉銀編特下森嚴鐵筆都爲二卷百有廿
家了了妍媸如對秦宮寶鏡彬彬麗藻無非安
石碎金乃更解脫筌蹄覺迷筏指蔡邕自伸獨
斷揚子雅負法言畫訣一編附於其後子墨卿
皴皴有法隻眼定其雌黃管城侯濡染多方一
心苦爲別白釀成蜂蜜萬派同源價重雞林百
鍊一字從此吳綾學製盡傳繡出鴛針行看洛

紙爭鈔共領枕中鴻寶

同治五年歲次丙寅燈節浣花詞裔同學弟杜
友李書於中河官署之寓齋

桐陰論畫初編序

余不善畫而愛畫入骨髓自宋元以迨本朝諸家靡不搜羅藏弄而畫院俗筆則舍諸勿使溷吾目也族子逸芬與余有同好聞里中有一名跡典衣爭購之旣得則互相誇耀以爲快樂逸芬故善畫宗法婁東不求媚俗故其論畫也尤精嚴孰爲大家孰爲名家孰爲旁門外道較若畫一不少假借余於古人奧窔亦能心領神會

而拙於言詞性復疎懶未暇著書也自遭喪亂
旣舉生平玩好之物而盡失之逸芬則挾畫而
走然亦十不存一二矣今年冬自大梁寓書於
余且以新刊桐陰論畫一書使爲序其議論之
警闢固夙昔所習聞於逸芬者而筆情淡宕婉
而多風卽以文字論殆有得於史公之論贊乎
逸芬聲名旣日盛收藏亦日富而吾兩人者一
在河之南一在江之東欲如曩日之晤言一室

讀書論文何可復得則又展是編而不能無慨
於中者已

同治五年冬十一月下浣緝業跋於城北寓廬

桐陰論畫初編贈言

逸芬先生講求六法鑒別尤精所著桐陰論畫
一編卽生平所見名人筆墨集成百二十家各
就所長標其品目參以已見而評騭之識高論
卓是胸中自有邱壑迺能細抉諸家畫理之造
微入妙成一家言宜乎 先生作畫筆情超逸
不染點塵比諸古人何多讓焉因識數語歸之

乙丑小除夕

子青張之萬拜識

秦君逸芬天才敏穎詩文詞賦真行古隸俱工而於六法尤深研究其畫以四王爲宗直可登其闢奧臨撫之作幾至亂真間亦旁及諸家靡不肖似嘗就生平所賞鑒著桐陰論畫一書集明季及

國朝諸畫史得百二十家大家十有六名家百有四各加評騭一一適如其分末附畫訣一卷自抒心得披覽之下全是古人三昧夫元明以

前無論已卽我

朝二百餘年善繪事者如林紀畫之書亦難更
僕數然徒矜博采不免濫竽剽竊陳言仍淆鑒
別逸芬此書選擇旣精校衡又確能發前人未
宣之祕而不屑拾其唾餘誠足爲學畫者之津
梁固非第供案頭之把玩已也亟勸付梓人以
公同好亦足爲賞鑒者之一助云

同治歲次丙寅春正月嶺南何基祺跋於大梁

官舍之務時敏軒

余素不知畫而好讀書遇古人名蹟往往流連
不置半生遍遊黔蜀楚粵秦晉齊魯燕趙足蹟
半天下到處訪求名手絕少其人自甲寅留豫
後所見雖有諸公求其與古爲徒精研兼擅者
不少概見前年偶見數幀歛曰逸芬筆墨超脫
氣味深厚鎔鑄荆關董巨倪黃吳王諸大家直
入國初四王之室三十年來未見此作家也意
其人必乾嘉閒名手不意其室不遠其人甚邇

客歲始訂交焉觀其畫讀其書日從之遊藹然
和易道德之氣浮溢於言語閒不獨其畫如古
人畫其書如古人書其人直古之人知逸芬者
諒與余有同心也逸芬之書畫必傳於後無疑
敬識數言於後用質之知逸芬者時

同治五年歲紀丙寅立秋日滇南馬履泰秋原
謹跋於梁苑寄蟬居

桐陰論畫題詞

三昧親從畫裏參
右丞遺派盛江南
煙雲過眼渾難覓
留取明窗紙上談

不辨詩中與畫中
美人名士一編同
禪天老衲非非想
也把丹青悟色空

破壁通神一例收
遙從董巨溯源流
無邊邱壑歸鑪冶
爭不教君出一頭

津梁後學豈人云
眞賞全憑洗伐分
解識箇中

無上法好山多與抹微雲

同里杜友李銘山氏題

會得名言不在言笑他皮相困籬樊相驚觀海
難爲水一綫黃河自有源

道體彌綸法自然誰從象外得真詮苦心細與
分明說慘澹經營在筆先

無限山光接水光興來一噴墨華香早知相馬
通觀畫爭道前身是九方

胸懷高曠迴超塵坐破蒲團悟最神莫向畫禪
分頓漸解人須待慧心人

丁卯春日燕人梁敞拜題

頃讀畫論已極精微茲見畫幅更臻神妙
展玩之下神與之馳復成二詩不禁言
之不已也

振筆凌空妙入神笑他時樣逞翻新當年巨手
王烟客只許先生是替人

落紙雲烟浩渺浮山爭生色水爭流何妨也仿

山樵稿容我他年作卧遊

先蕉林相國有題王
烟客摹黃鶴山樵畫

冊詞

故云

百花生日 梁敞再題

幾人放筆寫溪山真訣誰曾見一斑獨有風流

董元宰別開生面繼荆關

西廬石谷擅仙心百廿傳人直到今閒倚秋根

品優劣桐間清露點衣襟

同里晉卿弟錢燦題

桐陰論畫後跋

此編但論筆墨當造微入妙人品高下不計焉
夫士大夫寄意豪素陶寫性情不過適一時之
興趣無關品節者也余就生平所見者漫論之
未免訾議古人言多未當然畫雖小道此中得
失必求深造古人無微不肖始爲精詣豈敢妄
論前人雌黃黑白也是所望博雅君子折衷焉

甲子春三月楞煙外史重識

桐陰論畫初編例言

董思翁載在明史似乎不應闌入此編然思翁於畫學實有開繼之功焉明季畫道之衰端賴振起文沈雖爲正派大家而其源實出梅道人倪黃一派至思翁獨得心傳開婁東正派故必以思翁冠首其餘明季諸賢均名重一時筆墨各擅勝場兼收博採用資賞玩既可開豁心胸又能擴充識見鍾伯敬先生

云晚知書畫真有益篤論也

國初至今計二百餘年名家林立美不勝收
由四王惲吳六大家外就生平所弄藏寓目
者集成百二十家向分爲三卷然大家名家
千秋論定非一人之私見今特重爲訂正分
爲二卷體例以歸畫一余謬摭臆見漫爲評
隲至所標品目非可執一有神而兼逸有能
而兼逸有神與能兼擅而仍無失爲逸亦有

神而不能能而不逸神能逸各擅其長遂各
分其品此中區別在鑒賞家當就所見之畫
以定之正無容拘泥也瑣記小談用備好古
者之考證云爾

光緒八年歲次壬午秋七月望前

梁溪秦祖永逸芬甫重識

桐陰論畫圖

謹亭為

逸芬作于都門息柯題

于嶺南癸酉十二月將

返語溪記







逸芬弟著桐陰論畫一
書以法精奧渾茂無遺
畫境由此日進庚午春重
游都門囑為補畚因倣
黃鶴山樵筆意寫此年
將七十眼花手僵惟有

退避三舍讓
惠連出一頭地矣

炳文并識



誼老曾為

逸老兄作同息柯賦詩又為書

扁三居

逸老作此景我舊懷人不膏

三人時對也 息柯記



桐陰論畫目錄

首卷 書畫大家

董其昌

香光

王時敏

煙客

王

鑑

圓照

王

翬

石谷

王原祁

麓臺

惲壽平

正叔

吳

歷

漁山

吳偉業

駿公

鄒之麟

臣虎

陳洪綬

章侯

楊文驄

龍友

張學會

爾唯

方亨咸

邵邨

張風

大風

釋髡殘

石溪

釋道濟

石濤

上卷

書畫名家

惲向

道生

李流芳

長蘅

卞文瑜

潤甫

程嘉燧

孟陽

邵彌

僧彌

王鐸

覺斯

程正揆

青溪

項聖謨

孔彰

姚允在

簡叔

楊補

古農

胡宗仁 長白

金俊明 耿庵

傅山 青主

查士標 二瞻

蕭雲從 尺木

釋宏仁 漸江

汪之瑞 無瑞

趙左 文度

趙澄 雪江

方以智 密之

祁豸佳 止祥

龔賢 半千

吳宏 遠度

胡玉昆 元潤

魏之璜 考叔

莊岡生 澹庵

法若真

黃石

竺重光

在莘

嚴繩孫

秋水

毛奇齡

大可

王武

勤中

顧大申

見山

吳山濤

岱觀

陳丹衷

涉江

林之蕃

孔碩

程邃

穆倩

萬壽祺

年少

周荃

靜香

高簡

澹游

張宏

君度

劉度

叔憲

李念慈

屺瞻

沈顯朗倩 許儀子韶

文點與也 施霖雨咸

湯右曾西崖 沈樹玉蘧夫

陳舒道山 柳堦愚谷

盛丹伯含 吳期遠子遠

下卷 書畫名家

王撰異公 宋珏比玉

徐枋侯齋 戴思望懷古

姜實節

學在

梅庚

雪耕

曹岳

秋崖

黃鼎

尊古

沈宗敬

獅峯

戴本孝

務旃

沈士充

子居

馬元馭

扶曦

楊晉

西亭

顧昉

若周

胡節

竹君

釋目存

上睿

蔣廷錫

揚蓀

王世琛

寶傳

王昱

東莊

溫儀

紀堂

王敬銘

丹思

王愔

林屋

張庚

浦山

鄒一桂

小山

金農

壽門

華岳

秋岳

李鱣

復堂

方士庶

循遠

鄭燮

板橋

張鵬翀

南華

張照

得天

董邦達

東山

錢載

籀石

張宗蒼

篁邨

項奎

東井

張洽

月川

錢維城 茶山 王宸 子凝

羅聘 兩峯 方薰 蘭士

黃易 小松 奚岡 鐵生

錢杜 叔美 張問陶 船山

王學浩 椒畦 陳鴻壽 曼生

黃均 穀原 朱昂之 青立

湯貽汾 雨生 戴熙 醕士

改琦 伯蘊 費丹旭 曉樓

附錄 閨秀名家

顧媚 眉生 李因 是庵

馬荃 江香 陳書 南樓

桐陰論畫目錄

桐陰論畫目錄

桐陰論畫

首卷

書畫大家

梁溪秦祖永著

董其昌

神品

董香光其昌畫法全以北苑爲宗故落筆便有
瀟灑出塵之概風神超逸骨格秀靈純乎韻勝
觀其墨法直挾董米之精淋漓濃淡妙合化工
自是古今獨步

思翁筆墨
真能奪取
造化生氣
最爲神妙
學者當細
心揣摩

思翁華亭人萬曆十七年己丑進士仕至尙
書諡文敏工詩文書法自謂突過吳興黃蘗

如鑑洞形超絕前代所著書眼畫眼鉤元提
要筆墨訣竅闡發殆盡真藝林百世之師也
嘉靖三十四年乙卯生崇禎九年丙子卒年
八十有二明史作八十三今據松江婁縣二
志案元宰生乙
丑正月十九日

王時敏

神品

奉常翁全
從力行苦
心得此自
在面目真
不易窺見
藩籬也

王煙客太常時敏運腕虛靈布墨神逸隨意點
刷邱壑渾成晚年益臻神化駿駿乎入癡翁之
室矣後之人得其形者每失其神洵絕詣也畫
苑領袖吾無閒然

死○生○匠○心○
道○染○格○無○
不○備○此○二○
王○所○由○並○
傳○也○

西廬老人太倉人相國文肅公錫爵孫翰林
衡子崇禎初以蔭仕至太常癖好繪事於宋
元諸家無不精研兼擅尤於癡翁稱出藍妙
手工詩古文行楷撫枯樹賦隸追秦漢榜書
八分爲近代第一名山梵刹非先生書不足
爲重也明萬厯二十年壬辰生康熙十九年
庚申卒年八十有九

王鑑神品

王元照太守鑑沉雄古逸皴染兼長其臨摹董
巨尤爲精詣工細之作仍能纖不傷雅綽有餘
妍雖青綠重色而一種書卷之氣盎然紙墨閒

洵爲後學津梁

染香庵主太倉人弇州先生孫以蔭仕至廉
州太守與奉常翁爲子姪行世之討論六法
者必推崇二王真有開繼之功焉明萬曆二
十六年戊戌生康熙十六年丁巳卒年八十

王翬

能品

王石谷翬天分人功俱臻絕頂南北兩宗自古
相爲枘鑿格不相入一一鎔鑄毫端獨開門戶
眞畫聖也至點綴人物器皿及一切雜作均繪
影繪神諸家莫及能品何疑

自唐五代
南北宋至
元明各家
其用筆各
有門庭耕
煙翁集其
大成眞不
愧爲畫聖

王氣作家
一格麓臺
司農有之
蒼蒼莽莽
六法無跡
長於用拙

耕煙散人常熟人親受二王先生指授遂成
一代作家論者評其畫比王阮亭詩云明崇
禎五年壬申生康熙五十九年庚子卒年八
十有九陳祖范撰墓表云年八十六不著卒
年案沈歸愚撰墓表云生崇禎壬申二月二
十一日卒康熙五十六年丁酉十月十三日
年八十六與墓表同可據

王原祁神品

王麓臺原祁秉承家學氣味深醇蓋得力於百
者深也中年秀潤晚年蒼渾凡作一圖沈雄駘
宕元氣淋漓筆端金剛杵之語不虛也有志筆

是此老過
人處

唐惲二公
真是天仙
化人超絕
今古允爲
定評

墨者能會司農古雋惲逸之趣則得矣

茂京太倉人奉常翁孫康熙九年庚戌進士
登第後專心畫理於大癡淺絳尤爲獨絕工
詩文稱藝林三絕所著雨窗漫筆足爲後學
矜式明崇禎十五年壬午生康熙五十四年
乙未卒年七十有四

惲壽平逸品

惲正叔壽平能事寫生隻行今古閒寫山水一
邱一壑超逸高妙不染纖塵余謂前代畫家擅
長三絕者卓然惟唐子畏一人當代惟南田翁

可與並傳千古

南田翁武進人初名格工詩古文詞毘陵六
逸南田爲上書法褚米自成一格時稱三絕
山水小品居多花卉斟酌古今以北宋徐崇
嗣爲歸一洗時習獨開生面爲寫生正派比
之天仙化人不食人閒煙火也明崇禎六年
癸酉生康熙二十九年庚午卒年五十有八

吳 歷 神品

墨井道人吳歷心思獨運邱壑靈奇落墨迴不
猶人想見此老高懷絕俗獨往獨來不肯一筆
寄人籬下觀其氣韻沈鬱魄力雄傑自足俯視

漁山用意
用筆憂憂
獨造如文
章家龍門
敘事法變
化無方

諸家另樹一幟

漁山常熟人工詩書法坡翁又善鼓琴爲虞
山派畫得王奉常之傳刻意摹古遂成大家
其出色之作能深得唐子畏神髓不襲其北
宗面目尤爲諸家所莫及明崇禎五年壬申
生康熙五十四年乙未年八十四尚強健張
雲章爲作傳後浮海去不知所終或云卒年
八十有六

吳偉業逸品

吳梅邨祭酒偉業筆意雅秀絕倫脫盡作家習
氣生平不多畫然一落筆便有卷軸氣嫩處如

觀先生畫
覺矜才使
氣一輩未
免有慚色

山人畫落
落大方非
尋行數墨
者所能望

金秀處如鐵真逸品也。後之人見先生畫者自
然躁釋矜平。

駿公太倉人。明崇禎四年辛未榜眼。書法精
文敏姿態靜逸。極有韻致。與董其昌王時敏
友善。作畫中九友歌紀之。九友董其昌王時
敏王鑑李流芳楊文驄程嘉燧張學曾卞文
瑜邵彌詩名滿區宇。明萬曆三十七年
己酉生。康熙十年辛亥卒。年六十有三。

鄒之麟
神品

鄒衣白。山人之麟。畫法子久用筆圓勁古秀。雖
皴染不多。一種解衣磅礴之概。卓然大雅不羣。

其項背

觀老蓮畫
如親古處
衣冠一空
凡格

其細密之作畫品在雲東雲卿之間惜傳世甚少不易得見也

臣虎武進人明萬曆三十八年庚戌進士山水純樸癡翁得力於富春山圖但落墨多寥寥數筆不求工好其曲折細潤六法俱備者最爲難得生平好古力學博極羣書文辭歌詩刻意師古授工部主事晚年自號逸老又號味庵

陳洪綬

神品

陳章侯洪綬深得古法淵雅靜穆渾然有太古之風時史靡麗之習洗滌殆盡至其力量宏深

襟懷高曠直可並駕唐仇追蹤李趙允爲畫人
物之宗工

老蓮諸暨明經兒時學畫便不規規形似蓋
得之於性非積習所能致者崇禎間召入爲
舍人使臨厯代帝王圖像因得縱觀大內畫
畫乃益進性誕僻好游甲申後自稱悔遲與
北平崔青蚓齊名號南陳北崔詩饒有逸致
惜流傳者寡明萬厯二十七年己亥生順治
九年壬辰卒
年五十有四

楊文驄

逸品

楊龍友文驄天資瀟灑下筆有風舒雲捲之勢

龍友士氣
眞蓺林中

不數觀也
宜其筆墨
超逸乃爾

讀此論先
生之步骨
神韻已可
想像得之

蓋其負質異也。余見尺幅數種。均係一時興到
之作。不爲蹊徑所拘。而靜逸之趣。充溢縑素間。
純以士氣勝也。

龍友貴州人。流寓金陵。明萬厯末年。孝廉博
雅好古。書法極超逸。仕爲兵部郎工畫。善用
墨。初爲華亭學博。從董文敏遊。遂精畫理。不規規雲間蹊徑也。

張學會

逸品

張爾唯太守學會畫宗北苑蒼秀絕倫妍而不
甜枯而不澀備極蕭疏簡遠之致惜流傳甚少

格高興逸
非謂萬卷
書行萬里
路者不能
有此境界

長箋巨幅俱未得見當時之矜重可知矣。緬懷
遺墨丰姿濯濯令人想張緒當年

約庵山陰人精繪事書法蘇長公以副車
官中書爲蘇州太守自幼好書畫重交游

方亨咸神品

方邵村侍御亨咸博大沈雄力追古雅一樹一
石一點一拂無不與古大家血脈貫通至設色
沈古取境幽闊猶其餘事置之東原完庵間能
無愧色神韻兼備心嚮往焉

純乎天趣
方脫盡筆
墨蹊徑深
人六法中
者乃能超
出六法外

吉偶桐城人順治四年丁亥進士少年科第
爲名執法吏治文章之外精於八法旁及繪
事患難後自塞上歸其畫更進侍御足迹幾
徧天下故其所見無非粉本不規規於古人
所以更勝於古人也

張風逸品

張大風風畫無師承全憑己意爲之深入元人
堂奧山水旣臻化境卽間寫人物亦恬靜閒適
神韻悠然無一毫嫵媚習氣蓋由其擺脫塵鞅
另開蹊徑

讀此論道
人之畫儼
在几席間
亦是傳神
妙手

大風上元諸生家貧惟容膝地每天雨湫隘
踣卧書案上常累日貌頽偉美髭髯望之如
深山老煉士工圖章詩賦填詞皆秀警可誦
與人處渾渾不露圭角性極幽僻多寓僧寮
道院不一省其家頗有自得之樂真翰墨中散仙也

釋髡殘神品

石道人髡殘筆墨蒼莽高古境界天矯奇闊處
處有引人入勝之妙盛夏展翫頓消煩暑蓋胸
中一段孤高奇逸之氣畢露毫端誠元人勝概
也蒲團上得來不其然乎

石道人楚之武陵人俗姓劉幼失恃便思出家遂自翦其髮投龍三三家庵旋歷諸方參訪得悟後來金陵住牛首寺為堂頭和尚繪事高明然不輕為人作雖奉以兼金求其一筆不可得也至所欲與即不請亦以持贈公品行筆墨俱高出人一頭地所與交者遺逸數輩而已

釋道濟神品

合論處二
公力量真
是各擅其
長一時瑜
亮

清湘老人道濟筆意縱恣脫盡畫家窠臼與石溪師相伯仲蓋石溪沈著痛快以謹嚴勝石濤排鼻縱橫以奔放勝師之用意不同師之用筆

則一也。後無來者。二石有焉。

右禱勝國楚藩之後。山水自成一家。下筆古雅。設想超逸。每成一畫。與古人相合。蓋功力之深。非於唐宋諸家。心領神會。烏克臻此。竹石。梅蘭。均極超妙。尤精分隸書。王太常云。大江之南。無出石師右者。可謂推許之至矣。署論畫一卷。詞義元妙。全從經典中得來。

桐陰論畫首卷終

桐陰論畫

上卷 書畫名家

梁溪 秦祖永 著

惲 向神品

畫能師造
化乃爲真
筆墨香山
翁非徒品
高良由筆
妙觀此如
見其人

惲○道○生○向○筆○墨○縱○橫○如○意○頗○得○山○水○雄○渾○之○趣○
早○年○氣○厚○力○沈○全○摹○董○巨○晚○年○惜○墨○如○金○翛○然○
自○遠○意○興○在○倪○黃○之○閒○香○山○翁○位○置○既○高○故○落○
筆○便○非○凡○近○可○擬○

香山翁武進人爲高材生治詩以制義名世
晚乃棄去獨工畫高自位置恥與平流伍生

具此見解
自然研精
去粗無美
不臻

平往來齊魯間最久是其筆墨所得力也崇
禎間詔舉賢良方正授職中書著有畫旨四
卷棗梨今
不可問矣

李流芳神品

李長蘅流芳筆力雄健墨氣淋漓有分雲裂石
之勢後之摹先生畫者須先養其溫和恬靜之
氣而後研求先生風骨神彩則霸悍之習自除
矣師長捨短願與識真者共參之

檀園老人嘉定人萬厯三十四年丙午孝廉
文品爲士林翹楚工詩書法蘇長公又精印

將二公過
不及處相
形論極精
妙耐人尋
味

章與何雪漁方駕嘉定四先生妻子柔唐叔
達程孟陽與先生也萬厯三年乙亥生崇禎
二年己巳卒
年五十有五

卞文瑜

逸品

卞潤甫文瑜筆致幽秀逸趣橫生真能洗滌煩
襟引人入勝蓋長蘅用筆太猛失之獷潤甫落
墨太鬆失之弱合二公之失參取之吾知其必
有入也精於六法者當不河漢余言

浮白長洲人從董文敏講求六法故筆墨
亦相近生平無定居爐香茗椀到處自隨

觀畫亦足以定人品

神趣宛合

程嘉燧逸品

松圓老人程嘉燧深靜枯淡畫如其人當日不輕爲人點染故傳世不多余見尺幅數幀意趣閒逸思致適勁塵俗町畦掃除殆盡所由見賞名流藏諸什襲

孟陽休寧人移居嘉定善畫工詩極爲錢虞山推重嘉靖四十四年乙丑生崇禎十六年癸未卒年七十有九

邵

彌逸品

古人書畫
無不各肖
其性情老
入孤高自
賞其筆墨
間有寒冷
氣宜哉

瓜疇老人邵彌性情孤癖以書畫自娛蓋高士
也觀其遺蹟蕭疎岑寂備極閒冷之致當時頗
自矜貴不肯干人故落墨無一毫喧熱態令人
想見高懷絕俗胸次蕭然

僧彌長洲人詩宗陶韋書得鍾太傅遺法逼
近虞褚倣宋元草書出入大小米於畫倣宋
元性舒緩有潔癖僮僕患苦妻子竊罵終其
身不爲改其迂癖如此隱於瓜疇自號瓜疇
老人

王鐸神品

力勝於韻
論極平允

畫畫一理
古今定評

畫以士氣
爲上惟其

王覺斯鐸魄力沉雄邱壑峻偉筆墨外別有一
種英姿卓犖之概殆力勝於韻者觀其所爲書
用筆險勁沉著有錐沙印泥之妙書之關紐透
入畫中矣書畫同源無二理焉

覺斯孟津人明天啟二年壬戌進士博學好
古工詩古文精史學行草宗山陰父子正書
出自鍾元常明萬曆二十年壬辰
生順治九年壬辰卒年六十有一

程正揆逸品

程侍郎正揆筆情縱逸風韻蕭然真士大夫筆

研理精故
其落筆超
也

然有見地
並非妄肆

墨嘗見其論畫云北宋人千邱萬壑無一筆不
減元人枯枝瘦石無一筆不繁真名語也惟其
畫理精故能造微入妙如此

青溪道人孝感人移居金陵明崇禎四年辛
未進士善屬文書法李北海又工畫嘗欲作
卧游圖五百卷或數丈許或數尺許繁簡濃
淡各極其致歸田後優游棲霞牛首之間蕭
然高樂以
書畫自娛

項聖謨
逸品

項孔彰聖謨筆意雅秀近師文氏遠法宋人尤

譏評

觀簡叔畫
真自
行自
止不
因人
熱者

能領取元人氣韻頗有思致閒寫花草松竹木
石簡當不支大幅邱壑散漫未能精神團結蓋
以駕馭馳騁之未臻其極也

孔彰嘉興人墨林元汴孫書法宗閣帖明萬
曆二十五年丁酉生順治十五年戊戌卒年
六十
有二

姚允在逸品

姚簡叔允在秀韻靜穆古趣盎然真能擺脫浙
習另敞門庭簡叔頗自矜重不多爲人畫余僅

古農畫大
率類此名
流所稱賞
者諒必別
有所見也

見一小幀最愜心之作骨月停勻功力圓到視
世之以浮艷悅人者真有雅俗之別

簡叔會稽人工詩萬歷間以畫名山水宗荆
關人物精工秀麗在能妙之間常流寓秦淮

楊

補

逸品

楊古農補秀澹潔朗擅元人之勝一邱一壑頗
爲名流珍賞傳世均係小品余見扇頭冊頁數
種筆墨簡淡真無一毫喧熱氣惜皴太率易未
能迥鍊殆非古農得意筆也

無補由江西清江徙於吳爲長洲布衣工詩
刻意爲清新古淡之學甲申後隱居於鄧尉
山明萬曆二十六年戊戌生
順治十四年丁酉卒年六十

胡宗仁

逸品

長白畫天
真古淡脫
盡恒蹊至
構局之奇
異真別有
會心超然
塵外

胡長白宗仁筆意古質真有五代以前氣象早
歲規模文五峯尙爲六法所縛晚則出入癡翁
黃鶴兩家一變其鈎勒渲暈之習遂臻化境惜
傳世甚少幾等廣陵散矣

彭舉上元人與弟宗信宗智俱以丹青著名
貌傲岸高蹈絕俗晚年衲衣拄杖反手徐步

以古人規
格資我陶
鎔乃始芟
盪陳趨另
開門戶

修髯從風見者目爲神仙中人八分書學禮
器碑無一點俗態工詩本富家子老而食貧
不謁時貴隱居治
城山下罕與人接

金俊明逸品

金孝章俊明寒香鐵幹位置精嚴明季畫梅諸
家均師法王元章略無通變孝章獨斟酌於花
光補之之間別成雅構疎花細蕊丰致翩翩真
是詩人胸次秀韻天成

耿庵吳中高士初爲諸生入復社才名籍甚
後謝去杜門傭書自給以善書名吳中鄭虔

三絕耿庵兼之平生好錄異書不問寒暑仲
子侃亦繼之故矮屋數椽藏書滿架也明萬
厯三十年壬寅生康熙十
四年乙卯卒年七十有四

傅

山

神品

骨勝之論
最爲確當

傳青主徵君山骨格權奇邱壑磊落時史描頭
畫角之習掃除淨盡此畫之以骨勝也閒寫竹
石卓然塵表不落恒蹊胸中自有浩蕩之思腕
下乃發奇逸之趣蓋浸淫於卷軸者深也

書卷之益
豈虛語哉

青主太原人康熙十八年己未薦舉博學鴻
詞工詩文兼長分隸書尤精篆刻收藏金石

姜白石云
人品不高
落墨無法
將濶狹兩
種確究其
弊真六法
之微言也

最富辨別真贋百不失一稱當代巨眼池北
偶談云年八十徵至都今據全謝山撰傳先
生事畧以戊午年七十四推之
當是明萬曆三十三年乙巳生

查士標

逸品

杏梅壑士標博雅好古。人品極高。畫以天真幽
淡爲宗。頗爲時流所重。蓋二瞻畫有兩種。濶筆
縱橫排界。尙少渾融。遒鍊之氣。狹筆則一味生
澀。未能精湛。蓋畫以品重也。

二瞻海陽人。勝國諸生。棄舉子業。專事書畫。
書法華亭極超妙。明萬曆四十三年乙卯生。

康熙三十七年戊寅卒年八十有四

蕭雲從逸品

古來名家
永有不自
成一家而
能傳世者

蕭尺木雲從體備衆法自成一家筆意清疎韶
秀饒有逸致生平所爲畫極夥均係蕭疎淡遠
之作惟所繪太平山水全圖追摹往哲工雅絕
倫極爲藝林珍重

無悶道人當塗人崇禎十二年己卯副車不
就銓選以詩文辭自娛兼精六書六律采石
太白樓下四壁畫
五嶽圖是其手筆

雲林古淡
天真脫盡
縱橫習氣
純以逸氣
勝也豈漸
師所能仿
哉

釋宏仁

逸品

梅花古衲漸江山水專摹雲林當時極有聲譽
余見卷冊數種不過筆墨秀逸並無出奇制勝
之處想是門徒贗作非真蹟也不然羣以雲林
推奉之未免塘突雲林矣

漸江歙人本江姓名韜字六奇爲名諸生甲
申後棄去爲僧喜倣雲林遂臻極境江南人
以有無定雅俗如昔人之重雲林然咸謂得
漸江足當雲林隱居齊雲不妄爲人作工詩
文新安畫家宗清閔
法蓋漸江導先路也

汪之瑞逸品

畫以皴法
爲要無皴
法斷非佳
畫有此論
不應有此
豈能言而
不能行耶

盛名之下
並非苛求

汪○無○瑞○之○瑞○落○筆○如○風○雨○驟○至○頃○刻○數○紙○蓋○有○
輪○廓○而○無○皴○法○非○純○詣○也○其○論○畫○有○云○能○疎○能○
密○有○奇○有○正○方○爲○好○手○又○云○厚○不○因○多○薄○不○因○
少○畫○理○精○妙○若○此○想○所○見○者○非○真○蹟○耳○

無瑞休寧人書法宗李北海爲人氣
宇軒昂性情豪邁有不可一世之概

趙左能品

趙文度左聲名籍甚雅重一時余見尺幅數種

確有不能
令人心折
者

筆墨靈活
始能造微
入妙板則
功力雖深
仍不免為
迹象所拘

似甜熟家數並無古雋沈鬱之趣當時之推許
過也蓋余所見者想是泛泛酬應之作不知此
老得意筆果作何等觀

文度華亭人畫出宋旭之
門蘇松一派乃其首創也

趙澄能品

趙雪江澄畫兼南北長於臨摹山水潑墨細謹
種種入妙余見巨冊一幀後又得一絹幅均極
得意筆神韻骨格兼而有之微嫌稍板此其所

耳

能於禿筆
中見生趣
非高才卓
絕者不能

以遠遜石谷也

湛之潁州布衣博學能詩性好奕又工臨帖
善寫照臨摹古蹟爲諸名流稱賞嘗移家東
萊又移膠西移大梁晚
移濠上所至人爭重之

方以智

逸品

無可大師方以智山水純用禿筆意興所到不
求甚似余見小冊二幀極有神韻蓋畫家用禿
筆多無生趣無道人細筆鈎皴不事渲染而生
趣天然令人愛玩不置真白描高手

畫久靜逸
之趣終不
免縱橫餘
習

密之桐城人崇禎十三年庚辰進士少年科
第書作章草亦工二王詩文詞曲甲於東南
甲申後薙髮受具法名宏智耽嗜枯寂簞衣
糲食有貧士所不能堪者於是謝絕著切進
意興所至或詩或畫偶一爲之然
多作禪語白喻而已不期人解也

祁豸佳

神品

祁止祥豸佳山水倣石田翁氣勢淋漓筆力挺
拔自有一種不可羈勒之概豁人心目但蒼潤
中尚少靜逸之趣學者師其長而捨其短何在
非精進之助也

止祥山陰人天啓七年丁卯孝廉論者評其書不在董文敏右畫則入荆關之室詩文填詞皆有致能歌能奕尤能圖章以至奕錢蹴踘之戲無不各盡其致以名孝廉隱於梅市蓋異人也

龔賢

逸品

趨嚮極高
用筆濃重
終難免拙
濁之病學
者其知所
從事哉

龔半千賢掃除蹊徑獨出幽異自謂前無古人後無來者但墨太濃重沈雄深厚中無清疎秀逸之趣余昔見一小幀筆墨極淡逸與習見者不同知此老之畫非一味濃重也

博採諸家
之長更能
自立門庭
宜其無美
不臻超然
遠俗

半千崑山人流寓金陵結廬於清涼山下葺
半畝園栽花種竹悠然自得性孤癖與人落
落難合詩文不肯苟作嘔心扶髓而後成惟
恐一字落入人蹊徑所著畫訣言近旨遠精確
不磨初學最宜探討與樊圻高岑鄒
誥吳宏葉欣胡造謝蓀為金陵八家

吳宏神品

吳遠度宏筆墨縱橫森秀能萃諸家之長運以
已意不肯寄人籬落蓋白闢一徑者也余昔藏
一巨幀峯巒鬱密氣勢雄遠無時史一毫瑣屑
態真大雅不羣可稱合作

遠度江西金溪入後移
家金陵住雲林白馬閒

胡玉昆逸品

觀元潤畫
如開雲在
霄卷舒自
在不落筆
墨蹊徑拘
非擬議可
到

胡元潤玉昆性情孤癖畫亦如之用筆設色好
作縹緲虛無態余昔藏一長卷用淡墨渲皴深
得元人神趣境界極空靈淡蕩作家窠臼擺脫
殆盡真逸品也

元潤上元人宗智子
畫承家學尤為傑出

魏之黃逸品

不有見地

魏考叔之璜筆意蒼勁敷染得宜淡墨花卉清
逸雅秀頗有天然之致山水境界微嫌疎碎無
渾淪氣象故筆墨淺薄殊少古韻後之見考叔
畫者以余言爲何如也

考叔上元人與弟之克以畫名性孝友闔室
三百餘指皆仰給硯田未嘗析爨每月必書
大士像施諸寺院詩清迥絕俗行書撫聖
教序楷倣歐率年近八旬卒於秦淮水閣

莊罔生

逸品

莊澹庵罔生山水擅長小景有學堂氣象文章

文人餘事
借此怡情
原非作家
可比

畫有士夫
氣雖隨意
揮灑不落
作家窠臼

之餘旁及繪事蓋自率胸臆不拘拘師法也余
見綾本山水一幀林巒層疊處處有荒率態卻
無一毫甜俗氣自是文人本色

澹庵武進人順治四年丁亥進士工詩古文
山水特其餘技耳明天啓六年丙寅生

法若真
神品

法黃石若真雅善山水偶然涉筆便瀟灑拔俗
不染塵氛余見扇頭小品筆力頗極雄健而清
超俊爽風趣油然在筆墨外真文人娛情翰墨

江上先生
筆墨人品
曲曲傳出
允爲定評

自游自止不爲先匠所拘也

漢儒膠州人工詩精書法順治三年丙戌進士
康熙十八年己未薦舉博學鴻詞未用後
以五經博士通籍
仕至安徽布政使

笪重光

逸品

笪江上侍御重光風流儒雅跌宕多姿筆墨二
字闡微入妙閒寫山水高情逸趣橫溢毫端良
由鑒賞精也肥不俗濕不溷視世之有筆無墨
有墨無筆者相去奚啻霄壤

在莘江南句容人順治九年壬辰進士書法
眉山筆意超逸名貴與姜西溟江退谷何義
門齊名稱四大書家工詩文詞所著書筏畫
筌曲盡精微有裨後學明天啓三年癸亥生
康熙三十一年
壬申卒年七十

嚴繩孫

逸品

嚴太史筆
墨讀此分
人神往

嚴秋水中允繩孫筆墨雅韻欲流逸情雲上山
水人物鳥獸樓臺界劃罔不精妙山水深得思
翁恬靜閒逸之趣界劃畫直可近跨十洲遠追
千里眞出羣手筆

卷軸氣斷
非塵襟俗
韻所能摹
肖而得者
以此知吾
輩學問當
一意充拓
心胸為主

蓀友無錫人前明諸生康熙十八年己未以
布衣薦舉博學鴻詞精書法善八分詩詞婉
約深秀畫鳳尤膾炙人口歸田後號蕩蕩漁
人杜門不出子泓曾世其學明天啓三年癸
亥生康熙四十一年壬午卒年八十

毛奇齡神品

毛檢討奇齡博通經史落墨便超余見小品數
種古雋渾脫書卷之味撲人眉宇視世之規規
於六法者反爲蹊徑縛也董思翁云不讀書人
不足與言畫信然

西河蕭山人原名姓康熙十八年己未薦舉
博學鴻詞善書工詩文詞下筆千言立就廣
益經術維持名教擅百世名惟攻擊朱子不
遺餘力至鐫書若干卷以示旗鼓所以不得
爲醕儒藝林惜之明天啓三年癸亥生案黃
鉦蕭山縣志年九十有四康熙五十五年丙
申卒

王武

能品

王忘庵武位置安穩賦色明麗當時頗負重名
此老功力極深微嫌板木所作花卉翎羽殊乏
清超生動之韻蓋以人功勝天分也今畫家多

古來畫家
天分人功
缺一不可
忘庵之不
能並駕南
田者職是

敬批

畫家只要
能脫俗格
筆墨已屬
不凡

宗白雲新羅忘庵畫幾成廢格矣

勤中吳人文恪公鑿六世孫以諸生入太學
性情樂易生平不趨謁權貴晚年自號忘庵
明崇禎五年壬申生康熙二
十九年庚午卒年五十有九

顧大申逸品

顧見山大申山水取法思翁頗得趨向其用筆
清和圓潤綽有風情雖無沈雄古逸之氣而追
摹宋之董巨元之黃王其融會通化處真能高
出時流蕭然遠俗

見山華亭人順治九年壬辰進士詩精深華
妙雲間自陳卧子後詩格漸衰見山起而振
之古今體氣足神完可以接武

吳山濤逸品

神化之境
非縉爛之
極者不能
臻此

吳岱觀山濤殘山賸水揮灑自然畫品在青溪
梅壑之間細密之作深入元人閭奧瀟然淡遠
幾無墨路可尋堪與張風方駕不爲法縛不爲
法脫教外別傳是爲逸品

塞翁錢塘籍歙人崇禎十二年己卯孝廉授
陝西知縣博通經史能文工詩書法勁逸年

人但知有
畫處是畫
不知無畫
處皆畫惟
具筆先之
機者乃庶
有此境界
也

八十
有七

陳丹衷
逸品

陳○涉○江○侍○御○丹○衷○筆○意○簡○淡○絕○去○甜○俗○蹊○徑○真
能○引○人○坐○清○淨○地○無○一○毫○縱○橫○習○氣○東○坡○論○畫
謂○筆○略○到○而○意○已○俱○涉○江○畫○即○筆○不○到○處○意○已
先○矣○此○中○妙○諦○惟○善○學○者○會○之○耳

涉江金陵人崇禎十六年癸未進士法名道
所性豪爽事親孝交游廣詩文古蠅作畫不
名一家畫成必自題其上雖三數語亦成一
佳文長篇勿論矣侍御一切都捐獨於古小

小玩弄物不能忘情酒閒
時出滑稽語能使人絕倒

林之蕃
逸品

墨戲之作
蓋士大夫
詞翰之餘
適一時之
興趣與夫
繪畫之流
大有寥廓

林孔碩之蕃。山水落筆蒼潤。韻致蕭疎。脫盡作
家習氣。但邱壑不甚謹嚴。故精神每多散渙。此
係文人寄意。豪素本非以此爭勝也。賞鑒家遇
此等畫。亦賞其雅而不俗可耳。

涵齋閩人。崇禎十六年癸未進士。授嘉興令。
清廉有聲。惟知奉公。潔己不善逢迎。上官遂
爲齟齬。使者所劾。竟拂衣
歸。一瓢一鉢。寂隱山中。

以枯筆倣
巨然惟垢
道人獨創
之格同能
不如獨詣
洵然

程邃

逸品

程穆倩邃山水純用枯筆模糊翳鬱別具神味
余見卷冊數種規格悉倣巨然但諸家倣巨然
多用潤筆此獨以渴筆出之一種沈鬱蒼古之
趣迥不猶人洵是畫中逸品

垢道人歟人自號江東布衣博學工詩文尤
精篆刻收藏金石最富辨別詳細其推為正
法眼藏品行端慈敦
崇氣節超出時流也

萬壽祺

逸品

讀此論道
人之寄情
毫素超然
物外於筆
墨中可想
見焉

萬年少壽祺孤高絕俗雅善繪事余藏一山水
幀風神雋逸惜墨如金荒寒之態不可把視蓋
無聊之氣一寄於此耳所作白描人物態度淵
雅真有吳帶當風曹衣出水之妙

年少徐州人崇禎三年庚午孝廉自詩文書
畫外琴碁劍器百工技藝細而女工刺繡撈
一而革工縫紉無不通曉尤精篆刻圖章國
變後儒衣僧帽往來吳楚間世稱萬道人

周 荃
逸品

周觀察靜香荃畫宗倪董筆趣頗佳此真不爲

此中微妙
當從無筆
墨處領取

山人之名
落小品蓋

古人束縛者李次公題其畫云視荆關稍潤較
董巨微枯不誣也古人用筆運其神氣於人所
不能見之地故人莫能及觀靜香畫洵然

花溪老人長洲人青州罷政歸長齋
閉戶罕與人接題句書法皆有韻致

高簡逸品

一雲山人高簡尺幅小品秀潔妍雅頗有風趣
此老務爲簡淡筆墨清臞脫盡縱橫習氣但布
置深穩則有餘局度開張則不足蓋精於小品

由一也

重濁之病
由於拙禿

如此乃得
用筆之妙

者也。若長箋巨幅，則非山人之能事矣。

澹游吳門人，能詩善畫。明崇禎七年甲戌生，以康熙四十七年戊子年七十五推之。

張

宏

能品

張鶴澗宏筆意古拙，墨法濕潤，儼有前規。蓋師法石田翁，而未能超脫者。觀其布墨筆鋒拙禿，無超逸渾脫之趣。夫筆墨一道，須巧拙互用，巧以取奇，拙以入古，方臻妙境。

君度吳人，吳中學者，都尊崇之年八十外。

毛字相形
大是妙諦

劉度

龍品

劉叔憲度山水千邱萬壑層出不窮蓋師法北宋人得其神髓者余見巨冊六幘布置細密並無靈警生動之韻麓臺云山水用筆須毛毛則氣古而味厚叔憲畫其病正在光耳

叔憲錢塘人畫出藍田叔之門後又變師大小李將軍有出藍之譽

李念慈

逸品

李岷瞻念慈山水不拘拘景色偶然涉筆侔儻

天分人功
俱臻絕頂
乃庶有韻
非易幾也

石田翁浩
浩落落實
力虛神渾
然有餘後

非。常。意。之。所。到。筆。亦。隨。之。是。真。自。寫。胸。臆。不。爲。
境。界。所。縛。者。余。僅。見。扇。頭。小。品。瀟。灑。有。致。所。乏。
高。韻。耳。識。者。鑒。之。

岷瞻涇陽人順治十五年戊戌進士爲景陵
知縣康熙十八年己未薦舉博學鴻詞詩畫
皆擅時名

沈顥逸品

沈朗倩顥筆意秀挺頗無俗韻余昔得一巨幀
係倣石田翁者鈎勒皴擦均極老到點色亦極

人無此力量

色澤妍麗
鈎勒精工
仍能饒生
動之韻者
惟子韶最
為擅勝

清妍惜石田翁一種沈雄渾厚之趣未曾摹得
一二分蓋功力不逮也

石天長洲諸生詩歌文詞書法真行篆籀無
所不能常游白門名噪甚惟性好徵逐故不
甚為人珍重

許儀能品

許中翰子韶儀花草蟲魚鳥獸種種精妙賦色
獨取法宋人窮極工麗真絕技也范質公先生
云子韶畫花能香畫鳥能聲蓋深嘆其寫生精

工○又○能○生○動○不○徒○以○敷○染○見○長○

歇公無錫人畫本舅氏李采石有出藍之美
工詩尤精篆刻款下印章每以手畫成亦絕
技也卒年七十有一

文點逸品

借山水抒
寫其胸次
古來高人
逸士往往
如此

文與也點○山水用筆秀挺○不爲前人蹊徑所拘○
余昔藏一巨幀○筆墨濕潤○苔點淋漓○頗無俗韻○
生平所作畫○山石樹木○多用攢點○幅幅皆同畧○
無通變○蓋此老寓意於點者也○

於微妙處
分出高下
來非識真
者其孰能
與於斯

南雲長洲人衡山裔孫隱居竹陽薦舉國子
博士不就亂後家被依墓田以居益肆力於
詩古文詞賣書畫以自給人不得以多金迫
促也巡撫湯文正公屏車騎訪問治吳之要
所論皆採行而未嘗有私寶明崇禎十五年
壬午生康熙四十三年甲申卒年六十有三

施霖逸品

施雨咸霖山水師法元人不屑屑景色一種幽
閒靜逸之氣可稱逸品余見小冊八幀筆致幽
秀頗與楊龍友筆墨相肖但雨咸落墨微枯布
景太窄無龍友舒卷自如之趣耳

雨咸江甯人壯年游廣陵後師
元四家畫擺脫俗格遂臻妙境

湯右曾逸品

無意爲文
乃得佳趣

語云射較
一鏃奕角
一著勝人
處不在多

湯西崖右曾筆墨舒展自如機神灑落有超乎
畫家規格之外者余見扇頭小品數種均係隨
意塗抹雖著墨不多而書卷之味流露行閒洵
非時史所可擬議

西崖仁和人康熙二十七年戊辰進士詩高
超名貴不落凡近工行楷書法尺牘華瞻流
麗浙中詩派前推竹垞後推西崖後有作者
幾莫越兩家外也順治十三年丙申生康熙

畫品高視
濶步神生
畫外者爲
上乘若篇
幅褊淺便
成小品矣

六十一年壬寅
卒年六十有七

沈樹玉

逸品

沈蘧夫樹玉山水寫生無畫家嫵媚習氣頗饒
幽韻余昔藏一小幀係倣倪高士者筆墨淡逸
無一點煙火氣極其靈秀惜篇幅太窄究屬小
品終不足以制勝也

蘧夫杭州虎林人
善寫生兼精篆籀

陳舒

逸品

筆墨最不可光光則一律便無機趣

永口流泉乃山之血脈貫通處能安置穩

陳原舒舒花鳥草蟲得青藤白陽遺意山水小品亦疎秀閒冷更饒韻致余見花卉冊十幀設色明淨位置穩稱所嫌筆墨太光無奇逸之趣生平又好畫熟紙故不甚爲人所珍

道山原籍嘉善移居金陵構小園於雨花臺下吟詩作畫怡然自得

柳堦逸品

柳公韓堦筆姿鬆秀頗能脫俗余昔藏一長卷邱壑變換層出不窮所畫林木山石均無習氣

貼邱壑之
理思過半
矣

畫至神妙
處方有靜
氣其登峯
矣乎

惟水口流泉不能自然而有霸悍之態此道卽
癡翁猶以爲不易况尋常畫師也

愚谷金陵諸生書法

摹李北海詩孫妙境

盛丹逸品

盛伯含丹畫承家學隨意揮灑頗有林下風致
鑒賞家多雅重之余見卷冊數種蕭疎淡遠邱
壑閒自有靜氣迎人頗無俗韻蓋得力於一峯
老人而能神與古會也

伯含上元人茂開子每過友人處見几案潔
淨筆墨和適輒取案上紙隨意揮灑不自矜
與人更以此尊重之


吳期遠逸品


吳子遠期遠筆情韶秀追摹一峯老人頗有妙
境余藏小冊四幀皴擦純乎披麻樹法規模宋
元各家極有依據微嫌邱壑平實無靈警奇逸
之致殆爲資地所限不能深造古人也

筆墨固要
平正境界
須要離奇
方能入妙

子遠丹徒人畫長於
臨摹極爲名流稱賞

桐陰論畫上卷終





三
卷
之
一

三
卷
之
一

三
卷
之
一

ND
1042
.C6
1864
v.2

家法固貴
能變尤貴
能守善於
變必先善
於守也

桐陰論畫

下卷

書畫名家

王撰

逸品

梁溪 秦祖永 著

王○異○公○撰○親○承○家○學○峯○巒○樹○石○無○不○肖○似○至○用○
筆○用○墨○超○逸○入○神○深○得○乃○翁○衣○鉢○但○氣○局○具○體○
而○微○不○能○若○麓○臺○之○沈○雄○恣○肆○另○闢○町○畦○也○後○
之○慕○奉○常○翁○者○觀○異○公○畫○已○畧○見○一○斑○矣○
異○公○太○倉○人○工○詩○文○奉○常○翁○子○傳○其○大○癡○法○
并○能○神○似○古○懷○落○落○生○平○不○妄○交○交○必○終○身○

士氣逸品
往往不入
俗目惟識
真者方能
賞之

無閒

宋珏

逸品

宋○比○玉○珏○詩○情○畫○筆○傾○倒○名○流○所○寫○山○水○脫○盡○
畫○史○習○氣○蓋○由○其○人○品○高○潔○故○落○墨○清○而○神○腴○
簡○而○意○足○自○有○一○種○高○逸○之○致○流○露○尺○幅○閒○真○
上○人○雅○構○

比玉莆田人流寓金陵前明國子生工
詩精八分書錢牧齋王阮亭都稱賞之

徐枋

能品

畫無生氣
蓋由拘局
形迹不能
脫化渾融
觀此真爲
定論

徐侯齋枋山水取法巨然兼摹倪黃布置穩妥
皴染明爭惟筆鋒太禿無秀靈勁峭之趣邱壑
亦平實板木既無生氣又少變通蓋畫以人重
也不當於筆墨中求之

昭法長洲人明崇禎十五年壬午孝廉隱居
上沙守約固窮四十年如一日湯文正公撫
吳時慕其人兩屏騶從往訪不得一面時竝
高之工詩草書法十七帖與宣城沈壽民嘉
興巢鳴盛爲海內三遺民明天啓二年壬
戌生康熙三十三年甲戌卒年七十有三

戴思望
逸品

名畫良醫
同一功用
誰謂畫可
輕忽爲哉

戴懷古思望畫法元人峯巒林壑無喧塵余
見巨冊十幀臨宋元各家清疎澹古係極得意
筆鬆而不懈枯而不澀足徵功力深邃三折肱
知爲良醫畫學亦猶是矣

懷古休寧人精詩詞工書法又善鼓琴性狷
介有潔癖扁舟往來三吳兩浙間遇佳山水
輒留連不忍去

姜實節逸品

姜學在實節山水撫法雲林涉筆超雋吳下人

高人韻士
都自寫其
胸中逸氣
工拙所不
計也

人得天地
秀靈之氣
蘊於胸中
抒於腕下

最重之。余見尺幅數種。峯巒簡淡。林木蕭疎。備
極清曠之致。但落筆不甚謹嚴。處處有荒率態。
蓋荒率是其所長。亦是其所短耳。

學在萊陽人貞毅先生仲子工詩善書。後寄
居於吳。生平篤師友之誼。好古畏榮。不入城
市。以布衣終老。

梅 庚逸品

梅耦長庚。筆墨脫畧。凡格不宗一家。偶爾落筆。
韻致翩然。余得一山水小幅。疎點林木。山石純

真如清水
出夫蓉天
然去雕飾

古人神妙
處能細心
體味是其
筆墨得力

用濃墨鈎斫中畧加淡墨皴不施苔點真同號
國○淡○妝○丰○韻○更○覺○超○然○塵○表○

雪坪宣城人康熙二十年辛酉孝廉工詩文
精八分書爲泰順知縣竹垞先生所得士以
清藻之才上下千古縱覽於吳山婁水之間
決皆盪胸以發皇其興致宜其煙雲巖壑奔
赴筆下也兄清
亦以詩畫著名

曹岳逸品

曹秋崖岳疎秀淹潤邱壑鬆靈深得思翁清超
神○逸○之○致○余○見○小○冊○六○幀○是○最○得○意○筆○董○思○翁○

駟頭也愜
心處豈在
多哉

氣勢雄遠
方號大家
曠亭氣韻
神味一一
真蓋未
一閒耳

云有唐人之致去其纖有北宋之雄去其獷則
得之矣觀秋崖畫殆深領此語之妙者也

次岳泰輿人山水師法董文
敏性情豪邁北游最得聲譽

黃鼎

神品

黃尊古鼎筆墨蒼勁秀逸頗近麓臺神趣其臨
古之作尤咄咄逼真最爲入妙較之王東莊輩
特爲過之小幅精妙大幅稍嫌精彩不足殆爲
尺幅所拘猶未入大家之室也

功深讀畫
自然義理
淡心發爲
豪墨與率
爾操觚者
迥別

曠亭常熟布衣山水受學於王少司農後徧
游名山得其體貌嘗客宋漫堂第故梁宋閒
其遺蹟獨多順治七年庚寅生
雍正八年庚戌卒年八十有一

沈宗敬

逸品

沈獅峯宗敬筆力古健極有韻致生平所爲畫
水墨居多布置山巒樹石均極謹嚴無一毫浮
躁氣足徵讀畫功深余昔藏小冊四幀妍而不
甜縱而有法所由名重藝林也

恪庭華亭人文恪公荃子康熙二十七年戊
辰進士明音律善鼓琴工詩善書性情蕭灑

自元人專
尚枯筆始
變宋人刻
劃之迹逸
品之畫多
由此入

恬雅無達官氣康熙八年己酉生
雍正十三年乙卯卒年六十有九

戴本孝 逸品

戴務旃本孝。山水擅長。枯筆深得元人氣味。大
幅罕見。所作卷冊小品雅與程穆倩筆意相似。
蓋穆倩務爲蒼古。脫盡窠臼。鷹阿取法。枯淡饒
有韻致。兩家畫各有所長也。

鷹阿山樵休寧人。老於布衣。詩畫皆超絕。嘗
在京師夜與友人談華山之勝。晨起卽襆被
往游。其高曠類如此。

沈士充 逸品

氣韻卽從
筆中發出
乃庶無心
流露不期
然而然也
此理妙在
心傳非能
口授

沈子居士充。用墨流動。筆法鬆秀。極有韻致。余
昔得一山水卷。設色明麗。筆墨超逸。頗爲合作。
可與卞潤甫相伯仲。特氣韻稍不逮耳。此中微
妙。惟深明畫理者。乃能參究而知也。

子居蕪亭入畫本
趙文度爲雲間派

馬元馭 逸品

點墨花須
要得從空

馬扶曦元馭。師法南田。逸筆寫生。頗稱入室。余

墜下意乃
始生動活
潑否則功
夫縱極到
家仍爲畦
徑所縛

古大家衣
鉢相傳如
陳陳相因
有何趣味
蓋守前人
之法渾化

藏墨菜一幀○係臨梅道人者○墨花橫溢逸趣飛
翔○深得沙彌神髓○南田翁不是過也○真蹟水墨
居多○設色妍麗者○均係俗工摹倣○

棲霞常熟人爲人孝友與交誠信而
負意氣詩書極雋雅卒年五十有四

楊晉 能品

楊子鶴○晉筆墨追蹤耕煙種種入妙○可稱能手○
但未能另出手眼○擺脫師規縱極工妙○終不免
爲石谷所掩耳○具此功力何難上窺古人另立

其迹方能自立門庭

骨格全從胎性中帶來縱有元本之功不能變易此大家名家所由分也

門戶而徒隨人腳根轉也異哉

西亭常熟人兼工人物寫真花草悉精妙尤長畫牛年八十尙強健

顧昉逸品

顧若周昉筆墨極森秀饒有雅致較之耕煙翁具體而微耳余昔藏一小幀上有耕煙翁題跋極爲嘆賞但觀其落墨布景均極超逸微嫌骨格單弱未能沈雄渾古所由名落小品也

耕雲華亭人畫因石谷稱賞故聲名籍甚

師法所在
善守以端
其本渾化
以盡其神
於古人庶
有入處

功夫由於
後起渾厚

胡節逸品

胡竹君節筆墨超逸骨格秀靈雖同守師規一
種超塵拔俗之趣耕煙翁不能不放其出一頭
地余昔藏一小幀頗極雅秀脫盡作家習氣耕
煙翁高足當首屈一指矣

井農婁東人畫清潤
秀拔名流莫不推挹

釋上眷逸品

釋曰存上眷山水布置深穩氣暈冲和得王耕

卻是性成
有非人力
所能轉移
者

古人真蹟
一種天然
之趣不能
強同後之

煙指授遂臻妙境。余昔得一山水小卷。係倣唐
解元筆意。尤極出色者。雖思力薄弱。而一種融
和秀逸之致。要亦未可厚非耳。

目存吳人詩工秀雅。潔與惠士奇張大受結
詩社。畫長於臨摹。其倣唐子畏尤入妙。蓋其
生平所得力也。

蔣廷錫逸品

蔣南沙廷錫。逸筆寫生。頗有南田餘韻。惜贗本
甚多。大約妍麗工緻者。多係門徒代作。非真蹟。

託名偽作
以欺世者
終不免爲
識者笑耳

以性靈運
成法必有
自然之趣
如神與化
非元本之
功不易幾

也。余所見者純乎水墨折枝窠石以及蘭竹小品極有韻致在青藤白陽之間。

揚孫常熟人康熙四十二年癸未進士士大夫雅尚筆墨者多奉爲模楷焉康熙八年己酉生雍正十年壬子卒年六十有四

王世琛逸品

王寶傳世琛筆墨腴潤取境大方絕無拘牽束縛之態眞士人逸墨規格雖倣麓臺而用筆用墨頗極自然脫盡作家面目惟司農一種蒼莽

也

今人之蔽
只在不能
專攻一家
故諸家皆
無入處也

和隱言畫一
渾逸之趣尙未領會也

艮甫長洲人文恪公鑒六世孫康熙五十
一年士辰殿撰工詩古文詞風度極恬雅

王昱
逸品

王東莊昱山水師法麓臺極有功力洵爲司農
高足但過爲師法所拘未能另闢町畦終是寄
人籬落余謂初學作畫原當專宗一家然學一
人斷不可死守一人未有不爲其束縛者也

日初太倉人麓臺族弟所著
論畫三十則足徵功力深邃

法必取諸
古人廣收
博採然後
我自成家
庶不爲先
匠所縛

溫儀逸品

溫紀堂儀山水體貌純摹司農未免爲師法所
囿夫筆墨一道總須自立門戶先深入六法中
而後超出六法外乃能法我兩忘自游自止具
此見解何患不登峯造極哉

可象三原人康熙五十一年壬辰進士少時
畫見解獨超每恨西陲無宗法後入都受業
於王司農
學遂大進

王敬銘逸品

王叔明初
師趙文敏
後變師右
丞北苑遂
成大家如
專師文敏
未有不爲
文敏掩也

麓臺筆思
蒼渾純從

王丹思敬銘。規格摹倣麓臺。不徒形似。并能神
似。微嫌境界細碎。無渾淪氣象。余昔藏一巨幀。
用筆用墨。純從司農神韻中來。特過求肖似。未
免拘牽。故終爲師法牢籠。未能擺脫耳。

味閒嘉定人。康熙五十二年癸巳。殿撰師法
麓臺山水。有硯癖。畫不可以貨取。投以片石。
無不立應。

王愔
逸品

王林屋愔。筆墨秀潔妍雅。極有丰致。余昔得一

古大家神韻中醞釀而出蓋取法乎上僅得乎中旨哉斯言

畫中義理天資高者每能知之到得下筆時便心手相戾觀此

小幀係青綠設色綽有麓臺秀韻特筆意薄弱未能渾厚故秀潤中無蒼古之趣苟求進服習擴而充之何難與古爲徒追蹤往哲

素存太倉諸生奉常翁曾孫
江詩詞與諸名士往來唱和

張庚逸品

張浦山庚筆意清潔雅秀饒有韻致惟姿顏媚弱無古大家沈雄奇逸之趣故秀潤有餘蒼渾不足余所見扇頭小品均未能制勝想是精於

論庶不敢
侈議揮毫

花草要傳
其神韻方
得天趣板
刻雖賦色
工妙不足
爲好古者
賞鑒也

鑒賞於筆墨一道尙未深入古人也

浦山秀水人號瓜田逸史雍正十三年乙卯
薦舉鴻博工詩畫尤長古文詞所著論畫淵
悉元微足爲後學取法
康熙二十四年乙丑生

鄒一桂

能品

鄒小山一桂花卉極有重名余家藏有數幀所
繪五色菊用重粉點瓣後以淡色籠染粉質凸
出縑素上雖極工麗究嫌板刻非雅搆也山水
鈎皴率易尤無氣韻知當時之聲譽未足憑矣

冬心翁樸
古奇逸之
趣純從漢
魏金石中
得來晉唐
以下無此
風骨

原褒無錫人雍正五年丁未傳臚仕至禮部
侍郎先生畫傳神爲上花卉翎羽次之山水
非其擅長也康熙二十五年丙寅生
乾隆三十七年壬辰卒年八十有九

金農神品

金壽門農襟懷高曠目空古人展其遺墨另有
一種奇古之氣出人意表使此老取法倪黃其
品詣定不在婁東諸老下真大家筆墨也前無
古入後無來者吾於冬心先生信之矣

冬心翁杭州人乾隆元年丙辰薦舉鴻博好
古力學工詩古文詞持論不同流俗客維揚

最久年五十餘始從事於畫涉筆卽古脫盡
畫家之習良由其所見古蹟多也漢隸蒼古
奇逸魄力沈雄印章擺脫文何浸淫秦漢先
生筆墨頭頭第一洵卓絕古今迥不猶人者
矣以乾隆二十一年丙子年七十
推之當是康熙二十六年丁卯生

華品

逸品

山人畫全
是化工靈
氣盤礴鬱
積無筆墨
痕足令古
人歌笑出
地

華秋岳品筆意縱逸駘宕粉碎虛空種種神趣
無不領取毫端獨開生面真絕技也山人畫所
見不下廿餘本無不標新領異機趣天然直可
並駕南田超越流輩誠爲空谷之音

畫固無定
格總要脫
盡縱橫習
氣准通其
理而化其
偏讀此可
以豁然開
悟

新羅山人闕臨汀人善畫工詩書法六朝擅
三絕之勝僑居杭州後客維揚最久購其遺
蹟者得於淮陽間居多晚年
歸西湖卒於家年已望八矣

李 鯨 能品

李復堂鯨縱橫馳騁不拘繩墨自得天趣頗擅
勝場究嫌筆意躁動不免霸悍之氣蓋積習未
除也此等筆墨惟冬心一人可稱入古此外縱
極超妙終不免失之獷耳

宗揚興化人康熙五十年辛卯孝廉書法樸
古欵題隨意布置另有別趣殆亦擺脫俗格

自立門庭者也
後授滕縣知縣

方士庶
能品

畫家取精
去柄研深
入微至五
十後方能
大成循遠
之不能參
四王席者
天圍之也

方循遠士庶天分高明功力深邃頗爲一時能
手所寫山水臨古者多用筆用墨妙合古人神
解余昔最喜其筆墨故按羅極多使天假之年
定可參四王之席不得不爲循遠惜也

小獅道人新安籍家於維揚以書法名行楷
結構嚴密純學思翁臨池之暇寄情山水外
若木訥內實淹貫真守道之士也
畫法出黃尊古之門惜中壽而天

板橋筆墨
頗擅勝場
至論其不
能含蓄醞
釀精微之
理幾於入
道

鄭燮 能品

鄭進士板橋燮筆情縱逸隨意揮灑蒼勁絕倫
此老天姿豪邁橫塗豎抹未免發越太盡無含
蓄之致蓋由其易於落筆未能以醞釀出之故
畫格雖超而畫律猶粗也

板橋興化人乾隆元年丙辰進士風流雅謔
極有書名狂草古籀一字一筆兼衆妙之長
詩詞亦不屑作熟語爲人慷慨嘯傲超越流
輩印章筆力樸古逼近文何知山東濰縣事
後以病歸
遂不復出

氣韻二字
其理取微
有氣方有
韻韻之不
足皆由氣
之未充也

張鵬翀 逸品

張南華鵬翀筆墨風秀設色沖淡頗無俗韻余
昔藏山水冊十幀清和疎爽絕去甜俗習氣惜
古韻不足耳余又見一巨幀龍脈牽強精神散
渙蓋未得養氣之功也

天扉嘉定人能詩善畫雍正五年丁未進士
仕至詹事生平事事灑落人目之爲漆園散
仙康熙二十七年戊辰生乾隆十年乙丑卒年五十有八

張照 逸品

梅花標格
非秀雅之
筆不足傳
其神近見
畫梅諸家
非俗即霸
未免唐突
梅花

畫之妙處
全在筆鋒

張得天照所寫墨梅疎花細蕊極其雅秀余昔
藏一小幀係倣王元章者橫斜疎影備極閒逸
之致用墨乾濕得宜發枝布幹亦頗灑脫絕無
作家習氣真文人筆墨雅秀絕塵

得天華亭人康熙四十八年己丑進士性
高明深通釋氏教所作詩左殫右觸皆禪語
也書法顏米爲藝林稱重康熙三十年
辛未生乾隆十年乙丑卒年五十有五

董邦達

神品

董東山邦達筆墨深入古法神韻悠然足稱畫

勁利方有
謹嚴神逸
之致禿則
便無資趣

寫蘭與尋
常畫法不
同其妙處
全在運筆
天然空諸
依傍方爲

檀後勁微嫌筆鋒近禿邱壑位置往往鬆懈未
能聚精會神余昔藏小冊十二幀係嵇拙修先
生物筆意神逸又饒氣韻最爲傑作

字存富陽人雍正十一年癸丑進士好古力
學篆隸亦深得古法乾隆三十四年己丑卒

錢載神品

錢坤一載筆意奔放兀傲不羣所寫蘭石最爲
超脫畫蘭葉縱筆偃仰神趣橫溢石用飛白法
爲之遒勁流轉絕無滯機真能擺脫俗格另闢

合作

町畦卓然塵埃之外

鐔石嘉興人乾隆元年丙辰薦舉鴻博十七年壬申進士好學工詩古文設色花卉簡淡超脫得青藤白陽遺意康熙四十七年戊子生乾隆五十八年癸丑卒年八十有六

張宗蒼

逸品

一氣落筆

墨氣方和

澤有神自

得生動之

妙此即董

巨妙用也

知其解者

旦暮遇之

張篁邨宗蒼筆意沈著山石以乾筆渲皴後以焦墨積累林木閒神氣極葱蔚微嫌筆墨細碎無渾淪氣古大家用筆隨濃隨淡一氣成之自然精湛不待焦墨醒也篁邨特未知其妙耳

默岑吳縣人畫出黃尊古之門以主簿理
工事乾隆辛未以畫進呈授戶部主事年
七十以
老告歸

項奎

能品

古人妙處
全要心領
神會不然
雖畢生撫
古法終隔
數塵

項東井奎筆意秀雅頗得元人枯淡之趣蓋臨
古功深也余見卷冊數種濶筆氣體蒼老微嫌
板禿狹筆布置細謹未能邁鍊縱極到家尙爲
蹊徑所縛未到古人神明地位

檇東居士嘉興諸生墨林
後裔工詩畫卒年七十外

逸品畫亦
有大家名
家之分力
量薄弱氣
局褊淺便
成小品矣

天資高妙
再能以學

張 洽逸品

張月川○洽○筆意秀逸○思致幽閒○脫盡塵俗蹊徑○
余昔藏一小幀○疎林平遠○真得惜墨如金之妙○
寫枯樹蕭疎勁逸○姿致翩翩○山石純用折帶皴○
無一毫時史習氣○所嫌氣體太小耳○

月川吳人○宗蒼族子○晚年契心禪院○
一寫性靈○結廬棲霞山中○不入城市○
錢維城逸品

錢茶山○維城○筆意亦摹倣麓臺○邱壑幽深○樹石

力○濟○之○庶○
幾○無○美○不○
臻○進○乎○技○
矣○

筆○墨○精○妙○
方○能○爲○山○
水○傳○神○若○
非○靜○觀○難○

靈○秀○頗○臻○妙○境○余○近○見○一○長○卷○起○手○一○段○布○景○
用○筆○神○似○司○農○所○不○逮○者○率○嫩○處○尙○多○未○能○蒼○
渾○畫○雖○小○道○造○微○入○妙○正○不○易○也○

宗磐武進人弟竹初山水亦有名於時乾隆
十年乙丑殿撰得董東山指授畫學益進康
熙五十九年庚子生乾隆三
十七年壬辰卒年五十有三

王 宸逸品

王蓬心太守宸乾筆皴擦極有韻致中年畫乾
皴中尙有潤澤之趣至晚年則枯而且禿山石

得其理此
論曲盡元
微

涉筆高妙
由乎人品
兩峯氣韻
樸古高出
時流最爲
傑作

都在形似間雖爲鑒賞家所珍而筆墨之精微
已失之遠矣願與識真者靜參之

子凝太倉人麓臺曾孫乾隆二十五年庚辰
孝廉仕永州太守工詩竹石亦得古法康熙
五十九年庚子
生卒年七十餘

羅聘神品

羅兩峯聘筆情古逸思致淵雅深得冬心翁神
髓墨梅蘭竹均極超妙古趣盎然人物佛像尤
奇而不詭於正真高流逸墨非尋常畫史所能

窺其涯涘者也

遯夫揚州人號花之僧冬心翁高弟善畫工詩有鬼趣圖傳世極為名流稱賞雍正十一年癸丑生嘉慶四年己未卒年六十有七

方薰逸品

作畫能將
古人妙處
融會毫端
方臻神化
如徒拘守
陳趨終無
入處

方蘭士薰筆意秀挺設色冲淡花草亦娟潔明淨綽有餘妍此等筆墨所嫌無沈雄蒼古之趣故終覺單薄而無精彩雖力殫神疲仍為蹊徑所縛未得古人掉臂游行之樂也

逸品畫最
易欺人眼
目非深於
鑒古者不
易辨也

蘭珉石門布衣書法河南詩詞閒淡工細又
善古文所著山靜居論畫二卷竟委窮源極
有根柢乾隆元年丙辰生嘉
慶四年己未卒年六十有四

黃易逸品

黃小松司馬易筆意簡淡所寫山水係冷逸一
路余昔在都門見紀游冊十六幀傳寫其隨地
所得碑刻頗有逸致幅幅有覃溪先生小楷碑
攷最爲精妙今往來於懷用識不忘云爾

小松仁和人山東濟寧同知工詩文所畫墨
梅饒有逸致分隸書筆意沈著脫盡唐人窠

畫中疵病
洗剔畧盡
若不細加
體認卽蹈
其弊轍猶
爾茫然

白篆刻上追秦漢討論金石極有根據乾隆
九年甲子子生嘉慶七年壬戌卒年五十有九

奚岡

逸品

奚鐵生岡筆法超逸最擅勝場惜鬆秀中不能
渾古精湛蓋由毫尖鬆懈未能領取真神也奉
常翁云畫不在形似有筆妙而墨不妙者有墨
妙而筆不妙者得此三昧自然生氣遠出

蒙泉外史新安籍錢塘人工書善詩花卉得
南川翁遺意蘭竹尤極超妙古隸筆意秀逸
高出流輩篆刻圖章與丁鈍丁黃小松蔣山
堂齊名爲杭郡四名家乾隆十一年丙寅生

詩家之畫
純是性靈
天趣鑒者
當畧其迹
而取其意

嘉慶八年癸亥
卒年五十有八

錢杜逸品

錢松壺杜詩情畫筆雅秀絕倫欵題亦瀟灑拔
俗余昔藏小冊十幀補漁洋詩意思致閒逸頗
爲識者珍重六法雖未到家而一種書卷之味
油然在筆墨外是爲詩人逸格

叔美錢塘人初名榆性情閒曠瀟灑拔俗畫
從文五峯入手墨梅秀雅靜逸不染塵氛詩
宗岑韋字法褚虞所著畫
訣一卷真深得此中三昧

張問陶

逸品

專門之學
自古爲病
惟有書卷
之氣者卽
一邱一壑
一花一葉
無不可賞
玩也

張船山問陶山水雖非專門秀逸之趣能脫盡
習氣寫生亦思致瀟灑機趣翩然此係詩人餘
技不可以畫家格律相繩也與其泥法而有滯
氣何如脫法而存士氣此中雅俗不可不知

仲治四川遂寧人乾隆五十五年庚戌進士
仕萊州太守工詩尤精書法乾隆二十九年
甲申生嘉慶十九年
甲戌卒年五十有一

王學浩 神品

椒畦筆力
真能突過
前人但全
爲雄勁未
免昔人筆
過傷韻之
譏

作畫必見
識高明襟

王椒畦學浩氣韻沈鬱筆力蒼勁深得畫禪精
蘊所嫌用力太猛未免失之霸悍具此功力再
能以渾融適鍊之氣化之則剛健含婀娜不難
上追四王另參一席真畫苑中健將也

孟養崑山人乾隆五十一年丙午孝廉畫法
倪黃魄力極大近今吳淞當爲第一詩文及
書法均能入古隸書秀挺所著山
南論畫數則立論精當趨嚮最高

陳鴻壽逸品

陳曼生鴻壽筆意倜儻縱逸多姿脫盡畫史習

度灑落發
爲豪墨縱
格製未適
亦足使人
寶翫

北宗畫格
多俗不失

氣隨意揮灑雖不能追蹤古人而一種瀟灑不羣之概不爲蹊徑所縛蓋胸次塵懷旣盡挽下自然英英露爽良由其天分勝也

舅生錢塘人嘉慶六年辛酉拔貢爲淮安同知詩文書畫皆以資勝象刻迫秦漢浙中人悉宗法之八分書尤簡古超逸脫盡恒蹊先生愛陽羨之泥創意造形範爲茶具藝林爭購之至今其稱爲舅生壺云道光二年壬午卒

黃均逸品

黃穀原均山水師法婁東出色之作堪與王巽

之雄獷卽
失之板刻
縱極到家
猶然俗格

醞釀深醇
亦是畫家
妙用如徒
馳騁其筆
力鮮不失
之刻露也

公並駕用筆用墨蒼楚有致所做北宗未臻妙
境夫法北宗者多俗格前代惟唐子畏一人爲
能制勝當代雖耕煙翁尙多遺憾

穀原元和人書法趙松
雪賣畫辭官怡然自得

朱昂之
能品

朱青立昂之筆意勁峭脫盡恒蹊中年臨古之
作有筆有墨深得古人神髓晚年縱筆揮灑未
免失之尖薄卽邱壑位置亦太刻露無渾融沈

古○之○氣○所○由○遠○遜○古○人○也○

青立武進人僑居吳門善畫
工書均極超逸爲時人稱重

湯貽汾
逸品

必時畫家
多無渾厚
之氣豈真
運會使然
哉人特不
能自奮耳

湯○雨○生○貽○汾○思○致○疎○秀○老○筆○紛○披○脫○盡○時○史○習○
氣○畫○梅○極○有○神○韻○點○染○花○卉○簡○淡○超○脫○筆○無○滯○
機○山○水○所○嫌○境○界○細○碎○無○渾○淪○古○厚○之○氣○閒○寫○
蒼○松○古○柏○縱○橫○恣○肆○墨○氣○淋○漓○頗○能○入○古○人○

雨生武進人寓居金陵工詩善書世襲雲騎
尉咸豐三年癸丑凶卒匪攻陷金陵闔門殉節

資分格力
兼之者難
百年以來
不一三觀
此成家之
所以不易
也

畫仕女落
墨以潔淨

戴熙龍品

戴醕士熙筆意師法耕煙極有功力臨古之作
形神俱得微嫌落墨稍板無靈警渾脫之致蓋
限於資也所寫竹石小品停勻妥貼尙爲蹊徑
所縛未能另立門庭也

醕士杭州人道光十二年壬辰進士咸
豐十年庚申粵匪攻陷杭城在籍殉節
改琦妙品

改七薌琦擅長仕女落墨潔淨設色妍雅所繪

爲上只要
能脫去脂
粉習氣便
爲好手

補景仕女
最難穩貼
能饒瀟灑
自然之趣
卽已脫俗
矣

相陰論畫一
三
蘭竹筆情超逸不染點塵巨幅便精神鬆懈未
能謹嚴殆拘於尺幅而筆力不足以駕馭之以
胸無邱壑故也

伯蘊工詩詞其先本西域人
以其祖沒於王事家居松江

費丹旭

妙品

費曉樓丹旭補景仕女香艷中更饒妍雅之致
一樹一石雖未能深入古法而一種瀟灑之致
頗極自然否則此等畫苟無書卷之氣未有不

失之俗賴者也。

曉夢吳人書法南田極有
韻致尺幅在女人爭寶之

桐陰論畫下卷終

同鑒論畫下卷

三

桐陰論畫

附錄 閨秀名家

顧媚

蘭如絕代
佳人得夫
人妙筆與
之傳神庶
不負此名
並

橫波夫人顧媚。姿態閒逸。丰致絕佳。脫盡閨閣。
妍麗之習。余昔見一長卷。畫蘭各種。風晴雨露。
均極傳神。筆墨外更有一種媚媚之趣。引人入。
勝。想見姿容絕代。含毫邈然。

眉生木妓女龔宗伯
芝麓妾後受封典焉

李因

閨閣中筆
力當以今
生為第一

一如處
一處女

李是庵因水墨花鳥蒼古靜逸頗得青藤白陽
遺意真閨閣中翹楚也當時極有名譽故贗本
甚多所傳一種骨格蒼老筆意板木者賞鑒家
須另具法眼不得隨人耳食也

今生會稽人工詩詞
海甯光祿葛無奇妾

馬荃

馬江香荃寫意花卉設色妍雅姿態靜逸絕無

寫名花真
為雙絕

閨秀筆墨
非板即弱
南樓老人
庶幾得中

點塵極為時流爭重。尺幅小品。筆意香艷。更饒
幽雅之趣。欵書端楷。尤有逸致。今傳世者偽品
居多。求之正不易也。

江香常熟人。扶歲孫女。畫妙
得家法。一花一葉。人爭寶之。

陳書

南樓老人陳書。花鳥草蟲。風神適逸。機趣天然。
極其雅秀。余昔見畫冊十二幀。係寫各種花草。
用筆用墨。深得古人三昧。頗無脂粉之習。故好

事者多爭購之。

上元弟子秀水人以子陳羣
誥封太淑人卒年七十有七

洞金
畫詩

井品徐憲題



同治三年歲次
甲子閏五月

跋

東坡跋與可畫竹云畫竹者先有成竹於胸中
捉筆追之如見其所欲畫者免起鶻落稍縱卽
逝此畫訣也吾友逸道人用其訣於山水樹石
無不脗合於是普以其訣告人蓋坡公止言用
法而不言法之所以用茲則透洩底蘊發揮心
得凡筆墨之宜順宜逆宜縱宜擒宜枯宜潤無
不慤質言之瞭如指掌雖老嫗亦解况承學之

士哉余非知畫者然以作文之法推之洵不誣也拙工良工爭此一閒其可忽諸

同里杜友李銘山氏跋

此中巧妙
須細心領
取

作畫全在
得訣童而
習之老無
所獲者皆
由未得其
訣也豈盡
質地庸下
哉

桐陰畫訣

上卷

梁溪 秦祖永 著

初學作畫先講執筆其法與學書同能提得筆
起自然運腕不滯可以悟合古法矣
作畫最忌濕筆鋒芒全爲墨華淹漬便不能著
力矣去濕之法莫如用乾取其易於著力可以
運用從心大癡老人鬆字訣惟能用乾筆庶可
參究也

用筆之妙
發揮畧盡

順逆二字
括盡縱橫
運用之妙

作畫切忌重濁耕煙翁云氣愈清則愈厚此語
最爲中肯

用筆要沈著沈著則筆不浮又要虛靈虛靈則
筆不板解此用筆自有逐漸改觀之效

運筆鋒須要取逆勢不可順拖今之館閣書皆
順拖也既無生氣又見稚弱須知郢匠運斤有
成風之妙者不外乎能取逆勢也書畫用筆正
復相似可以參觀

如此畫境
惟董北苑
近之

司農制勝
全在此處

書畫同一
關紐

畫境當如春雲浮空流水行地皆出自然乃爲
眞筆墨方能爲山水傳神

麓臺云筆鋒須若觸透紙背者則骨幹堅凝皴
擦處須多用乾筆然後以墨水暈之則厚而有
神初學用筆能時時體此意自然筆墨融化漸
臻妙境眞後學換骨金丹也

董思翁云書道只在巧妙二字拙則直率而無
化境矣作畫亦然

如此方臻
化境

此畫禪元
要也學者
細心參之

望之一片
空靈脫盡
筆墨痕迹

用筆須要活潑潑地隨形取象在有意無意閒
畫成自然機趣天然脫盡筆墨痕迹方是功夫
到境
用墨須要隨濃隨淡可燥可濕一氣成之自然
生氣遠出此卽董巨妙用也願與識眞者共參
之
用筆當如春蠶吐絲全憑筆鋒皴擦而成初見
甚平易諦觀六法兼備此所謂成如容易卻艱

解此用筆
自無板木
之病

凹凸二字
思翁真洩

辛也元人妙處純乎如此所由化宋人刻劃之
迹而卓絕千古也

作畫先從樹起此一定之法畫樹身要筆筆轉
折不可信筆信筆直筆也董思翁云尺樹不可
令有半寸之直須筆筆轉去此言正宜領會
畫樹身不可板刻處處要意到筆不到畫成倍
覺靈活

董思翁云畫山俱要有凹凸之形余謂畫樹亦

造化之祕也一切淺深向背諸法皆可會通

趙文度云樹無他法只要枝幹得勢則全幅振起

非意在筆先神遊象

要有凹凸之形或左凹右凸或右凹左凸畫成自有勁挺之容乃合樹之體勢起手左一筆爲分著末右一筆爲合處處皆以凹凸二字參之則畫樹身自迎刃而解矣

畫樹枝向左樹自上而下向右樹自下而上神而明之自然攸往咸宜至發枝之應疎應密在臨時審取形勢成之不必執滯

香山翁云須知千樹萬樹無一筆是樹千山萬

外者不足
與參斯旨
也

畫樹先要
分四歧今
人作枯樹
處處窒礙
蓋由未得
斯訣也
下筆須留
意筆筆要
轉折心手
並運久之

山無一筆是山千筆萬筆無一筆是筆有處恰
是無無處恰是有所以爲逸學者會得此旨自
然擯落筌蹄方窮至理

畫樹先從枯樹起用筆須要八面出鋒方能面
面生枝自無窒礙惟耕煙翁深得營邱之妙最
爲擅勝

董思翁云樹固要轉而枝不可繁枝頭要斂不
可放樹頭要放不可緊此畫樹祕訣學者當細

純熟必有
可觀

布置得此
訣自然運
實於虛化
板爲活

參得此意
自然生動
盡致

心參之

布樹要有串插或三樹一叢或五樹一叢不等
要有偃有仰有遠有近有高有低方顯離奇之
致不可失之平實此章法中敢爲緊要如布樹
失勢通幅便不振矣

古語云畫人莫畫手畫樹莫畫柳柳之難畫可
知矣李長蘅云胸中先不著畫柳想畫成樹身
隨意鈎下數筆便得其妙此言差可體會

點葉之妙
透發靡遺

須將三面
意參透一
切重疊堆
砌之病掃

點○葉○一○叢○樹○葉○子○不○得○雷○同○須○面○有○濃○有○淡○有○
疎○有○密○有○縱○有○橫○何○謂○縱○橫○下○墜○葉○縱○也○大○混○
點○橫○也○介○字○點○縱○之○類○剔○松○針○橫○之○類○不○縱○不○
橫○夾○葉○圓○圈○子○梅○花○鼠○足○點○是○也○餘○可○類○推○畫○
成○樹○後○應○用○若○何○點○配○搭○在○臨○時○斟○酌○之○不○可○
忽○畧○

古○語○云○石○分○三○面○癡○翁○以○爲○或○在○上○在○左○側○皆○
可○爲○面○此○由○全○體○而○分○三○面○也○余○以○爲○一○石○之○

除淨盡

皴擦鈎勒
卽所以分
三面也

畫石得此
意望之如
從雲霧中
出

中○亦○有○三○面○如○先○鈎○一○石○僅○有○一○面○左○皴○數○筆○
右○皴○數○筆○便○分○三○面○皴○處○凹○爲○陰○凸○處○不○施○皴○
係○日○月○所○照○臨○爲○陽○此○顯○而○易○見○也○大○癡○老○人○
畫○石○每○有○中○分○兩○筆○宛○似○叉○形○是○爲○鼻○準○卽○此○
所○以○分○三○面○也○全○體○可○以○類○推○
畫○石○貴○鬆○活○其○法○不○外○乎○大○閒○小○閒○大○運○用○
時○全○要○審○向○背○定○形○勢○不○必○拘○局○死○法○運○筆○須○
和○柔○而○有○逸○氣○自○無○板○刻○之○病○落○筆○宜○淡○可○改○

脫盡筆墨
痕迹方能
渾化

路徑最要
斟酌不可
率意

古大家生
氣遠出無
不如此

可救畫成再以焦墨醒之自有鬆靈活潑之致
畫石鈎厓亦不可太刻露須要與皴法融洽分
明否則塊塊纍纍亦不好看
畫路徑須要曲折有隱有顯有斜有正有高有
低方見邱壑靈奇不同尋常位置
畫山石落筆便須堅重乃能精氣凝結
畫山鈎勒要活潑隨意不可板滯處處取滿勢
畫成自然筆墨開張不同小家伎倆

山藉樹而
爲衣樹藉
山而爲骨
須各盡其
妙方爲好
手

此卽董北
苑畫小樹
法

枝柯葦草
運筆使巧

峯巒須要有俯視一切之概左右顧盼上下迴
抱罔不盡致則樹石倍覺靈活所難者鈎山頭
左右分合兩筆耳癡翁云折搭轉換山脈皆順
眞畫山妙諦學者宜細心參之余以爲畫樹畫
石均不外乎此四字也
巒頭橫點小樹切忌排成一片須要參差錯落
濃淡疎密望之自然葱鬱而有靈氣
筆要巧拙互用巧則靈變拙則渾古合而參上

山石坡陀
運筆宜拙
古人運巨
軸只三四
大分合已
成章法今
人從碎處
積爲大山
此最是病

讀此知耕
煙翁真集
其大成允
爲畫聖

落筆自無輕佻溷濁之病矣。構局須靜對紙素胸中先定一章法始能意在筆先然後隨意布置游行自在當疎考疎當密者密從四邊照顧而成必能脫去町畦超然塵外。

耕煙翁云以元人筆墨運宋人邱壑澤以唐人氣韻乃爲大成真有上下千年縱橫萬里之識學者尤當默契其旨。

畫之妙處
全在皴法
非可率意

如此方絕
去痕迹與
擢不同擢
之無迹筆
爲之點之
無迹用筆
者爲之也
耕煙麓臺
點法尚未
空行絕迹

皴法要柔軟而有融和恬靜之致如運筆太鬆
未能沈厚以淡筆細細擦之收拾時再以澹墨
汁重叠渲之則不患不厚矣
點苔最難宜有意無意凝神靜氣點之胸中默
存法度落筆又不可爲法度所拘功夫到精熟
時自得從空墜下之妙畫亦有無苔者如鈎皴
山石俱好點苔以簡爲貴惟癡翁一種橫點蒼
蒼莽莽愈多而愈不厭翫

作畫惟此
境最難功
夫到神化
時方臻其
妙

留心此等
處卽是畫
法

筆墨脫俗
然後方可
講究韻致
此中微妙

山水之要。甯空無實。故章法位置。總要靈氣往
來。不可窒塞。大約左虛右實。右虛左實。布景一
定之法。至變化錯綜。各隨人心得耳。

董思翁云。遠山一起一伏。則有勢。疎林或高或
下。則有情。此卽章法位置中變化錯綜之法。作
畫之訣。盡之矣。

山谷老人云。凡書畫當觀韻。李伯時作李廣奪
馬南馳狀。引滿以擬追騎。箭鋒所值。人馬應弦。

惟識眞者
庶能賞之

以渲染求
氣韻者讀
此可以豁
然開悟

畫至神妙
處方有靜
氣靜氣今
人所不講

伯時嘆曰使俗子爲之當作中箭追騎矣此意
差堪神會

人但知墨中有氣韻而不知氣韻卽在筆中雲
林生云畫寫胸中逸氣耳此語差堪領會作畫
能沈著鬆靈則不患無氣不患無韻矣何事墨
之渲染爲哉

畫中靜氣最難骨法顯露則不靜筆意躁動則
不靜全要脫盡縱橫習氣無半點喧熱態自有

也知其解者旦暮遇之

從筆墨上討生活者讀此可以豁然開悟

鬆字得如此分解可

一種融和閒逸之趣浮動邱壑閒正非可以躁心從事也

畫中理氣二字最須參透有理方可與言氣有氣無理非真氣也有理無氣非真理也理與氣會理與情謀理與事符理與性現方能擯落筌蹄都成妙境

作畫貴鬆固盡人而知之矣然須於沈著痛快中透出乃始生動活潑與倪黃同鼻孔出氣否

無歧悞

老嫩二字
細細剔抉
曲盡元微

蒼老之弊
古今一轍

則○鬆○懈○之○鬆○非○眞○鬆○也○乾○嘉○時○名○家○往○往○坐○此○
病○學○者○能○刻○意○摹○古○於○筆○墨○中○庶○有○會○心○處○
畫○不○可○嫩○亦○不○可○不○嫩○畫○不○可○不○老○亦○不○可○過○
老○此○中○最○要○體○認○惟○蒼○老○中○能○饒○秀○嫩○之○致○乃○
庶○得○之○觀○前○代○本○朝○各○家○係○蒼○老○者○居○多○於○嫩○
之○一○字○均○未○領○會○不○知○入○門○之○始○筆○力○稚○弱○宜○
求○蒼○老○故○不○可○嫩○至○成○功○以○後○如○務○爲○蒼○老○不○
失○之○板○禿○卽○失○之○霸○悍○有○何○生○趣○哉○如○煙○客○耕○

此論發前人所未發
學者當細心參之

筆墨兼擅
方爲純詣

煙雨大家雖各極其妙而煙客尤神韻天然脫
盡作家習氣者其妙處正在嫩也觀耕煙晚年
之作非不極其老到一種神逸天然之致已遠
不逮煙客矣吾故曰煙客之嫩正煙客之不可
及也石谷之老正石谷之猶未至也

古稱吳道子有筆無墨項容有墨無筆筆墨之
難概可想見近代董思翁足稱有筆有墨
荆關畫筆之帶渴者也渴而以潤出之董巨畫

畫沙祕訣
須細心領
取

墨之近濕者也。濕而以枯化之，卽有筆有墨。
畫沙全要筆力勢，則縱橫馳騁，卻又氣靜神閒。
絕無劒拔弩張之態，方爲合法。
山水中橋梁斷，不可少地之絕處，藉此通塗，可
以引人入勝。又爲通幅氣脈所關，最爲畫中妙
用。至石橋板橋，須審地之所宜，不可漫用。
點錯人物，要脫盡塵俗之狀，有林泉清逸之氣。
雖寥寥數筆，亦能傳神。

皴法各有
門庭惟能
專精一家
法語家卽
一以貫之
矣
世之率爾
操觚者皆
不知師古
者也

鍼線細密
脈縷精微
早作夜思
心摹手追

皴法惟披麻爲極純正易於著筆又不壞手可
以專宗積久純熟卽折帶荷葉卷雲解索等皴
無不可變化也

作畫須要師古人博覽諸家然後專宗一二家
臨摹觀翫熟習之久自能另出手眼不爲前人
蹊徑所拘

古人意在筆先之妙學者從有筆墨處求法度
從無筆墨處求神理更從無筆無墨處參法度

不患不到
能手地位

以古人爲
師已上是
乘進此以
造化爲師

真深於甘
苦之言

識真者自
能辨之

和隱畫言
從有筆有墨處參神理庶幾擬議神明進乎技
矣

麓臺云畫不師古如夜行無燭便無入路故初
學必以臨古爲先

又云臨畫不如看畫最爲篤論臨畫往往拘局
形迹不能灑脫看畫凡愜心之處熟於胸中自
能運於腕下久之自與古人脗合矣

看畫尤須辨得雅俗有一種畫雖工實俗習氣

倪黃兩家
法惟煙客
麓臺遙接
其衣鉢

吳黃同學
董巨然吳
尚沈鬱黃
貴蕭散兩
家神趣各
盡其妙

最不可沾染

癡翁畫僅見一幀細秀沈古滿紙靈光始知奉
常翁來路雲林畫見有兩幀一幀上題斷橋無
覆板卧柳自生枝者尤極超逸煙客麓臺於倪
黃兩家均煞費苦心各得其妙

梅道人見一巨幀墨汁淋漓古厚之氣撲人眉
宇文沈畫所從出也當代王廉州時倣之愜心
之作頗能神似麓臺則但師其意耳

山樵畫秀
潤鬱密離
披零亂飄
灑盡致真
後學無言
之師也

黃鶴山樵見一小卷沈古超逸全是化工靈氣
不可以迹象求之時時懸想筆墨漸有入處惜
如漁父出桃源徑途不可復識矣

九龍山人筆墨神逸魄力沈雄學者可以開拓
心胸增長骨力且筆墨外另有一種超塵拔俗
之概人品高潔可想見焉

姚雲東蒼古靜逸元氣渾淪山石皴擦筆墨雖
簡卻氣足神完自然沈厚殆亦研精於董巨得

其神髓者也。吾儕當辨香奉之。

杜東原邱壑恬靜。一切縱橫馳騁之習。擺脫淨

盡。

劉完庵筆意渾厚。格律謹嚴。純乎元人風度。

莫雲卿氣味深醇。設色古雅。尤饒韻致。

博大沈雄如石田翁。須學其氣魄。古秀峭勁如

唐子畏。須學其骨力。筆墨超逸如董文敏。須學

其秀潤。凡此皆足爲我之師資也。

古人用筆
妙有虛實
所謂畫法
卽在虛實
閒

開墨妙之
元祕補前
人之缺畧
允爲六法
微言

時常臨摹觀翫必專宗奉常翁此老筆墨極純
正畫律又極精細無筆不從癡翁神韻中出其
用筆在著力不著力之間尤較諸家有異諸家
筆鋒多靠實取神此老筆鋒能憑虛取神獨得
六法之祕爲諸家所莫及鈎勒皴擦一點一拂
脫盡縱橫習氣於蒼潤中更能饒秀嫩之致尤
爲諸家所絕無者眞畫品中最上乘也
廉州與煙客齊驅筆墨亦相近特運筆鋒較奉

如虫蝕木
偶爾成文
乃得天趣
畫境如此
力脫盡筆
墨痕迹石
谷筆法雖
精尚未飛
騫絕迹也

蒼蒼莽莽
六法無迹

常稍實耳。然兩家宗法已足並傳千古矣。

石谷六法到家。處處筋節。畫學之能。當代無出其右。然筆法過於刻露。每易傷韻。故石谷畫往往有無韻者。學之稍不留神。每易生病。余昔藏長方冊六幀。均撫元人真蹟。係三十餘歲所作。骨格神韻無美不臻。晚年所不逮也。師長捨短學者貴自審焉。

麓臺山石。妙如雲氣騰溢。模糊蓊鬱。一望無際。

非以氣韻
勝耶

南田隨意
點刷天趣
飛翔使人
翫賞無盡

學古人不
能鎔化古

和陰畫詩
四
真。高。出。諸。家。上。用。筆。均。極。隨。意。絕。無。拘。牽。束。縛。
之。態。惟。稍。有。霸。悍。之。氣。未。能。若。煙。客。之。沖。和。自。
在。也。學。者。能。得。其。意。一。切。塵。俗。蹊。徑。自。掃。除。淨。
盡。矣。

南田翁天資超妙。落墨獨具靈巧。秀逸之趣。爲
當代第一。學之正不易也。

吳漁山魄力極大。落墨兀傲不羣。山石皴擦頗
極渾古。點苔及橫點小樹。用意又與諸家不同。

人迹象更
是籀者閒
物去之轉
還

愜心之作。深得唐子畏神髓。尤能擺脫其北宗。
窠臼。真善於學古者也。學者最宜取法。
吳梅邨畫較之六大家筆法。似未到家。然一種
嫩逸之致。真能釋躁平矜。高出諸家之上。學者
須領取其神趣。不可輕忽。
方邵邨用筆蒼渾。設色沈古。更饒士氣。作家習
擺脫淨盡。學者能領取其神趣。塵俗之筆。自無
從繞其筆端矣。

能萃諸家
之長何患
不出人頭
地

循序而進
譬之禪定
歷劫方成
菩薩

指示迷途
於後學大
有裨益

其餘明季各家以及國初諸老均各有所長不
勝枚舉只要隨人取法以廣我師資自然無美
不臻
初入門須求鬆秀然後再加以沈著研鍊之功
則筆墨方能古厚可無薄弱之病矣
世人作畫但求蒼老自謂功夫已到豈知畫至
蒼老便無機趣矣全要以渾融柔逸之氣化之
方能骨格內含神采外溢於古人始有入處須

胸中須具
飛動之意
落墨自然
靈活

三家畫竹
允堪鼎峙

嚴重則筆
不浮輕清

知但求蒼老者終在門外也

畫中雲水最難耕煙翁深得唐宋大家原本頗
可取法

細剔竹畫之最有趣南田石谷漁山三家均
各擅長然各有一種瀟灑之致絕不相同南田
以逸勝石谷以能勝漁山以神勝三家均可取
法

耕煙翁云凡設青綠體要嚴重氣要輕清得力

則色不滯

解此用意

覺王晉卿

輩猶傷刻

畫

畫至著色

如入鑪鑪

重加煨煉

火候稍差

前功盡棄

設色能參

透此意自

然渾化無

痕

全在渲暈學者當細心參之

青綠設色貴有逸氣方不板滯石谷青綠色色

到家頗盡其妙真從靜悟得來可以師法惟逸

韻不足終不免爲識者所議耳

淡設色亦要用筆法與皴染一般方能顯筆墨

之妙處如隨意塗染漫無法紀必至紅綠火氣

可憎可厭麓臺云墨不礙色色不礙墨乃能色

中有墨墨中有色真極設色之妙者也學者當

全在渲染
襯貼得神
學者當深
體之

必工合法
度方能入
妙

時時參之

畫中小景頗有風趣柳汀竹嶼茅舍漁舟種種
景色真有引人入勝之妙北宋趙大年最為擅
長前人皆宗法之當代惟耕煙翁頗盡其妙惜
晚年筆鋒拙禿便無逸趣學者師其意慎勿襲
其迹
舟車器皿及一切雜作耕煙散人最為精妙可
以師法

青綠遠山
宜淡墨淺
絳遠山宜
青惟江貫
道用青赭

發端混淪
逐漸破碎
收拾破碎
復還混淪
自始至終
無一筆苟
下方爲名
作

和隱畫說
畫後染遠山最非易事昔人有先用朽筆朽定
然後落墨亦慎重之意也大要審機取勢自然
通幅生動

前人有言大膽落筆細心收拾深得畫家妙用
落筆時專論筆收拾時兼論墨凡皴之不足者
渲之石之未醒者提之山均樹隙之未融者重
疊而幹暈之然後筆墨渾化無美不臻此真良
工苦心非苟焉已也畫能如是安得不取重於

盛賞家哉

桐陰畫訣終

桐陰畫訣

七

藏書

桐陰畫訣

下卷

梁溪 秦祖永 著

惟能致功
於用筆之
先自然隨
筆所至無
不如意

意在筆先爲作畫第一要訣。覺古人千言萬語盡於此矣。樹木山石人物屋宇橋梁舟楫以及禽鳥一切必要先有譜格精熟於胸中然後發抒腕下方能稱心而出不脫不黏神明於規矩絕無一毫拘泥之跡。所謂胸具全形隨筆塗寫自無瞻前顧後之病。寫一樹一木則一樹一木。

未落筆前
經營慘澹
既落筆後
氣靜神凝
自然頭頭
是道機趣
生動

再從反面
相形更爲
顯豁呈露

全形早已融會於筆下人物屋宇一切無不如
此然後神與心會心與氣合行乎不得不行止
乎不得不止絕無求工求奇之意而工處奇處
斐亶於筆墨之外是非筆先之機精熟於胸中
烏能臻此如落筆而始研求布局而方審慎必
有顧此失彼視左離右弊端百出皆由於心手
相戾未能應絃合節故章法位置求其穩當而
不可得何能造入微妙推求精奧也

此論深得
我心大是
妙諦學者
細心參之

如能參透
其理則縱

作畫用筆以取勢爲主。勢欲左行者必先用意於右。勢欲右行者必先用意於左。或上者勢欲下垂。或下者勢欲上聳。俱不可從本位徑情一往。此論最爲精妙。勢欲左行而不先用意於右。則一於左者必失之平實也。勢欲右行而不先用意於左。則一於右者必難免呆滯也。或上者不先勢下。垂則上便直率矣。或下者不先勢上。聳則下近浮滑矣。筆墨如此。有何機趣乎。今人

橫運用之
妙不難一
超直人如
來地也

精妙之理
合人探索
不盡

不解此意。往往從本位。逕情一往。無怪乎其筆。墨拘泥。無離奇變化之妙也。參觀夫郢匠運斤。則筆之貴乎取勢。不尤顯而易見也哉。唐子畏論畫云。工畫如楷書。寫意如草聖。不過執筆轉腕靈妙耳。須知如何執筆。如何轉腕靈妙。此中便有無數法門。學者當細心參究。執筆可以學力。講求轉腕靈妙。必藉天分。領會如資質鈍劣。雖極意講究。終不免於板滯。豈執筆者。

創論精妙
出人意
外
人人意中
至理名言
不可磨滅

評隲詩畫
必要深於
閱歷甘苦
親嘗互相

盡能轉腕靈妙耶

楊升菴畫品以顧陸張吳爲畫家四祖蓋顧長
康陸探微張僧繇吳道元也後賢均襲其說曾
未有議及此者而余獨以爲不然當以顧陸張
展爲四祖展子虔也曾與楊海琴年丈論之
海翁甚旨余言以爲千秋定論因謂余曰畫家
之顧陸張展猶詩家之曹劉沈謝唐之閻立本
吳道元則詩家之李白杜甫也海翁深於詩尤

質證方見
心得並非
妄爲高論

天分人功
俱臻絕頂
方能純任
自然到此
境界

精鑒賞故立論確當如鐵板註脚不能移易余
深契其旨相爲印合海內之精於繪事品藻者
諒不以余兩人之言爲河漢也
古大家筆精墨妙方能爲山水傳神當其落筆
時不過寫胸中逸氣雖意不在似而形與神已
躍躍紙上今則與古相反一落筆便意專在似
此有意於似者得其形反不能傳其神也太史
公之於文杜陵老子之於詩惟意不在似此其

得勢爲畫
山第一要
訣

用筆之妙
悉窮闔奧

畫前畫後
要訣眞是
鐵板註脚

所以妙也。畫道亦猶是已。

畫山之妙全在得勢。邱壑位置自然生動活潑。用筆尤要靈警便捷。不可拘泥成法。疊石置坪。隨筆所之。若不經意而運用之。離奇超逸。純是毫尖着力。無一懈筆。似不拘泥於法。而實神明於法。則胸中逸氣方能發摠。腕下一切呆演堆砌之病。洗滌盡淨。坡公云。當其下手風雨快筆。所未到氣已吞。是畫前要訣。杜老云。元氣淋漓。

鈎勒最爲
畫山妙用
筆端諸弊
洗滌淨盡
自然無美
不臻

鈎勒得訣
卽是有筆
皴染合宜
便爲有墨

幃○猶○濕○是○畫○後○要○訣○

畫○山○之○妙○鈎○勒○之○妙○也○鈎○勒○得○訣○則○全○幅○振○起○
山○之○幃○盖○尤○屬○緊○要○板○刻○失○之○結○濃○重○失○之○俗○
須○要○鬆○利○流○走○有○俯○視○一○切○之○概○尤○要○有○意○到○
筆○不○到○之○妙○巒○頭○碎○石○坡○脚○疊○石○鈎○勒○均○要○生○
動○不○可○呆○滯○再○參○以○三○面○意○自○然○顧○盼○有○情○
鈎○勒○之○妙○必○藉○皴○染○相○輔○而○行○方○臻○美○備○鈎○勒○
爲○石○之○骨○皴○爲○石○之○紋○染○爲○石○之○肉○故○皴○所○不○

須兩者兼
到方爲純
詣

虛實二字
最爲畫中
妙用山有
虛實固臻
神妙然一
切用筆布
置之法均
不外乎虛
實二字也

到之處染以足之則氣韻渾淪不患不厚矣故
鈎勒以象山之氣體皴染以足山之血脈有筆
有墨端在是也

畫山尤要有虛實方能靈氣往來羅邨列樹遇
水成橋均有一定位置實處鬱密森沈難窮奧
窔虛處空靈淡宕莫測端倪自然邱壑神奇味
外有味全局中有虛實分股中亦有虛實是在
落筆時經營慘澹靈心妙腕領取造化生氣成

點苔不論
繁簡總要
得從空墜
下意方臻
神妙

之豈循行數墨者所能窺其分際耶。苔點爲山之眉目亦要細心講究點分多種攢點橫點猶皴法中之麻皮所當熟習者也攢點用尖筆要不疎不密恰到好處橫點用側筆要能散能聚一無滯機攢點以沙彌巨師爲宗橫點以癡翁米老爲宗參究數十年自然多點不覺其繁少點不覺其簡點苔一道思過半矣山貴氣勢石有體段則畫石亦不可不講也畫

畫石全要
得烟雲真
趣方能靈
活生動

石不外乎大間小小間大二法所貴參伍錯綜
變通運用落筆須要興高意遠氣靜神凝領取
煙雲真趣凡凹凸深淺處悉參合陰陽向背之
理歸於血脈貫通至千石萬石不外參伍其法
尤要脫盡壘疊痕跡氣息渾淪則石之體段得
焉如此落墨自然矩度森嚴機趣鬆活
畫樹章法先講串插一樹二樹一偃一仰一遠
一近一高一低停勻排列便無意趣串插交柯

串插交柯
最爲畫樹
秘訣學者
細心參之

功夫到神
化時自然

方有生法如三樹一叢二樹串插交柯一樹獨
立五樹一叢三樹串插交柯二樹高低並列內
分偃仰疎密層次或遠或近總要顧盼生姿不
可失之停勻板滯此章法最爲緊要六樹七樹
等叢均可類推學者會得此旨自然意境靈緊
平實鬆懈諸弊掃除盡淨

山無定形法有通變如大癡山巒層層壘疊或
間小石或插土坡自有一定布置然在落筆時

脫盡畦徑
然非胸具
造化不能
臻此境界

此種境界
真有掉臂

不過隨意鈎勒層次亦不拘泥成見審顧形勢
之可深可淺歸於得勢得機自成結構此真胸
具造化非知半解者所能窺其塵影也麓臺
云發端混淪逐漸破碎收拾破碎復還混淪深
得癡翁三昧矣

山頭層次用筆鈎勒須離奇超妙無一實筆倪
高士云逸筆草草不求形似此種筆墨看似草
率實則層次逼清脫盡筆墨蹊徑純乎天趣自

游行之樂

人家小景
餘味無窮
自然景不
厭淺

然。生。氣。遠。出。如。拘。泥。舊。稿。層。層。壘。疊。不。能。通。變。
縱。得。形。似。難。免。板。滯。學。者。固。當。循。序。漸。進。原。難。
躡。等。然。須。時。時。體。此。意。功。夫。至。純。熟。入。化。時。自。
然。水。到。渠。成。便。臻。神。境。

小。結。構。筆。墨。雖。簡。須。些。少。布。置。沙。口。參。差。橋。渡。
映。帶。境。界。總。要。蒼。蒼。茫。茫。饒。有。餘。不。盡。之。意。不。
落。小。家。窠。臼。

大。山。水。千。邱。萬。壑。要。一。氣。貫。通。樹。石。人。物。屋。宇。

氣字自有
精義學者
細心參透
自然攸往
咸宜無不
如意

畫山須要
如此用筆
方能靈活
生動脫盡
筆墨蹊徑

亭榭橋梁水口等各有生趣即各要照顧有情
無一呆相則山林生色至氣韻渾淪色澤古雅
全在平時臨摹研鍊之功不能強致余謂小結
構筆墨簡淡當以趣勝則景不厭淺大山水邱
壑繁重尤貴以氣勝則理無不貫也
畫山頭層疊用筆須要破碎虛空離披零亂如
蟲蝕木偶爾成文脫盡筆墨痕跡彷彿天然圖
畫妙在脉絡分明一絲不紊初觀境界模糊審

神明於規矩乃能理路分明一絲不走

如此畫境非天分入功俱臻絕頂不能有此境界蓋藐也而進乎道矣

畫境如此品詣大少

視筆墨靈秀逐漸醒出層次逼清來路去路或隱或顯無一毫牽強蓋畫工也而化工寓焉董思翁云畫家以古人爲師已是上乘此直以天地爲師一切成法爛熟於胸中興到濡毫隨意點刷不拘家數而古大家神奇超妙之致無不奔赴腕下用筆真如天馬行空不可羈勒雖不求工而工處正莫能及方爲絕詣大家名家各有制勝處不能相混氣局濶大魄

雖不同其
爲傳世則
一也

構局而能
以氣運用
自然隨筆
所至頭頭
是道然正
不易幾也

力。雄。厚。有。包。掃。一。切。之。概。是。爲。大。家。神。韻。沖。和。
蹊。徑。幽。秀。有。引。人。入。勝。之。妙。是。爲。名。家。壽。世。傳。
世。斷。推。此。種。

作。畫。構。局。最。爲。緊。要。用。筆。尤。須。得。勢。得。機。方。不。
落。平。境。林。木。串。插。屋。宇。布。置。橋。渡。往。來。山。巒。起。
伏。一。切。鈎。連。映。帶。一。一。以。氣。行。乎。其。間。而。貫。通。
之。雖。千。邱。萬。壑。自。然。精。神。團。結。杜。老。云。五。日。畫。
一。石。十。日。畫。一。水。非。真。五。日。十。日。方。成。一。石。一。

構局貴鬆
最爲作畫
緊要參觀
夫基畫理
更顯豁呈
露

近看遠看
如此分晰

水也不過極形容其構局之慘澹經營不肯草率落筆良工苦心鈍根人烏得而知之

畫之構局如善基者落落布子聲東擊西漸漸收拾遂使段段皆贏此奕家善用鬆也畫家亦莫妙於用鬆疎疏布置漸次層層點染遂能瀟灑深秀使人即之有輕快之喜則基之作用不與畫之關捩同一理哉

畫要近看好遠看又好始能盡畫之妙蓋近看

無微不至

北苑畫境
元氣淋漓
不可端倪
學者幾無
下手處

今人看畫
大都如此
淺近且然
況精微也

看小節目遠看看大片段畫多有近看佳而遠
看未必佳者是他大片段難也昔人謂北苑畫
多草草點綴畧無行次而遠看則煙邨籬落雲
嵐沙樹燦然分明此是行條理於麤服亂頭之
中他人爲之即茫無措手畫之妙理盡於此矣
余謂今人看畫真如黃子久所云合其意者爲
佳不合其意者爲不佳及問如何是佳便茫然
失對并不知有近看遠看之別也

筆墨二字
如此剖析
曲盡元微

畫道一綫
相承思翁
真有開來
繼往之功

奉常翁云。畫不在形似。有筆妙而墨不妙者。有墨妙而筆不妙者。能得此中三昧。方是作家。鈞勒純熟。神韻未能。蒼潤渾厚。即是有筆無墨。而墨不妙也。皴染周至。骨格未能。刻露靈秀。即是有墨無筆。而筆不妙也。求其筆中有墨。墨中有筆。骨肉停勻。而無過不及之弊。與荆關董巨倪黃吳王同鼻孔。出氣近代。惟董思翁一人。本朝四王。惲吳。直接思翁衣鎰。後之有志筆墨者。

神而明之
存乎其人

從對面挾
摘理氣趣
諸弊

渾融一片
怡在箇中

後學必以
三者爲要

能不拘泥形似參透此中三昧則成家立名不難媿美古人也

麓臺云畫以理氣趣兼到爲重非是三者不入精妙神逸之品如偏於理必失之板滯偏於氣必失之粗豪偏於趣必失之佻巧惟三者兼到乃始神明於規矩而層次分明且貫通夫心手而機神洋溢合之則無美不臻分之則諸弊迭出學者苟致力于斯而求造夫精妙神逸之品

盡領所當兼

筆墨乃作
畫大綱領
骨格神韻
即作畫體
用惟能神
明於體用
自然提綱
挈領純任
自然方能
為山水傳
神則綱領
體用學者
不可歧而

烏得不於此三者而加意研求也

作畫骨格神韻兼備方為有筆有墨骨格可以
學力研求神韻必藉天分領會古來大家筆墨
兼擅者代不過數人南宗自王維荆關而後宋
則有董巨李范元則有高趙吳黃倪王明則有
王沈文唐董本朝則有四王惲吳其他非偏
長即旁門耳筆墨之難已可概見近世攻畫者
如林講求骨格往往失之板刻即謂之無筆講

參之矣而者

神明於體
用筆墨方
爲無美不
臻

大家名家
氣韻出於
無心與用
墨渲染烘

求神韻。往往失之。呆滯。即謂之無墨。求其骨格。
神韻。恰在箇中。得用筆用墨之妙。可以參席前。
賢者。實難其人。畫雖小道。學力天分。俱臻絕頂。
則骨格神韻。方能契其微。而造其極。學者可易。
視乎筆墨耶。夫畫。渾言之。爲筆墨。析言之。爲骨。
格。神韻。真極。畫學之精微矣。

畫家氣韻。各有分別。大家魄力雄渾。骨格勁逸。
氣韻從沈着中。透露。名家蹊徑幽秀。姿態生動。

托者有雅
俗之別

精微之論
耐人尋味

氣韻於輕逸處發現。在畫者出之。無心見者不
禁擊節稱賞。乃爲真氣韻。此筆中之氣韻。即雲
林所謂胸中逸氣也。功夫到神化時。方能有此
境界。如專於墨中求氣韻。殊失用筆之妙。爲門
外僮夫箇中三昧。學者深參而自會之。
董思翁云。元人筆兼宋法。便得子久三昧。蓋古
人之畫。以性情。今人之畫。以工力。如專尙工力
而不本性情。即不解此意。東塗西抹。無益也。余

如此詮解
畫理六通
四關

雲林畫法
摹倣極難
學者無從
措手如此
立論曲盡
元微

謂畫道取法。……中不師北苑烏能夢
見癡翁耶。

王麓臺云。宋元各家各出機杼。惟倪高士一洗
陳迹。空諸所有。爲逸品中第一。非剗爲是法也。
於不用工力之中。爲善用工力者。所莫能及。作
意生淡。又失之偏枯。俱非佳境。立臺時從大意。
看出皴染時。從眼光得來。庶幾於古人氣機方
有入處。至設色更進一層。不在取色而在取氣。

此中道理
最難着想
惟深於畫
理者方能
造微入妙

冷元人筆
墨大都如
此其妙不
可思議

當必精光四射磅礴于心手其實與着意不着
意處同一得力學者無過用其心亦無誤用其
心庶幾得之觀於此知司農之功力真與古人
氣韻相爲合撰非一知半解者所能擬議也
作畫密不如疎濃不如淡近不如遠多不如少
大作家正似不到家者乃爲逸品真面目然非
絢爛之極歸於平淡不能臻此境界此畫品中
最上乘也

古人解衣
磅礴其豪
情勝概有
可想見

宋牧仲云
不薄今人
愛古人正
謂今人之
天分學力
亦未嘗無
制勝處也

作畫須要襟懷高曠空空洞洞隨意落筆全於
毫尖上領取古大家神逸之致一點一拂一轉
一折純以性靈運成法不爲蹊徑所拘筆有乾
濕墨有濃淡樹有疎密石有向背路有遠近悉
於平日研鍊精熟於胸中臨時發抒腕下自與
古人精神凝而爲一即與古人境地等而相同
非虛言也各人有天分學力或不逮古人於所
詣見之或有勝古人亦於所詣見之莫謂今人

豈可自甘
退讓哉

山水靈秀
之氣須平
時靜參默
悟乃能融
會毫端鈍
根人何從

之○必○不○及○古○人○也○如○前○明○沈○文○唐○董○ 本朝四
王○惲○吳○駉○駉○乎○駕○古○人○而○上○之○其○天○分○學○力○可
想○見○也○今○之○人○自○謂○不○及○古○人○者○必○其○天○分○不
如○古○人○學○力○不○如○古○人○其○自○謂○不○如○固○其○宜○也
然○豈○可○概○論○之○哉○

山○水○清○光○最○難○着○筆○須○要○輕○清○而○明○秀○脫○盡○板
重○呆○滯○之○跡○吸○取○天○地○間○靈○秀○之○氣○畢○集○毫○端
自○然○清○光○大○來○如○高○水○落○波○州○秋○山○過○雨○不○着

下手清光最難捉摸能於邱壑間透露出來真是爲山水傳神

古大家筆法虛實言之鑿鑿瞭如指掌真有上下千年縱橫萬里之識

一些浮漚塵滓實境愈清則空境愈顯山巔水涯林皋木末另有一種靈秀明淨之致動盪於邱壑蹊徑之間雖由學力研求端藉天資穎悟豈鈍根人所能夢見也

古大家用筆法虛實各不相同唐王右丞創爲渲淡故用筆實中帶虛其餘唐宋諸大家都務爲精到用筆實者多虛者少惟元四大家脫盡唐宋窠臼以枯淡見長倪黃用筆憑虛取神故

元明諸大
家用筆剖
晰精妙直
湊單微發
前人所未
發

二王用筆
虛實之不

虛中帶實。吳王用筆靠實取神。故實中帶虛。各有精詣。明之文沈。追蹤梅道人。用筆均於實處。取虛靈之致。唐則專師李晞古。骨法刻露。皴染融化。故用筆先實而後虛。惟董思翁獨得倪黃正傳一點一拂。筆鋒均憑虛取神。獨得六法之秘。國初二王親受思翁指授。故與倪黃一綫相承。開婁東正派。然二王用筆亦有虛實之不同。煙客虛中取神。落筆沈摯。廉州實處取氣。布

同真自抒
獨見曲盡
精微

此種境界
惟倪黃庶
幾得之余
謂畫至倪
黃脫盡唐
宋窠白極

墨精湛。兩宗設教。字內各關。門庭石谷。麓臺用
筆。虛實各有心得。即各守師承。頓分兩派。至惲
南田之瀟灑。出塵。吳漁山之皴染。入化。其用筆
之。或虛。或實。在學者不難參觀而自得也。
畫到純熟。入化時。方能脫盡畦徑。隨筆所至。自
成結構。疎落處。虛靈澹宕。雋永有味。整密處。精
神團結。融洽無痕。在落墨時。不過逸筆草草。看
似不經意。而實鈎勒皴染。點刷披拂。諸法純從

畫道之變
古今之能
事盡矣

畫理之精
微畫學之
博大未知
何日得竟
其緒也聖
人云一息

古○大○家○風○韻○中○得○來○畫○境○如○春○雲○浮○空○毫○無○端○
緒○如○流○水○行○地○莫○辨○源○頭○雖○有○理○法○之○可○求○實○
無○徑○途○之○可○入○但○覺○一○片○化○機○求○之○骨○格○骨○格○
則○渾○化○難○摹○求○之○氣○韻○氣○韻○則○浮○動○無○跡○謂○爲○
無○法○一○一○皆○中○繩○度○即○謂○爲○有○法○處○處○脫○盡○形○
模○此○神○化○之○詣○非○數○十○年○冥○心○揅○討○慘○澹○經○營○
不○能○臻○此○境○界○余○於○畫○道○有○癖○嗜○奈○資○質○鈍○劣○
又○遭○變○亂○三○十○餘○年○如○湔○急○流○用○盡○氣○力○不○離○

尙存此志
不容稍懈
余於畫道
亦如是焉
而已

賞鑒書畫
須具頂門
慧眼自然
見得到識
得透方有
真賞寬與

舊處今年過五十似於畫道畧有所得然於古
大家神化之詣仍茫乎無據也不知二三十年
後又當何如耶畫學之難如此願與世之講求
斯道者共勉之

論賞鑒附

士君子立心行事不可不寬惟賞鑒書畫則不
可不嚴古大家筆墨各有精詣斷非後人所能
摹倣即題款書法各人自有真面目亦斷非他

嚴其淺焉者也

平心審定
自然無微
不燭胸有
灼見不爲
贗品所淆
并說到並
無寬嚴之
心一任乎
心之自然
乃爲真賞

人所可貌似且時代有遠近而氣息不同紙素有新古而色澤不同即圖章一切均各有真趣不能朦混鑒賞家須平心審定勿因名重而眩惑恐交臂以失之勿因價高而艷羨必傾囊以致之此中早有定衡斷不肯輕於遷就人即謂我過嚴而實稱物平施行乎心之自然無成見也非矯情也又何有乎寬與嚴之見存哉況古大家有此盛名即各有精詣有一端不愜於心

深於閱歷
方能言之
親切如此

此中道理
最易參透
每爲眩惑
艱表之心
所蒙蔽耳

斷非真品。屢試屢驗。不爽毫釐。唐宋大家無論
已。如元則倪黃吳王。明則王沈文唐董。本朝
則四王。惲吳各有精詣。即各有真面目。摹倣所
不能貌。似所不得。即有好手。豈能書法畫筆盡
與古人相同。即能同之。而時代之遠近。紙素之
新古。氣息色澤。復能一一脗合。耶。鑒賞家。毋眩
惑。毋豔羨。自抒獨見。則奚囊所蓄。盡是珠璣。夾
袋所收。均爲球璧已。


余自庚午秋九來粵東塗西抹倏已十年畫
道稍有進境邱壑蹊徑畧能擺脫窠臼即古
大家神妙處漸能心領神會因隨筆錄出續
成畫訣一卷用識甘苦聊以自慰然畫理之
精微畫學之博大有何盡境亦不過漸老漸
熟以造夫平淡天真得與古人同鼻孔出氣
斯幸已

光緒六年歲次庚辰嘉平既望書於循州官廨

梁溪秦祖永逸芬甫并識

桐陰畫訣下卷終

男鳳墀全校
姪鳳璪



司桐
陰
一
無
無

黠
山
黃
王
陵
題



方譜金方錄
全十卷開瑞

ND
1042
.C6
1864
v.3

桐陰論畫初編同治甲子新春作於大梁旅舍
刊行海內已十六年矣謬爲識者稱賞余生平
所見名蹟最富自庚午九秋來粵倏已十年於
收藏好事家所見亦復不少今一官匏繫故我
依然驚歲月以如馳光陰虛擲悵年華之漸富
心力將衰爰就生平所弄藏寓目者重爲評論
計二百四十家分爲兩冊二編由明季至本
朝康熙年止計一百二十家三編由雍正至道

光年止計一百二十家其人品學問善善從長
不敢稍參末議至筆墨不過文人餘事與品節
無關是以謬抒臆見漫爲評隲與初編同一體
例惟措詞遣調諸多覆沓知不免爲識者所笑
然畫之妍媸略有分別不敢以阿好徇衆亦不
敢以矯情忤俗也知我者尙祈折衷而教正之
光緒六年庚辰秋七月秦祖永記於循州官廨

族子逸芬著有桐陰論畫初編刊行已久余已
序之詳矣茲復以二編三編稿本見寄余畧爲
點定並書數語歸之逸芬畫宗婁東然前乎此
後乎此者亦不乏名家逸芬固泛濫及之加以
評論其大旨薄畫工而進士大夫鄙專門而取
偶然游戲之筆若文氏諸門人王氏石谷諸門
人麓臺諸門人無一出人頭地者所謂隨人作
計終後人自成一家始逼真也麓臺弟子若東

莊丹思輩亦具體而微在子鶴雪坡之上然終不越其師之範圍韓子所云弟子不必不如師殆虛語耳他如宋牧仲朱竹垞姜西溟諸公皆文人餘事而反非專門名家可及此所以畫之重書卷氣也是編出而世之論畫者知所折衷已光緒辛巳春日緇業序

古之董巨二米俱用濕筆自雲林子喜用渴筆釋漸江宗之遂有徽派之目而鄒衣白程

穆倩俱以渴筆見長而濕則易俗是編中所
謂濕俗實痛下針砭曩見王廉州吳漁山亦
間有此病或疑其偽而不盡然此關乎用筆
之不能空靈非濕之爲累也惟時史其常大
家其偶而已因竝識於此

桐陰論畫二編目錄

上卷

陳繼儒

眉公

李日華

君實

王思任

季重

米萬鍾

仲詔

張瑞圖

二水

陳元素

古白

鍾惺

伯敬

王心一

純甫

張復

元春

歸昌世

文休

黃道周

石齋

倪元璐

玉汝

丁元公

原躬

朱翰之

七處

孫克宏

雪居

談志伊

公望

顧見龍

雲臣

安璿

孟公

朱 奎

雪個

魯得之

孔孫

凌必正

蒙求

李 憲

源嘗

戴明說

道默

釋普荷

擔當

文從簡

彥可

袁 階

雪隱

釋常瑩

珂雪

黃宗炎

晦木

文從昌 南岳 勞一澂 在滋

崔子忠 道母 周亮工 櫟園

藍瑛 田叔 翁陵 壽如

張恂 穉恭 樊圻 會公

魏之克 和叔 朱一是 近修

胡慆 石公 葉榮 澹生

黃經 濟叔 鄒典 滿字

鄒喆 方魯 葉欣 榮木

郭鼎京

去問

許友眉

有介

高岑

蔚生

姜廷幹

綺季

程鵠

昭黃

陳治

山農

姚若翼

伯右

王嘉

逸上

梅清

瞿山

季開生

天中

陳卓

中立

李根

雲谷

吳賓

魯公

郭鞏

無疆

陸灝

平遠

葉有年

君山

下卷

黃向堅

端木

嚴

沆

顥亭

張一鵠

友鴻

米漢雯

紫來

歸莊

元恭

孫逸

無逸

周容

鄒山

金侃

亦陶

釋半山

宋犖

牧仲

高層雲

謏園

朱彝尊

竹垞

徐鉉

虹亭

姜宸英

西溟

翁嵩年

康飴

張遠

天涯

傅眉

壽毛

嚴泓曾

青梧

陳字

小蓮

華胥

義逸

陳嘉言

孔彰

諸昇

日如

羅牧

飯牛

安廣譽

无咎

王概

安節

鄒顯吉

黎眉

華謙

子干

蔣深

樹存

顧樵

樵水

顧藹吉

南原

王 犖 耕南 張 慥 元枝

鈕 貞 元錫 顧 知 野漁

宋駿業 聲求 王 雲 漢藻

顧文淵 雪坡 虞 沅 畹之

蔡 遠 月遠 汪文柏 季青

李 巒 亦山 吳 芷 艾庵

徐 玫 彩若 唐 俊 石耕

金永熙 明吉 李爲憲 匡吉

趙曉堯日

姚培元浩修

赫奕淡士

唐岱靜巖

程鳴松門

陳元復西林

李淇枝雲連

焦秉貞

高其佩且園

李世倬漢章

勵宗萬衣園

禹之鼎尙吉

王邦采貽六

張漣南垣

桐陰論畫二編目錄終

桐陰論畫二編

上卷

梁溪秦祖永著

陳繼儒逸品

眉公畫格
蒼老勁挺
惜無澹宕
柔通之致

平允之論
令人心折

陳仲醕繼儒學博才高研精繪事所見梅花冊
子蒼老渾古理法雙清山水畫幅秀挺勁峭神
韻兼備惟思翁鬆靈超逸之致真如百鍊剛化
爲繞指柔非眉公所能及也

眉公華亭諸生棄去結茅小崑山之陽修竹
白雲焚香晏坐絕不與戶外事董思翁嘗作

來仲樓以招之間作山水奇石梅竹點染皆
出人意表爲人重然諾饒智略妙得老子陰
符之學工詩文雖短翰小詞皆極風致書法
在蘇米之間屢列薦牘堅臥不起嘉靖三十
七年戊午生崇禎十二
年己卯卒年八十有二

李日華

神品

竹懶先生
筆墨櫟翁
傾倒若此
惜不得一
見以開眼
界

李君實日華蒼鬱秀潤櫟翁賞其少變北苑有
出藍之美余物色廿餘年絕無所見甲子春明
誼老收一卷蹊徑頗似惜無鬆靈蒼渾之致且
墨色呆滯未能融化仍爲託名贗作無疑也

先生畫格
高韻逸非
寢饋雲林
不能有此
境界

九疑別字竹懶嘉興人萬厯二十年壬辰進士由制科仕至太僕少卿畫亞於董文敏詩文奇古妙於書法精鑒賞爲人和易安雅淡於仕進所著紫桃軒雜綴及畫媵諸編文雖小品足供薌林幽賞嘉靖四十四年乙丑生崇禎八年乙亥卒年七十一

王思任
逸品

王季重思任倣米家數點雲林一抹饒有古雅
靜逸之趣向見一小幅淡遠空濶林木森秀蕭
疏極蒼茫平遠之致鈎皴山石格高韻逸神似
迂翁真能以少許勝人多許也

遂東山陰人萬厯二十三年乙未進士厯任
藩臬仕至禮部右侍郎少攻制舉業蜚英文
苑更好爲古文詞湔滌塵糝務臻險秀東南
髦俊推爲風雅宗盟其書歌與董思翁陳眉
公相伯仲

米萬鍾
神品

友石書與
思翁齊名
畫又奇逸
蒼莽神似
米老其品
詣之高已
可概見

米仲詔萬鍾馳騁翰墨風雅絕倫當時有南董
北米之譽向見倣米老巨幀氣勢灑灑煙雲滃
鬱格律仍復謹嚴而筆端奇逸之趣蒼蒼莽莽
溢於紙素令人探索無盡

二水筆墨
軒軒健舉
脫盡軟甜
濃俗習氣

友石關中人襄陽後裔以錦衣籍家於京師
萬厯二十三年乙未進士由縣令敷厯藩臬
仕至太僕少卿山水倣倪迂花卉似陳白陽
多蓄奇石故善畫石有襄陽風行草得家法
尤善署書擅名四十年書蹟偏天下
著有篆隸考譌卒於崇禎二年戊辰

張瑞圖
神品

張二水瑞圖骨格蒼勁點染清逸用筆與王孟
津相近曾藏一紙本長幅樹石蕭疏筆力挺拔
此老性不耐皴鉤勒雖極有魄力皴擦却毫無
襯貼終覺失之太簡未能元氣渾淪也

衡翁畫蘭
深得趙文
敏神髓為
明代第一
古白畧為
變通更臻
神妙

長公泉州晉江人萬厯三十五年丁未殿試
第三人仕至建極殿大學士召入內閣山水
法大癡書法奇逸鍾王之外另開蹊徑
相傳張係水星懸之書室中可避火厄

陳元素
逸品

陳古白元素寫蘭葉縱筆偃仰墨花橫溢超然
出塵得文衡翁之秀媚而更氣厚力沈青出於
藍為王西室周公瑕所不及真可稱與花傳神
為學古者進一籌矣

古白長洲諸生擅長墨蘭寸縑尺素人爭寶
之早負才名萬厯三十四年丙午鄉試已擬

筆墨精微
造化所秘
本末易知
今人侈口
而談筆墨
思伯敬晚
知之旨能
無愧耶

解首同鄉司提調者以小嫌厄之竟撤去古
白以義命自安無幾微見於形色一時名輩
多從之游工詩文楷法歐陽草摹二王
歿後同人私諡貞文先生有著述傳世

鍾惺逸品

鍾伯敬先生惺自稱晚知居士言晚年方知筆
墨深自喜幸故云晚知先生畫得之於詩從荒
寒一境悟入故筆墨簡淡神趣冷逸無一毫喧
熱氣蓋得力於詩者深也

退谷景陵人萬厯三十八年庚戌進士仕至
福建提學僉事位置竹樹陂岸多作寒河之

堯峯筆意
蒼老在商
谷叔質之
間純甫筆
致秀潤正
與相反

景爲人嚴冷不接俗客愛游名山所至必窮
其幽邃詩品幽深孤峭名滿區宇晚年逃於
禪萬曆二年甲戌生天啟
四年甲子卒年五十有一

王心一逸品

王純甫心一幼有大志不願俯首執事志節實
矯矯曾見山水中幅筆墨秀嫩氣韻靜逸簡淡
中另有寒冷之氣怡人心目雖師法陳堯峰而
用筆措思正不同也

元渚一號半禪野史吳縣人萬曆四十一年
癸丑進士授行人累遷刑部左侍郎署尙書

以元春功
力如能專
師倪黃濕
濁習氣自
掃除淨盡

初生寒素爲陳煥入室弟子
畫倣大癡書法坡公極精妙

張復
能品

張元春復骨格蒼老雅近石田兼擅諸家之長
時稱能手余家藏大堂軸魄力沈雄皴染濃厚
惟嫌毫端濕濁元人靈秀神逸之致全未領會
所由博涉諸家不能研精去粗也

芥石無錫人隆萬時老畫師年逾八十揮灑
不倦初師錢叔寶頗擅出藍之譽山水於荆
關范郭馬夏倪黃無所不有而自運其生趣
於蹊徑之外人物以沈石田爲宗而工緻過

文沈畫得
之梅道人
均不免粗
豪習氣文
休取法倪
黃故能不
染其習

之當時從
學者甚眾

歸昌世
神品

歸文休昌世氣息蒼渾骨格峻嶒脫盡明中葉
粗豪習氣蘭花墨竹鬆靈沉着神趣橫溢在青
藤白陽之間余所見者多蘭竹一路山水之精
密工緻者僅得諸傳聞也

假菴崑山籍移居常熟太僕有光孫勝國諸
生十歲能詩早棄舉業發憤爲古文詞書法
晉唐善草書兼工印篆與李流芳王志堅稱
三才子明萬厯二年甲戌生順治二年乙酉

書與畫同
一關紐觀
先生書便
可想見先
生畫境也

卒年七十有二

黃道周 神品

黃忠端公道周。畫格磊落奇氣鬱勃。純乎士氣。所見卷冊屏幅。行草居多。筆意離奇超妙。深得二王神髓。蓋先生畫渾灝流轉。元氣淋漓。實由其書溢而爲畫也。

幼元號石齋。一字螭若。閩之漳浦人。天啟二年壬戌進士。仕至禮部尚書。真草隸書自成一家。工詩文。以文章風節高天下。嚴冷方剛。不諧流俗。明萬曆十三年乙酉生。順治三年

先生畫靈
秀天成非
學力所能
擬議

丙戌殉節卒
年六十有二

倪元璐
逸品

倪文正公元璐曾見文石一幀鈎勒凹凸皴染
淋漓蒼潤古雅頗饒別致書法靈秀神妙與畫
同一關紐蓋先生天分既高而又學力深邃宜
其落墨超逸秀絕人寰也

王汝號鴻寶上虞人天啟二年壬戌進士入
詞林歷官至戶禮兩部尚書明亡殉節與黃
石齋同科風節文章亦絕相似書畫俱工行
草尤極超妙萬歷二十一年癸巳生崇禎十

設色融化
筆墨自然
脫盡畦徑
其妙不可
思議

七年甲申卒
年五十有二

丁元公 逸品

丁原躬元公奇思迅發筆墨空靈頗得煙雲滅
沒之趣舊藏金扇面一頁洗盡畫家畦徑墨與
色融化無痕其妙在筆情墨趣之外人物佛像
均炤炤有生氣其胸懷蓋有不可一世者

原躬嘉興布衣性孤潔寡交游晚年爲僧名
淨伊字願菴嘗遍訪歷代佛祖高僧眞容始
自天竺大迦葉尊者迄明季蓮池大師繪爲
巨冊而各識其事蹟於後靜志居詩話云元

畫須楮墨
之外別有
生趣迎人
令閱者目
動心搖始
稱快筆七
師畫洵然

公書畫俱臻逸品兼精
繆篆詩不屑作庸熟語

朱翰之神品

七處和尚朱翰之江南老畫師也丁卯於京邸
見誼老藏一幀筆情淡宕畫境如春雲浮空流
水行地脫盡筆墨痕迹於極蒼古中寓以秀好
極點染處見其清空可稱合作

睿警金陵人晚乃削髮從芑芻游自名七處
人稱之曰七師數椽南郭外蕭然瓢笠不肯
輕爲人落筆但數過諸蘭若衲子有求必應
叩之始言去沒後片楮尺素人皆以多金

雪居花卉
頗負盛名
山水不免
北宗遺習

購之並南郭諸衲子所
有皆爲人索取殆盡矣

孫克宏
能品

孫允執克宏博雅好古體貌疏野有晉唐人風
致繪事罔不精妙折枝花鳥得徐黃生動之韻
山水見一長卷用筆用墨饒有古意惟簡略率
易處未脫馬夏習氣

雪居承恩子以廕授應天府治中擢漢陽太
守繪事山水花鳥竹石蘭草以及仙釋佛像
無不精妙正書仿宋仲溫隸篆上追秦漢嘉
靖十一年壬辰生萬厯三十八年庚戌卒年

七十有九

談志伊 逸品

談公望志伊。花卉翎毛。點染娟秀。得宋人法外
之趣。舊藏金扇面。一頁畫芙蓉花鳥。點色妍麗
着葉筆鋒勁逸。深得古法。枝幹和柔。生動脫盡
筆墨痕迹。品詣在沱江少谷之間。

思重號學山。無錫人。以父廕官中府經歷。工花卉翎毛。兼工文翰。字學曹娥碑。

顧見龍 能品

寫生筆意
如此可稱
能手

畫工習氣
最爲筆墨
之累非天
資卓絕者
不易擺脫
也

賦色妍麗
而能以雅

顧雲臣見龍工人物故實寫真逼肖爲時稱重
余見佛像巨幅莊嚴華美氣局崇宏筆墨雖極
精細純乎畫工作氣卽所畫湯文正公像亦不
過得其形似並無頰上添毫之妙也

雲臣太倉人工人物寫照臨摹古蹟一時難
別真偽雖非虎頭再世堪與十洲割席明萬
曆三十四年丙子生以康熙
二十三年甲子年七十推之

安 璿
逸品

安孟公璿博覽羣畫工巖壑平遠余所見扇頭

秀出之寫
生之能事
已盡

畫不論工
緻與寫意
總要有逸
氣方入三
昧

花鳥著墨生動設色妍雅深得包山白陽神趣
吾鄉工畫者代不乏人前明安氏人材薈萃稱
盛於前鄒氏黎眉實繼起於後也

孟公無錫人前明安紹芳族子
畫得家學山水花卉均臻妙境

朱 奎 神品

八大山人襟懷高曠慷慨悲歌隱於書畫所見
卷冊畫幅數事筆情縱恣生趣油然雖一枝一
葉逸氣拂拂生指腕間真所謂拙規矩於方圓

鄙精研於彩繪者也

山人江西人姓朱氏名奎字雪個故石城府王孫也甲申後號八大山人嘗見山人書畫款題八大二字必連綴其畫山人二字亦然類哭之笑之字意蓋有在也山人畫以簡略勝其精密者尤妙絕惜余未得見書法有晉唐風格山水花鳥竹木均生動盡致為鑒賞家所珍重

魯得之神品

魯孔孫得之。擅長墨竹。發竿布葉。氣勢瀾灩。不拘泥於法。而實神明於法。用筆之長短。曲直落

孔孫墨竹
為當代第

一非日如
輩所能及

寫生以超
逸生動爲
上板滯便
無機趣

墨之濃淡燥濕隨意揮灑無不如意李太僕稱
爲翰墨中精猛之將真深知孔孫者矣

千巖錢塘人僑居嘉興爲李日華入室弟子
墨竹有玉局風韻晚年右臂不仁左手畫風
竹尤有致書法歐顏明萬厯十一年
乙酉生康熙庚子畫歿署年七十六

凌必正
逸品

凌蒙求必正山水設色妍雅位置精密接軫宋
人前人立論如此但余所見者花卉冊含毫構
思似不免板滯之迹未能若青藤白陽之超逸

此種筆墨
非捐棄一
切不能有
此境界

絕塵也。鑒賞家亦略其迹，取其意可耳。

約菴太倉人。崇禎四年
辛未進士，仕廣西副使。

李憲逸品

李源嘗憲意境高遠，平淡天真，頗得荆關遺意。
向見集冊一百頁，寥寥數筆，氣象荒寒，一種超塵
拔俗之致。後賢千皴萬擦，所不能到此。正倪迂
所謂寫胸中逸氣也。

源嘗貴池人，性穎敏，爲文務刻入，或數日不
成一字，而神理一轉則立就。千言崇禎三年

庚午孝廉四上公車不第卒書法二王工詩文

戴明說神品

墨竹明初以九龍山人爲第一道默似近夏太常不免縱橫餘習

戴道默明說骨格蒼老氣象雄貴得梅沙彌體貌傳世者墨竹居多用筆沈着痛快力透紙背如魯公書入木三分也若能領取毫端神逸之致自無縱橫排奐之習矣

巖壑滄州人崇禎七年甲戌進士入本朝官尚書善山水墨竹得梅道人法工詩文釋普荷逸品

畫境如此
眞無筆不
靈無筆不
趣方能脫
盡煙火氣

擔當和尚普荷筆墨枯淡畫做顛米迂倪極有
神韻於友人處見一小冊純用枯筆有神無跡
而靈秀之氣騰溢紙上此眞寂寞之境多着一
點便俗讀此眞欲令人擱筆

擔當雲南普甯州人俗姓唐名泰字大來年
十三補邑諸生天啟中以明經人對大廷嘗
執贄於董思翁之門過會稽參雲門湛然禪
師同滇甲申後遂薙髮從無住禪師受戒律
結茅雞足山工詩脩園集儒
生時作振菴草出世後詩也

文從簡

逸品

先生淡於
仕進宜其
筆墨間脫
盡喧熱態

濕濁由於
濃重最爲

文彥可從簡。畫承家學。筆墨簡淡。略帶荒率之
致。想見此老淡於榮利。不同凡筆。余所見畫幅
水墨居多。而思致清勁。局度安詳。則有餘境界。
空靈氣韻渾厚。尙不足也。

枕煙老人長洲人。衡山先生四世孫。崇禎十
三年庚辰拔貢。不樂仕進。畫兼雲林。叔明少
變家法。書學李北海。明萬曆二年甲
戌生。順治五年戊子卒。年七十有五。

袁階
能品

袁雪隱階。功夫老到。畫擅各家。爲張元春入室。

筆墨大毛
病取法倪
黃自無此
病

淡墨乾皴
元人法乳
此幀之妙
直與董巨
米精神爲
一家眷屬

弟子余見扇頭畫幅邱壑渾成墨法濃厚惟毫
端濕濁較師更甚具此功力如能有志倪黃出
以輕靈鬆秀之筆自然脫盡舊習

雪隱無錫人繪事專門
得張復傳授頗能神似

釋常瑩
神品

珂雪和尚常瑩氣息渾古風韻靜穆不入時人
蹊徑余少見一中幅用淡墨乾皴極有韻致林
木瀟灑蒼鬱隨意點刷精彩煥發絕無一毫縱

橫習氣當年交臂失之深可惜也

珂雪嘉興人俗姓李名肇亨字會嘉又號醉
鷗日華子精畫理片紙尺幅寶如拱璧書善
摹褚河南為婁縣趙果寺僧畫葡萄山水與
趙文度齊名有名家風韻工詩道風淵穆迥
異縉流也

黃宗炎 逸品

畫足以見
人品觀先
生畫可想
見其為人

黃晦木宗炎品行端慤敦崇氣節自甘韜晦余
昔見一小卷倣宋元三趙筆意思致勁逸工中
帶寫邱壑繁而氣足皴察簡而神清其人品之

筆墨文秀
縱不能造
微入妙與
時俗畫史
究有雅俗
之別

孤高峻潔已可於筆墨中想見矣

立谿餘姚人忠端公尊素仲子梨洲先生弟
人稱鷓鴣先生崇禎時明經甲申後游石門
海昌間賣畫自給畫宗小李
將軍趙千里工繆篆善製研

文從昌
逸品

文南岳從昌山水深得家法落筆娟秀出入千
里叔明間余見絹本小幅設色清逸筆致幽秀
雖不能如乃祖之精密而毫端簡淨恬雅之趣
便覺冷然神遠

畫境蒼老
是其所長
亦卽是其
所短

順之長洲人伯仁孫
山水專門克繩祖武

勞
澂
能品

勞在茲澂性好游覽足跡所經寄情詩畫所見
扇頭畫幅蒼老樸古功力寢深工緻之作亦極
細密熨貼微嫌筆鋒稍禿元人一段靈秀神逸
之致未能攝入毫端也

在茲吳人善山水好游好奇每慕屈子之邀
游足跡幾徧天下身所經歷卽以詩與畫寄
意晚年入洞庭西山
終老自稱林屋山人

畫能脫盡
窠臼自然
憂憂獨造
不同凡筆

崔子忠 神品

崔道母子忠取法高古布墨靈秀意趣在晉唐
之間不襲宋元窠臼所寫人物卓犖幽雅士女
娟妍靜逸均有林下風致蓋其筆墨之稱重於
藝林者不在文沈下也

北海初名丹字開予又號青蚓崇禎時順天
諸生曾游董伯宗之門甚相契重細描設色
能自出新意與陳洪綬齊名號南陳北崔更
以文學知名於時一妻二女皆從點染設色
相與摩娑共相娛悅間出以貽相善者若用
金帛請雖窮餓掉頭不顧也甲申後走入土

先生精於
鑒賞故落
筆便得三
昧良由其
天分勝也

室死明季忠義之
士其畫尤足重也

周亮工
逸品

周○滅○齋○亮○工○風○流○博○雅○落○墨○便○超○向○未○見○其○繪○
事○余○鏡○波○刺○史○藏○一○松○石○直○幅○筆○墨○簡○淡○清○逸○
之○氣○縈○拂○毫○端○先○生○鑒○賞○宗○工○胸○次○更○浸○淫○書○
卷○發○爲○豪○墨○白○爾○韻○致○翩翩○也○

櫟園祥符人移家白下明崇禎十三年庚辰
進上由濰縣令行取御史國朝授兩淮鹽
運使歷戶部右侍郎削籍康熙初復僉事歷
江安督糧道好古圖史書畫方名彝器有讀

近見騎驢
圖小輻周
櫟園先生
上款筆墨
超逸生氣
勃勃與習
見者不同

畫錄印人傳字觸書影等書明萬曆四十
年壬子生康熙十一年壬子卒年六十一

藍瑛
能品

藍田叔瑛雄奇蒼老氣象峻嶒當時頗有聲譽
此老功力極深林木山石均有獷悍習氣此等
筆墨如能以渾融柔逸之氣化之何嘗不可與
文沈諸公爭勝也

蝶叟錢塘人山水法宋元乃北宗一派人物
花鳥梅竹俱得古人精蘊浙派山水始於戴
至藍爲極子
濤亦以畫名

翁陵神品

翁壽如陵。筆思蒼渾。墨法簡淨。邱壑間靜穆之氣。直偏癡翁。余僅見金面一頁。脫盡閩習想。是得力於青溪年少。乃能變化至此也。天下若壽如其人者。可不知自勉乎哉。

畫境如此
登峯造極

磊石山樵。閩建寧人。工畫能詩。小楷圖章。分書皆有意致。君畫初多閩氣。游秣陵。從程端伯少司空游。畫乃一變已。又移家公路浦。與萬年少孝廉晨夕過從。畫又一變。壽如畫。屢變遂臻極境。江以南。翁然稱翁陵。翁陵云。

穉恭天分
既高而又
學力深邃
所詣真不
可限量

張恂 逸品

張穉恭舍人恂。天才雋逸。詩文雄視一世。所見
扇頭小品。墨法蒼渾。皴擦純用枯筆。模糊蒼鬱。
頗有古淡天然之致。初年畫與程穆倩相似。後
又參以己意。而變化遂不可測矣。

穉恭涇陽人。先世以業鹺江都。家於維陽。崇
禎十六年癸未進士。官中書舍人。山水師北
苑尤工古文詞。子湛字若木。亦能畫。

樊圻 逸品

會公畫所
見皆工細
之作用筆
設色深得
古法可稱
擅長

畫貴超脫
方有生氣

樊會公圻繪事精到悉臻妙境金陵八家之一
向見山水人物二種筆墨工細穆然恬靜深得
宋元三趙遺意士女幽閒靜逸洗盡脂粉之習
愛其畫者無不重其品也

會公江甯人工山水花卉人物兄沂字浴沂
畫亦精妙與會公有雙丁二陸之名居迴光
寺畔疎籬板屋二老吮筆其中蕭
蕭如神仙中人可以見其高致矣

魏之克
逸品

魏和叔之克落墨停勻設色明淨絕無作家甜

平實終不免板滯之病

俗習氣惟毫尖鬆懈無靈秀奇逸之致故所作均失之平實雖功力深邃而不能研精入微者其病正在此也

和叔考叔弟更名克工山水花卉寫水仙妙極今古爲鑒賞家所推重尤工詩弟叔夜名珠亦有聲藝苑

朱一是逸品

朱近修一是所作江上數峰圖澹遠空濶怡人心目洵不誣也余所見者僅一小冊思致雅秀

取境空濶雖些小點

綴便覺引
人入勝

菊花傲霜
之姿得石
公妙筆寫

能歛遠近微茫於咫尺間雖屬小品而筆端細
膩熨貼自能傾倒名流也

近修海甯人崇禎十五年壬午孝廉甲申後
避居梅里詩文雄視一世畫則傳世極少亂
離之餘游戲爲之便自神詣近修有爲可齋
集與古大家爭衡其集中諸小記妙極形容
頗有繪畫不能盡者

胡慥
逸品

胡石公慥精於寫菊洗盡鉛華獨存冰雪備極
香艷之致誠有然也余昔見一小幅老筆紛披

之可稱與
花傳神

思致瀟灑。淡宕有高超勁逸之趣。白石青藤間
可以想像先生畫品矣。

石公秣陵人。爲金陵八家之一。石公善噉腹
便便。負大力。拳勇善山水人物。菊花能盡百
種之神。惜年未六十而沒。子清濂皆能畫。

葉榮逸品

筆墨靈秀
境界奇異
綰爛之極
方臻此境

葉澹生榮性好游覽。於匡廬得畫法。余近見一
幀。林木森秀。逸趣飛翔。畫一團瓢。老衲子趺坐
蒲團。境極幽闢。上插一側峰。形勢突兀。八面生

動墨氣淋漓極蒼渾之致

樗叟徽州之祁門人早年峰巒石骨頗得匡廬體貌晚年漸造平淡矜貴處幾不欲落筆真逸品也

黃經逸品

耕煙翁云
氣愈清則
愈厚濟叔
深得此中
三昧

黃濟叔經書法圖章之外尤精繪事余僅見一小幀蒼古淡遠深得大癡神髓觀其布墨用筆輕清而氣厚益其鬆秀勁逸之致全從沈着中透露出來非學力所易到也

用筆靈秀
已得畫家
三昧觀此
畫可以想
見其人

山松如皋人日以篆籀詩詞自娛間亦遊戲
筆墨工詩詞善書法圖章君化去方飲酒觀
伎自言死甚
樂不足怖也

鄒
典逸品

鄒滿字典筆意高秀絕去甜俗一派故足俯視
餘子山水未見寫生清逸雅秀有超然塵外之
致用墨一筆間能分濃淡極得六法之秘深於
山水者能通寫生之意斯言信矣

滿字吳人客游金陵遂家焉家貧能自行其
志嘗以除夕視餅栗餘升許復覓楮榻數枝

鑒畫不在
多品一木
一石一花
一葉即可
定其妍媸

爲二親一日供凌晨出郭外登雨花臺高歌
竟日逮暮而返居平客至脫冠自汲以供茗
椀所居東園水濱友人胡念約爲構小園顏
日節霞賦白日掩荆扉以見志不妄就人所
往還葛震甫一龍顧與治夢游劉
今度象先程望尼希孔數人而已

鄒喆
逸品

鄒方魯喆畫宗其父圖松尤奇秀金陵八家之
一余所見者零星小冊山水簡淡超逸脫盡窠
臼花卉鈎勒傅染力追古法筆墨如此自然天
趣蕭閒使人玩賞無盡

筆墨工細
幽澹如此
宜爲櫟園
先生所深
賞也

方魯典子山水工穩而饒古氣花卉有王若
水風格守節霞閣敬事父友謹慎保其家母
沒能盡禮會
葬多知名士

葉
欣
逸品

葉榮木欣。金陵八家之一。溧陽潘穉青大令藏
一小冊。櫟園先生上款。筆意工細。幽淡頗饒雅
韻。其倣唐子畏一幀。尤極精妙。香溫茶熟時賞
之。真能洗滌凡塵也。

榮木雲間人流寓白門。此老善結構。能就目
前所見一一運之。紙一經其筆。雖極無意物。

能得癡翁
畫趣非於
此中三折
肱者不易
幾也

亦有如許靈異故往往引人勝地人傳榮木
出姚簡叔之門但師其意耳實未執贄撮士
也相傳簡叔見榮木畫如魏夫人見鍾太傅
筆畫有此子必蔽我名之嘆世人傳之或簡
叔一嘆所致歟

郭鼎京逸品

郭去問鼎京詩筆芊綿可愛繪事亦極有意致
余見集冊小幅筆意清逸境界幽秀頗得癡翁
鬆靈蒼潤之趣花草賦色妍雅姿態生動絕無
呆滯之迹與花寫照韻致悠然

以畫寄意
非到神化
之境不能
臻此

去問福清人山水師黃子久
尤精花草小楷倣歐率工詩

許友眉
逸品

許有介友眉詩畫蒼楚有致無一毫煙火氣余
見絹本小幅墨竹三竿布葉濃淡氣勢鬱勃極
離奇蒼渾之致益無聊之氣一寄於此耳小竹
倣管仲姬姿態橫生頗能神似

有介閩之福州人王多先生子也孝廉不仕
字畫詩酒種種第一所畫枯木寒鴉蒼涼之
態不可把視工書其爲詩篇不襲前人窠臼
時稱三絕書畫悉喜臨摹米襄陽搆米友堂

山水花卉
畫法固屬
不同然花
卉既如此
精妙山水
已可概見

瓣香
祀之

高
岑
逸品

高蔚生岑鏤精刻骨造入微妙金陵八家之一
所見水墨花卉清逸雅秀有超然出塵之致山
水未見用筆用墨既如此靈妙想邱壑位置必
能引人入勝與古爲徒也

蔚生杭人家於金陵幼時學同里朱翰之畫
晚乃以已意行之鬚髯如戟望之如錦裘駿
馬中人然喜佞佛早年卽厭棄舉子業學爲
詩詩好中晚恒多雋句始從法門道所游伏

觀綺季畫
可稱有筆
有墨

臘寺居茹蔬淡訥然靜默鬚眉間無浮氣兄
康生名阜畫水仙爲魏考叔所嘆絕岑與阜
皆至性過人所居多薜蘿間綠冷翠中雨高
士在焉奉孀母備極色養可想其怡怡之致
姜廷幹 逸品

姜綺季廷幹風流倜儻詩畫文章無不登峰造
極向見金扇頭一頁寫梧桐折枝筆法轉折無
一直筆點葉墨汁淋漓天然濃淡花頭鈎染極
寫生微妙真非若今人隨意所到不事章程也

綺季山陰大宗伯子繪事山水外猶精寫生
王勤中弟子所藏佳蹟甚富如崔白艾宣丁

筆情鬆秀
方能造入
微妙濕俗
便無機趣

貺之流皆極力摹
倣爲諸名流稱賞

程鵠
能品

程昭黃鵠向見小冊一頁筆意雅秀墨法蒼潤
極有韻致大幅罕見觀其布景設色簡淡精潔
惟毫尖稍有濕濁之態而元人鬆靈靜逸之趣
未能遺貌取神也

昭黃徽州人酷愛筆墨摹宋人諸家靡不肖
似山水絕倫人物花鳥皆精妙凡有一技一
能無不延攬又徧游襄
楚晉燕足蹟幾半天下

思翁畫全
在骨格靈
秀山農畫
境得其神
非徒得其
形也

陳治逸品

陳山農治廣交游勵風節足跡徧天下爲人襟
度灑落出語每能驚座余見一小幅骨格風秀
蒼潤中更饒幽雅之致想亦私淑思翁故筆墨
鬆靈活靜如此也

泐莊華亭人國子生善畫能却耿精忠之招
可見風節晚歲隱居泐湖與二三知己飲酒
賦詩爲樂兼精岐黃

姚若翼逸品

功夫到神
妙處縱有
大家在
前不能
不放
其出一
頭

姚伯右若翼爲人疏宕豪爽大有晉賢風致其
畫梅縱橫曲折疏密大小意匠經營絕無重複
頗擅姚梅之目余所見者小品居多筆情瀟灑
逸韻動人爲畫梅家另開生面

寒玉工畫墨梅不多爲詩而出語自雋得法
於秋澗先生及允吉公家傳以意變化之濡
筆肆應免起鵲落日之所見手之所觸磬茲
舉止無非梅者嘗以所藏鍾山梅花瓣黏紙
上稍增枝幹鬚蕊俱存色香不改自以爲補
繪事所未備實則華光元章諸公慧想所未
及也

學思翁不
能得其用
筆用墨之
妙終無入
處

瞿山胸有
奇氣發抒

王嘉逸品

王逸上嘉筆情雅秀思致清逸不落塵俗蹊徑
所見扇頭小冊妍而不甜清而不俗頗有瀟灑
出羣之致微嫌思力軟弱雖極意摹倣思翁骨
格神韻尙隔數塵也

逸上華亭人畫宗董文敏
高出流輩名流莫不推挹

梅清逸品

梅遠公清畫境蒼渾鬆秀脫盡窠臼所見卷冊

腕下便覺
氣息渾古
韻致悠然

畫幅最夥。畫松氣韻蒼鬱。饒有古趣。山水惜墨如金。簡淡靜逸。昔在大梁。見一畫卷。境極幽闢。松計十餘株。便覺滿紙煙雲也。

瞿山宣城孝廉名家子。生長閩閩。姿儀秀朗。有叔寶當年之目。其時插架萬卷。歌呼自適。酒徒詩客常滿座。已而遭亂。家落棄。舉子業屏跡稼園。竄身巖谷。鬱鬱無所處。始出應鄉舉。用是知名。再上春官。不得志。往還周覽。燕齊梁宋之間。故畫得山川氣韻。詩纏綿悱惻。名滿江左。明天啟三年癸亥生。康熙三十六年丁丑卒。年七十有五。

季開生
逸品

畫境如此
先生品詣
之高可以
想見

畫境功力
如此再能

季天中開生。畫得子久三昧。詩俊爽有奇氣。曾
見扇頭小品。筆致蕭散。骨格峻嶒。頗得癡翁簡
筆。鬆秀神趣。惟性情嚴毅。不肖隨俗。依違故筆
墨間。便卓然自異也。

天中泰興人。順治六年己丑進士官。至給事
中。自幼喜倣宋元名蹟。工詩。與弟振宜有雙
鳳之目。居官以直言著稱。

陳卓
能品

陳中立。卓筆墨工細。花草人物。均極擅長。見一

着力毫尖
何難直人
元人之室

雲谷畫鞭
逼入裏腕
力堅凝邱
壑間再能
思致動盪
便不爲境

絹本山水千邱萬壑具有宋人精密惜無元人
靈秀其病與劉叔憲同如能於毫尖上細心領
取何難與古人後先標映並垂永久

中立北京人家於金陵山水工細堪
與劉叔憲並駕花草人物俱未得見

李根能品

李雲谷根筆力挺拔思致遒勁軟甜嫵媚習氣
洗滌殆盡曾見綾本山水二幀邱壑謹嚴墨氣
精湛極有韻致惟布局未能宏敞所作均有拘

界所拘

作畫全要
毫尖着力
魯公畫雖
精細尙未
會及此也

束之態如意境開拓便成純詣矣

雲谷侯官人工詩精篆籀之學圖章逼秦漢
畫皆有遠致佛像極靜穆小楷得晉魏遺意
閉戶食貧蕭然高咏甚不可耐則
吮筆爲江上數峰以自娛悅而已

吳賓
能品

吳魯公賓精於繪事兼擅衆長山水筆墨精細
咫尺間有千里之勢但毫尖未能超逸終覺功
力有餘天資不足余所見者大率類此蓋摹倣
思翁之形尙未領取思翁之神也

筆墨能渾
厚沈鬱方
是畫苑宗
匠其境界
正非寫照
家所易到

魯公華亭人善界畫寸馬豆人鬚眉畢現善
花鳥又工寫照人物學小李將軍山水則專
學董
文敏

郭
鞏
能品

郭無疆鞏傳神妙手名重一時余見山水橫幅
一邱一壑樹石鈎勒均得古法韻致極清逸所
嫌無渾厚沈鬱之趣未能制勝花卉翎毛鬆秀
可愛人物亦生動盡致

無疆莆田人移家會城曾鯨弟子無疆作畫
具有天質傳神周櫟園稱賞詩名爲畫所掩

筆墨瀟灑
格律謹嚴
方為純詣

畫以元氣
渾淪精神

陸灝逸品

陸平遠灝。山水冲潤。氣體清華。機神流旺。所見
絹本小幅。賦色潔淨。點染秀逸。隨意揮灑。頗有
風舒雲捲之致。惟製局過於流走。故邱壑往往
鬆懈。未能精神團結。

天乙山人華亭人。摹倣元諸大家。各
得其趣。神氣極完足。為顧見山畫友。
葉有年逸品

葉君山有年。徧游宇內。畫境得名山大川之助。

團結爲上
君山神氣
渙散良由
此病

遂成作手。余見絹本山水。清疏韶秀。宗孫雪居。
有出藍之美。惟毫尖未能遒鍊。故鈎勒皴染終。
覺率易而無靈警。渾古神趣也。

君山華亭人爲雪居之首座。而又斟酌於文。
度竹嶼之間。故出奇無窮。遂成作手。年八十。
餘尚吮筆不倦。肅藩。
聞其名。曾禮聘入幕。

桐陰論畫二編上卷終

桐陰論畫二編

下卷

梁溪 秦祖永 著

黃向堅 逸品

先生筆墨
以人品見
重賞鑒家
不可拘筆
墨畦徑論
也

黃端木向堅乾筆皴擦結構嚴密所寫滇中之
景居多曾見扇頭小冊天真簡淡雖無出奇制
勝之處而真誠懇摯至性流露於邱壑畦徑之
外畫以人重洵不誣也

端木吳縣人父孔昭以孝廉作宰滇中姚江
道梗不得歸徒步尋父奔走獐獍之地雨載

文人筆墨
先辨雅俗
先生畫境
如此足見
雅人深致

至白鹽井始遇二親迎歸自順治八年十二月出門至十六年六月歸里承歡凡二十年父母歿負土營葬不再期得疾以殉世稱純孝時人爲譜萬里緣傳奇乾隆四年題旌
工畫山水多寫滇中之景明萬曆三十七年己酉生康熙十二年癸丑卒年六十五

嚴沆
逸品

嚴灝亭沆筆致雅秀意興在倪黃之間昔年見一小卷布墨潔淨設色冲淡筆力雖稍弱邱壑間恬靜之致有非塵襟俗韻所能摹肖而得者此詩人餘技意趣自不同也

畫理畫趣
可以講求
氣則由於
天付不可
強也

子餐浙餘杭人順治十二年乙未進士由詞
林仕至倉場侍郎善書工詩歛退謙抑不殊
寒素康熙十三年甲寅卒

張一鵠 逸品

張友鵬一鵠筆墨精潔頗得元人枯淡之趣夫
畫以理氣趣兼到爲重友鵬畫理精趣足頗能
引人入勝惟構局往往爲境界所拘無融會貫
通之妙未能浩氣流行也

忍齋又號釣灘逸人金山人順治十五年戊
戌進士官雲南推官山水得元人筆意工詩

此種畫境
如能以靜
逸出之便
已登峰造
極

罷官後著
書以終老

米漢雯
神品

米○紫○來○漢○雯○筆○力○矯○健○邱○壑○磊○落○有○英○姿○卓○犖○
之○概○向○見○一○中○幅○氣○勢○灝○瀚○筆○意○蒼○勁○得○錐○沙○
印○泥○之○妙○所○嫌○用○筆○躁○動○未○能○含○蓄○醞○釀○故○得○
北○宋○雄○渾○之○神○無○元○人○靜○逸○之○趣○

秀○崑○宛○平○人○明○太○僕○萬○鍾○孫○順○治○十○八○年○辛○
丑○進○士○官○長○葛○知○縣○行○取○舉○康○熙○十○八○年○己○
未○鴻○博○授○職○編○脩○官○至○侍○講○
善○山○水○書○畫○俱○法○南○宮○工○詩○

奇情逸思
透露毫端
非畫家所
能及

歸莊神品

歸元恭莊。文辭書畫。奄有衆長。墨竹入神品。所
見扇頭小幅。筆情瀟灑。墨氣濃淡。機趣橫逸。書
卷之味。溢於楮素。蓋襟懷高曠。而毫端奇逸之
致。不落尋常蹊徑也。

恒軒崑山人。昌世子。勝國諸生。與同邑顧炎
武相友善。有歸奇顧怪之日。工詩善行草書。
所著萬古愁傳奇。痛哭流涕於滄桑之際。論
者稱爲離騷天問一種。手筆酒後悲歌。旁若
無人。甲申後。野服終身。往來湖山。嘗僧裝。稱
普明頭陀。不諧於俗。晚年寄食僧舍。非素交

雖厚弗納卒
年六十有一

孫逸逸品

逸品畫都
宗法元人
神韻幽閒
者多魄力
沈雄者少

孫無逸逸骨格鬆秀筆墨枯淡脫盡塵俗蹊徑
所見卷冊小品淡而神旺簡而意足六法精蘊
透露毫端真逸品也大幅罕見想爲尺幅所拘
非先生所擅長矣

疏林徽州人流寓蕪湖山水得黃子久法歙
縣令靳某所刻歙山二十四圖是其手筆前
與查士標汪之瑞釋漸江稱四
大家後與蕭雲從又稱孫蕭云

畫到如此
境界便不
爲蹊徑所
拘空諸依
傍

周容逸品

周鄧山容。疏林枯木。自率胸臆。蕭然遠俗。曾見
扇頭一頁。淡遠空靈。山石陂陀。隨意鈎勒。被法
雖簡略。而神氣極渾厚。似有一種天趣。飛翔其
靈氣。在筆墨之外也。

鄧山鄧縣人。明諸生入國朝。不試其詩。少
卽見知於錢宗伯。受之黃徵君。太沖善書。工
畫。滄桑之際。嘗渡蛟門。脫友人之厄。幾死。不
悔。康熙己未歲。有欲以博學鴻詞薦之。笑曰。
吾雖周容實商容也。遂止。明萬厯四十七
年己未生。康熙十八年己未卒。年六十一。

當代畫梅
以孝章亦
陶爲第一
眞前無古
人後無來
者

金侃逸品

金亦陶侃梅花工秀神似乃翁向見紙本巨幅
名流題跋數十家花萼偏反生動枝幹橫斜勁
逸雖承家學更臻神化眞傑構也青綠山水想
亦精妙惜不能窺見籓籬也

立菴孝章子梅花家學淵源兼長青綠山水
得黃玠法工楷書能詩隱居不出校讐典籍
多蓄宋元秘本爲時推重
卒於康熙四十二年癸未

釋半山逸品

半山畫所見絕少此幀墨氣淋漓深得沙彌神髓

漫堂畫雖非專門一種超塵拔

半山和尙畫丁卯秋試都門於松筠菴心泉僧處見集冊一頁筆思蒼渾墨氣濃厚頗得梅道人遺意夫書畫一道取法乎上僅得乎中若不追蹤董巨烏能夢見沙彌也

半山宣城人俗姓徐名在柯好游覽山水撫雲林仲圭石田三家宣池之間奉爲模楷焉

宋 瑩 逸品

宋牧仲瑩精鑒賞富收藏所得各家名蹟公餘之暇昕夕研求遂悟畫法余曾見一小卷樹石

俗之概卓
然大雅不
羣

思翁妙處
全在筆法

皴染雖未到家而用筆措思却落落大方脫盡
描頭畫角之習真士大夫筆墨

漫堂商邱人相國文康公子以廕入仕年十
四以大臣子入宿衛改黃州通判官至吏部
尚書工詩與漁洋齊名同時王石谷爲畫西
陂圖巨冊十幀點綴景物極其精妙名流題
跋數十家爲鑒賞家所稱重向於大梁見之
惜已爲有力者所得先生博學工詩古文水
墨蘭竹亦極超妙明崇禎七年甲戌
生康熙五十二年癸巳卒年正八十

高層雲
逸品

高謾園層雲畫法思翁一轉一折極有意趣所

靈秀謾園
深得三昧
宜其超然
出塵也

筆墨淫俗

見山水小幅簡淡超逸思致雋雅絕無一毫塵
俗習氣腕下又復英英露爽骨格靈秀神韻沖
和士氣作家兼擅其勝

二鮑華亭人康熙十五年丙辰進士授大理
寺評事又薦試鴻臚博官至太常寺卿山水倣
董華亭工詩文善書法詩兼杜韓蘇三家之
長時稱三絕明崇禎七年甲戌生康熙二十
九年庚午卒
年五十有七

朱彝尊
逸品

朱錫鬯彝尊典雅淵博素負盛名向見扇頭一

斷非名手
先生畫諒
不若此也

文人筆墨
藉此寄興
自寫胸中
逸氣工拙

真邱壑位置亦頗灑脫惟筆墨間略有濕俗習
氣定非真品觀先生古隸筆意秀勁韻致超逸
便可想見先生畫境矣

竹垞秀水人勝國太傅國祚孫康熙十八年
己未舉鴻博授檢討山水煙雲蒼潤有書卷
氣工詩古文詞著述甚富明崇禎二年己
巳生康熙四十八年己丑卒年八十有一

徐 鉉
逸品

徐電發鉉秉性孤高繪事絕俗山水偶爾寄興
筆致風秀用墨簡淡清逸六法雖未到家隨意

所不計也

點染極有古意。畫蟹有筆有墨。神趣如生。真洗盡畫習。另饒韻致。

虹亭又號鞠莊。吳江人。康熙十八年己未薦舉鴻博。授檢討。工詩古文。詞入慎交社。聲譽日起。以忤權貴。竟拂衣歸。明崇禎九年丙子生。康熙四十七年戊子卒。年七十有三。

姜宸英
逸品

先生筆墨
純乎士氣
所寫竹石
實由其書
溢而爲畫
也

姜西溟宸英。筆墨遒勁。思致蒼秀。深得古人神髓。近見竹石小幅。簡淡超脫。神似松圓翁。姿致靜逸。氣味幽雅。無不逼肖。真功力悉敵。可以並

傳○菰○苑○深○識○者○自○當○首○肯○余○言○也○

湛園慈谿人康熙二十七年戊辰第三人及第授職編修精繪事楷法虞褚歐陽賞鑒名重一時家藏蘭亭石刻至今揭本稱姜氏蘭亭工詩及古文詞明崇禎元年戊辰生康熙三十八年己卯卒年七十有二

翁嵩年逸品

翁○康○飴○嵩○年○枯○筆○林○巒○氣○味○古○雅○脫○盡○畫○師○習○氣○向○見○山○水○小○幀○筆○墨○冲○淡○傲○倪○高○士○溪○亭○山○色○蕭○疏○宕○逸○無○些○子○塵○俗○氣○真○深○得○迂○老○之○神○

元四家畫
惟雲林最
難得其神
趣

超然畫隨
意揮灑純
任自然布
景用筆雖
屬鬆懈望
而知爲文
人本色

一洗陳迹空諸所有獨臻其妙

蘿軒仁和人康熙二十七年戊辰進士授戶部主事仕爲廣東提學善古文詞詩畫均擅長歸田後卒於家年八十有二

張遠逸品

張超然遠點染水墨脫盡閭習頗具士氣向見巨屏一幅蕭疏簡淡邱壑位置絕無拘牽束縛之態惟嫌布置鬆懈未能格律謹嚴此文人筆墨不可與老畫師同日语也

剖析微妙

骨勝趣勝
論極平允

无悶道人侯官人避耿逆亂居常熟贅於何氏遂家焉康熙三十八年己卯領解閩闈官雲南樂豐知縣山水別有韻致書法晉人詩尤天矯不羣後卒於官

傅眉逸品

傅壽毛眉畫承庭訓擅長古賦文詞曾見山水小幅氣體幽雅思致與乃翁不同而山林古樸真趣流露於筆墨蹊徑之外夫青老之畫以骨勝壽毛之畫以趣勝也

壽毛山西太原人徵君山子工畫善作古賦嘗賣藥四方兒子共輓一車逆旅篝燈課讀

澹如七叔
藏石谷萬
壑松風八
尺絹幅係
對巖先生
封翁以新
公玉照今
遭兵燹矣

詰旦成誦乃行明崇禎元年戊辰生
康熙二十二年癸亥卒年五十有六

嚴泓會
逸品

嚴青梧泓會山水秀逸有筆有墨家藏有萬壑
松風圖巨幅臨耕煙翁本筆端饒有卷軸氣似
在西亭若周之上惟思力單弱而骨格神韻已
遠不逮耕煙矣

人泓無錫嚴中允繩孫子
精書法工繪事善承家學

陳
字
逸品

花鳥取法
宋人最易
板刻小蓮
獨能以生
動見長已
極寫生能
事

義逸筆墨
已臻妙境
如能兼擅
其長便已

陳小蓮字花鳥人物純守家法余見尺幅小品
花卉倣宋人鈎勒法設色穠麗翎毛工中帶寫
極飛鳴生動之致世之拘擬舊稿而不能變化
者當更開法外靈奇之想也

無名諸暨人洪綬子得父
傳授有名於時又善書法

華胥
逸品

華義逸胥山水人物士女罔不精研兼擅所見
條屏畫幅筆墨雅秀妍麗中猶存古意水墨工

登峯造極

細之作。直參龍眠之座。山水所嫌筆力秀弱。無沈雄蒼渾之致。足見兼長之難。

義逸無錫人善山水。工人物。士女密緻不傷於刻畫。冶而清艷。而逸深得古法。水墨尤妙如青牛老子圖。是已。

陳嘉言 逸品

所見孔彰
畫幅均極
生動盡致
可稱能手

陳孔彰嘉言筆情鬆秀。花鳥寫生頗臻妙境。向見冊頁畫幅。設色清麗。折枝花草。生動盡致。章法熨貼。串插靈變。極寫生能事。惟白石白陽樸

墨竹要法
備趣足方
能入妙日
如法有餘
趣不足也

古奇逸之趣尚未深造也

孔彰嘉興人寫花
卉翎毛鬆秀可愛

諸昇
能品

諸日如昇揮灑墨竹功夫老到理法雙清所見
畫幅布葉勻稱發竿勁挺似深得此中三昧者
然拘泥於法而未能神明於法終覺失之平實
無離奇變化之妙也

曦菴仁和人蘭花竹石師魯得
之筆勁利勻整所畫雪竹尤佳

作畫全在
筆鋒勁利
禿則摹其
形不能得
其神也

羅牧能品

羅飯牛牧。筆墨老到。邱壑渾成。頗爲名流稱重。
向見一堂軸。人物古樸。樹石蒼潤。惟毫尖稍禿。
絕無超逸之致。由於落筆鬆懈。未能以適鍊出。
之故。穩當有餘。而靈秀不足也。

飯牛甯都人。僑居南昌。工山水。得魏石牀傳。
授筆意。空靈在黃董之間。江淮間祖之者。謂
之江西派。敦古道。重友誼。能詩善
飲。工楷法。又善製茶。卒年八十餘。

安廣譽逸品

追董巨當
以思翁入
想擬子久
須向煙客
究討學貴
循序不能
躐等也

筆墨甜熟
縱功深
遂與元人

安无咎廣譽林巒淹靄皴染鬆秀超然蹊徑之
外向見畫冊數事筆情淡宕邱壑間靜穆之氣
深得癡翁三昧學者於此參究焉雖不能逼近
元人婁東派已得從入徑途矣

无咎無錫人以茂才入太學山水源本
家學取法黃子久恬靜渾穆極有功力

王概能品

王安節概山水人物以及松石巨幅無不精研
兼擅余見絹屏四幅筆墨沖淡設色明淨似甜

三昧終隔
數塵

熟家數並無蒼渾秀逸之致且骨格軟甜神氣
散○渙○定○非○先○生○真○蹟○也○

安節初名丐本秀水人家於金陵山水學龔
半千好結交達官時人爲之語曰天下熱客
王安節善詩文有澄心堂紙賦見稱兄弟皆
篤行嗜古旁及詩畫擅名於時世傳芥子園
畫傳是其手筆

鄒顯吉
逸品

顯吉寫生
筆墨古雅

鄒黎眉顯吉山水人物均得古法寫生擅鄒菊
之○名○余○見○花○卉○冊○十○二○幀○筆○墨○迺○鍊○設○色○古○雅○

生動共推
作手

各家畫法
不同如專
學一家而
未能領取
諸家之長
終無出路

極有韻致○惟寫菊以重粉點瓣○用淡色籠染蓋○
早為小山先生導先路也○

黎眉無錫人十三補諸生寫生落筆即妙兼
工人物山水入成均掉鞅詞壇甄錄漢魏六
朝三唐人集寄情
深遠成一家之作

華謙
逸品

華子千謙筆情韶秀思致清逸頗有婁東遺韻○
所見零星小品筆墨雅淡簡潔得古人三昧品○
詣在東莊明吉之間但此種筆墨終是寄人籬○

蘭竹諸家
畫法不同
樹存深得
古法自成
一局

落○未○能○另○做○門○庭○也○

子干無錫人義逸弟以畫薦授光祿寺典簿
後爲州同本王麓臺弟子山水有黃鶴雲林
遺意事母孝友
于弟人每稱之

蔣 深 逸品

蔣樹存深○寄情詩畫○瀟灑自得○曾見一蘭竹卷○
筆情鬆秀○畫蘭各種○柔和婉轉○極偃仰生動之○
致○竹則墨氣濃厚○深得坡公三昧○文人筆墨自○
另有書卷氣○不與畫師爭工拙也○

蘇齋吳人得古碑繡谷二字因以爲號由太
學生校書得官仕至朔州知州蘭竹花草學
白陽而筆稍放能文工書兼入分詩宗盛唐
著述甚多康熙七年戊申生乾隆二年丁巳
卒年七十

顧樵逸品

專宗一家
未能變化
終爲前人
蹊徑所壓
不易擺脫
也

顧樵水樵志尙冲素品詣極高所見山水小幅
蒼渾沈着精神團結已臻妙境惟較之石田翁
之氣概魄力殊覺具體而微夫學古人總要脫
化古人方能獨闢町畦另開門徑

南原篆學
師顧雲美
畫雖天姿
超逸究非
山水專門

若邪吳江人山水學石田老人與族人顧茂
倫同里徐松之竝稱高人當代王阮亭朱竹
垞均重其畫善書法
工詩畫稱菰林三絕

顧藹吉

逸品

顧南原藹吉天姿瀟灑畫法元人余昔見一橫
幅峰巒簡淡林木蕭疏極有思致惟結構未能
迢鍊停勻妥貼中無精湛渾淪之氣然後知用
志不紛乃凝於神非虛言也

晚仙後改字天山吳縣諸生以明經官儀徵
學博山水宗法元人爲宋駿業王原祁所稱

託名偽作
不過志在
阿堵宜爲
人所輕也

賞精繆篆工八分書
有隸辨一編傳於世

王 榮
能品

王耕南榮善摹石谷頗得微名余見畫幅數事
雖不能並駕耕煙與西亭若周輩功力不甚相
遠何嘗不可傳名後世耶如必託名欺世不過
惟利是圖卑之無甚高論矣

稼亭又號棲嶠吳人與石谷同時山水亦純
倣石谷然遠不逮也蓋貌似耳恒託其名以
專利石谷深恨之近時僞託石
谷名者尤多則又不逮榮筆矣

臨摹古人
而能脫盡
拘牽束縛
之態足徵
功力深邃

畫境蒼老

張慥
能品

張元枝慥筆意蕭散墨法鬆秀頗有出藍之美
少曾見一長卷臨癡翁富春大嶺圖真本三閱
月而成筆墨渾脫設色融化絕無拘牽摹倣之
跡圓美當行可稱傑作

元枝無錫人安廣譽弟子筆墨精進
突過其師與張復張宏有三張之目

鈕貞
能品

鈕元錫貞筆墨蒼老氣息渾厚曾見絹本中幅

卽是筆墨
大毛病以
秀潤化之
庶幾入道

高人韻士
寄意豪素
目不爲境
界所拘雖

鈎勒皴染功力極深已臻妙境但畫總以鬆靈
超逸爲上如能毫尖着力領取造化生氣何難
脫落町畦超於象外

元錫震澤人奇峰怪石援筆以摹曲盡其趣
幼習舉子業酉戌間游兵執其父將戮貞銜
哀求以身代得釋自是棄其業專
以丹青自娛復工琴受業者甚衆

顧知逸品

顧野漁知書畫縱恣橫逸不拘繩墨借以抒寫
其牢愁抑鬱之氣所見尺幅小品姿致瀟灑氣

隨意揮灑
無不入古

畫有定法
筆意靈秀
雖同一邱
壑而工拙
殊不同也

味清古其用筆之鈎斫拂曳與草書同一閤鈕
非靜參默悟烏能融會斯旨

爾昭錢塘人善山水其爲人牢愁抑鬱益欲
借畫以發抒者所做米氏雲山小幅筆情墨
趣瀟灑天真氣味極清古
梅花墨竹超逸生動工詩

宋駿業
逸品

宋聲求駿業所作宋元小品取境最近而思致
極遠向見扇頭一頁樹石坡池隨意點置便覺
境界靈秀引人勝地得從尺幅想其風規略近

筆墨渾成
一片方是
大家如細
碎便落下
乘矣

元人蕭散之致

聲求吳人初登副車官兵部侍郎山水
受業王耕煙所作小品居多清韻可挹

王雲逸品

王漢藻雲山水規模石田樓臺人物極似仇實
父余見合景扇面冊畫古柏一株氣體蒼秀姿
致生動頗有古趣惟筆墨細碎未能渾淪沈鬱
此蓋由於天賦非學力所能強也

漢藻高郵人畫師斌子康熙時江淮間極有
名譽善承家學博涉諸家故山水樓臺人物

畫境平實
便無生趣
前人云邱
壑甯空無
實正爲此
也

無不造
微入妙

顧文淵
逸品

顧雪坡文淵。用筆鬆秀。設色明淨。極有功力。所
見長方冊六幀。邱壑位置。雅近耕煙翁。惟毫端
未能超逸。終覺失之平實。縱極到家。殊爲蹊徑
所縛。未敢云撒手游行無礙也。

湘源別號海粟居士。常熟人。山水與無錫華
羲逸同學。筆墨亦相類。見王翬山水。日進去
而畫竹。又妙於水口。其竹石從山水
入手。故能臻絕工。詩善文。書法亦佳。

畫學功夫
只要一筆
兩筆便分
高下不在
全圖也

虞沅
逸品

虞晚之沅花卉翎毛鈎染賦色極臻妙境余僅
見水亭點染數筆其渾淪勁挺之致山水亦是
專家尤親炙耕煙翁深得用筆用墨之妙雖著
墨不多其全體功夫已可想見矣

晚之江都人移居常熟畫境親炙耕煙翁頗
得趨向花卉翎毛鈎染工整賦色妍雅得古
人遺法至今賞
鑒家多爭重之

蔡遠
逸品

天涯畫雖不及西亭若周然能脫去閨習已徵識力

畫不論繁簡只要氣足精神完自然精神團

蔡天涯遠點色風華筆情幽雅脫盡閩中畫習向見紙本中幅摹倣耕煙翁姿致鬆秀力量薄弱具體而微天涯質本中資卽充其學力所至未必與西亭若周同一境地也

月遠閩人僑居常熟遂家焉不忘故邱號紫渭山人學山水於王石谷畫牛與西亭並駕

汪文柏逸品

汪季青文柏墨蘭雅秀脫俗點綴坡石落落大方洵士夫逸致所見山水小幅蕭疏簡淡絕無

結

畫貴有筆
有墨亦山
用墨極有
功力浦山
論其有墨
無筆也有

喧熱態皴法雖簡却氣足神完滌盡率易散漫之病蓋由姓好習靜故也

柯庭休甯人占籍桐鄉工詩善畫官司城頗著循聲然性好習靜三載卽致政歸里晚年手定詩題曰柯庭餘習蓋所學崇本也朱竹垞太史序之

李巒
能品

李亦山巒筆意清潤畫多水墨在能妙之間向見一巨幅邱壑整密點置山嵐樹石墨氣淹靄似於渲染之功頗極經營慘澹較耕煙翁之氣

以哉

畫貴傳神
如能得其
真趣愈簡
愈工正不
在多也

息○蒼○渾○殊○覺○大○相○懸○絕○矣○

秋池老人安陸人山水淡墨居多評者謂在
王翬下顧昉上非篤論也浙撫曾以其畫進
呈郡守察其孝友著鄉里以賢良
方正薦堅辭不赴卒年八十有一

吳 芷
逸品

吳艾菴芷○寫意花卉○頗擅勝場○余所見僅小品○
筆致生動○所寫野禽水鳥○雖寥寥數筆而飛鳴○
棲宿之態○一一領取○毫端無微不肖○惜他畫未○
見○不能漫爲擬議也○

大家以魄
力勝名家
以秀韻勝
觀彩若畫
洵然

艾菴吳江人曾偕王石谷繪六名家歲
朝圖爲時稱重善寫意花卉足見功力

徐 玫
逸品

徐彩若玫。花鳥人物。勾染工整。賦色妍雅。得古
人遺法。舊藏石谷合景扇面。彩若畫。秋槐一株。
枝幹蒼潤。點葉茂密。極森沈旖旎之致。蓋名家
秀韻與大家神氣殊不同也。

華陽吳人花鳥人物生動
盡致與柳遇並擅名一時

唐 俊
逸品

大家名家
全在氣局
體格分別
不論工拙

麓臺司農
師其秀潤
易師其蒼
渾難此境

唐石耕俊筆墨清妍。山水花竹頗臻妙境。余見
絹冊二頁。筆意鬆秀。設色簡淨。師法耕煙翁。惟
體微氣弱。不能自抒胸臆。雖姿致韶秀。而古大
家深沈渾厚之趣。無從措手也。

石耕常熟人。畫史袁子始師蔡遠。後法耕煙。山水花竹以清妍見稱。

金永熙逸品

金明吉永熙筆情鬆秀。墨法清逸。所見扇頭小
幅。雖不能追步司農章法位置。皴染鈎勒深得。

非明吉所
能到

學畫須博
取約守方
能造入微
妙死守一
家斷無出
路

三○味○惟○思○力○薄○弱○司○農○蒼○渾○沈○古○神○趣○非○鑽○仰○
可○到○雖○欲○從○之○末○由○也○已○

明吉蘇州人王原祁弟子山水
具體而微與趙曉溫儀相伯仲

李爲憲
逸品

李匡吉爲憲筆墨清逸深得舅氏家法亦如山
樵之師事趙舅也所見扇頭小品筆致雅秀深
得司農早年意趣但死守一人不能博涉諸家
另開門徑未有不爲師法所囿也

天分學力
兩者兼備
方能造入
神妙如專
藉學力心
手終不能
相應也

巨山王原祁甥畫法舅氏一時有王李金姚
四弟子之目益謂王敬銘金永熙姚培元與
李也後以廣文擢
通許知縣有循聲

趙曉
逸品

趙堯日曉虛懷好學謹慎謙退不輕爲人落筆
余僅見一小幅筆墨清逸思致幽雅惟力量薄
弱不能副其心志學者能如此用心所詣必進
而益上堯日益限於天也

堯日太倉人善山水受王少司農法每作一
圖稍不愜意輒中止卽有成幅亦不著名曰

畫家學力
最爲緊要
縱天分高
明功夫未
到不能深
造

再需三十年或可題款時年已四十矣其刻苦猶如此畫多小幅平淡古雅設色亦渾樸冲潤第力量稍歉故不能副其心志兼善墨竹風神蕭爽高出流輩

姚培元
逸品

姚浩修培元筆墨清逸姿致雅秀所見小幅山水淺絳設色筆端鬆靈秀逸之趣在毓東明吉之間惟骨格單弱司農渾厚神味未能奔赴腕下良由學力未至也

浩修上海人婁東王氏贅壻由明經爲太倉州訓導山水得王原祁之傳詩畫均有名譽

體貌雖神
似司農而
清超渾化
之致尙未
領會

赫奕逸品

赫○澹○士○奕○筆○意○蒼○勁○墨○氣○淹○潤○頗○近○麓○臺○神○趣○
向○藏○一○大○方○幅○皴○染○沈○着○山○石○鈎○勒○林○木○串○插○
無○不○規○模○司○農○惟○用○筆○用○墨○率○多○板○滯○所○由○局○
於○蹊○徑○無○清○超○渾○化○之○致○也○

澹士滿洲人王原祁弟子山水宗法元人獨
開生面峰巒渾厚草木華滋深得古法真豪
傑士也官
至大司空

唐岱逸品

畫家師法
前人摹其
形不能得
其神終無
出路

古大家作
畫先要講

唐靜巖岱山水用筆沈着布置深穩蓋得力於
宋人者余見絹本中幅邱壑位置神似司農布
墨用筆全從司農畫法中脫屣而出微嫌骨格
軟甜摹其形尙未得其神也

毓東滿洲人官內務府總管以畫祇候內
廷王原祁弟子山水沈厚深穩得力於宋人
居多所著有繪
事發微傳於世

程鳴逸品

程松門鳴乾皴枯墨不加渲染蒼雅可愛曾見

求格律然
後邱壑位
置方能渾
成無散漫
之病

如此畫境
雖不能並
駕耕煙翁

畫冊十二幀筆情縱逸不拘繩尺設色亦簡潔
明淨另饒韻致惟格律不甚謹嚴故邱壑每多
散漫是卽松門所短也

友聲歎人占籍儀徵補庠生山水學苦瓜和
尙又參之以程穆倩純以書法成之著名江
淮間詩出漁洋山人之門漁
洋嘗云松門詩名爲畫所掩

陳元復
能品

陳西林元復向見一絹幅倣黃鶴山樵筆思蒼
渾邱壑深邃神似耕煙翁有西亭之工秀而無

已高出諸
弟子之上

家學淵源
縱不能媲美
前人也只
要有一心得
處不難造
就成家

蒼老習氣有若周之清逸而具渾淪骨格雖未
登峰造極亦已出人頭地矣

西林常熟人山水得丹邱
生遺意詩得王漁洋指授

李琪枝
逸品

李雲連琪枝畫承家學傳世者梅竹居多曾見
山水小幅筆墨簡淡姿態秀逸雖不能及乃翁
之氣息風韻而毫端柔和恬雅之致另敞門庭
豈時史所能窺其涯涘

用西洋法
畫花卉創
始焦君可
稱獨步山
水用洋法
亦惟漁山
一人

奇峰嘉興諸生太僕日華孫肇亨子工畫
傳家墨梅墨竹與太倉王氏鼎足江東焉

焦秉貞
妙品

焦秉貞工筆花卉精妙絕倫蓋西洋法也向見
紹葛民廉訪藏一絹幅精細如界畫偃仰凹凸
陰陽向背直與造化同功國初以來第一人也
至設色精工尤其餘事

秉貞濟甯人欽天監五官正工人物其位置
之自近而遠由大及小純用西洋畫法康熙
中祇候內庭所畫耕織圖四十六幅摹村
落風景田家作苦曲盡其致深契聖衷錫

且園筆墨
頗有大家
氣象惟粗
豪之態終
不免失之
雄獷

資甚厚旋鏤板印 賜臣工
爲世珍重弟子冷枚得其傳

高其佩 能品

高○且○園○其○佩○天○姿○超○邁○奇○情○異○趣○信○手○而○成○曾○
見○人○物○山○水○軸○蒼○渾○沈○着○衣○褶○如○草○篆○一○袖○六○
七○折○氣○勢○不○斷○生○動○盡○致○深○得○吳○小○仙○神○趣○世○
人○競○稱○其○指○畫○可○怪○也○

韋之遼陽人隸籍漢軍善指頭畫人物花木
魚龍鳥獸罔不精妙人既重其指墨加以年
老便於揮灑遂不復用筆故流傳者絕少父
天爵遇耿逆之害以廕得官宿州知州仕至

作畫隨濃
隨淡一氣
落筆方能
元氣渾淪
自無瑣碎
之病

刑部侍郎又爲都統工
詩雍正十二年甲寅卒

李世倬
能品

李漢章世倬筆墨秀雋山水人物花鳥果品靡
不精妙余僅見山水軸筆思蒼潤皴染勁逸惟
點錯鎖碎無渾淪靜穆之氣由於落墨佻巧未
能以沈着出之故無元氣淋漓之觀

穀齋三韓人隸籍漢軍兩湖總督如龍子侍
郎高其佩甥繪事均臻妙境少隨父宦游江
南見王石谷得其講論後與馬退山游故宗
傳醕正人物得吳道子水陸道場圖法花鳥

此幀筆墨
真如初搗
黃庭恰到
好處

果品得諸舅氏之指墨而易以筆故能各名
一家亦如王甥之善學趙舅也工詩官通政
司右
通政

勵宗萬 逸品

勵衣園宗萬英姿秀發早登詞館向見山水直
幅筆意恬雅幽閒靜逸之氣浮動邱壑間其設
色之古淡融化真有神無迹超出乎筆情墨趣
之外想是前身畫師故能靈秀若此

滋大靜海人杜訥孫廷儀子康熙六十年辛
丑進士入詞垣年才十七官至刑部侍郎罷

尚吉畫以
傳神爲上
山水隨意
酬應未能
制勝

復官光祿寺
卿善畫山水

禹之鼎
能品

禹尚吉之鼎傳神阿堵名重菰林所見冊頁畫
幅均摹倣宋元諸家筆墨停勻邱壑老到極有
功力惟運思布景不能超逸生動知傳神與山
水其用筆實不相同也

慎齋江都人康熙中以善畫供奉內庭尤
工寫照秀媚古雅爲當代第一一時名人小
像皆出其手人物故實幼師藍氏後出入宋
元諸家遂成一家法以康熙二十五年丙寅

子嚴情得貽
相近秋水墨古六
父趣與筆法畫深

年四十推之當是
順治四年丁亥生

王邦采
逸品

王貽六邦采詩情畫筆跌宕超逸頗臻妙境所
見扇頭冊頁蕭疏淡遠思致妍雅較梅壑之簡
淡以適鍊勝較青溪之瀟灑以靜逸勝惜傳世
甚少尺幅小品殊令人思慕矣

携鹿無錫人諸生精儒書
興發爲古文詩畫均超逸

張漣
能品

壘石雖與
筆墨不同
然能得古
人神趣便
可想見其
胸中邱壑

張南垣漣精於畫學兼善寫真曾見筆墨數事
鬆秀幽雅亦是專家惟壘石能傳諸大家神趣
一一偏肖真絕技也後之人見其邱壑位置者
遂以壘石傳其名而畫名掩矣

南垣華亭人徙居秀水山水壘石爲之人莫
能及故壘石特名聞前輩云吾家寄暢園恭
備御蹕游幸其時張南垣布置樹石會
經宸翰褒題至今族中遺老均知爲南
垣手筆太倉吳駿
公會爲立傳傳之

桐陰論畫二編下卷終

男鳳墀
姪鳳璫 全校



周禮
卷之八
考工記
第十

桐陰
畫三編

黟山黃士陵題



金華三民開瑞
志緒三民開瑞

ND
104
.CE
126
v.
桐陰論畫三編目錄

上卷

高鳳翰

西園

李方膺

晴江

陸大癡

日爲

嚴怪

滄醅

陳撰

楞山

閔貞

正齋

黃慎

恭懋

丁敬

敬身

高翔

西唐

汪士慎

近人

圖清格

牧山

佟毓秀

鍾山

鄒士隨

景河

蔣溥

恒軒

周復

文生

姜恭壽

靜宰

蕭晨

靈曦

李寅

白也

康濤

石舟

冷枚

吉臣

戴大有

書年

王鳳儀

審淵

邊壽民

頤公

沈鳳

補蘿

張棟

看雲

王文治

夢樓

潘恭壽

蓮巢

吳櫟

逸泉

上官周

竹莊

張敬

雪鴻

錢維喬

竹初

畢涵

焦麓

張賜甯

桂巖

吳霽

竹堂

王玖

二癡

袁樹

香亭

王灝

春明

王宜

嶰谷

董誥

蔗林

余集

秋室

童鈺

二樹

劉錫嘏

涖齋

潘奕雋

榕皋

高樹程

邁庵

秦儀 梧園 馮敏昌 魚山

關槐 晉軒 洪範 石農

孫銓 鑑堂 宋葆淳 芝山

翟大坤 雲屏 畢瀧 澗飛

何道生 蘭士 朱鶴年 野雲

馬履泰 秋葯 許庭堅 次谷

鮑汀 若舟 俞堤 是齋

張道渥 水屋 釋韻可 鐵舟

下卷

伊秉綬

墨卿

錢楷

裴山

桂馥

未谷

黃鉞

左田

顧王霖

容堂

黎簡

二樵

范承紀

廉山

孫均

古雲

錢東

東臬

尤蔭

水村

蔣和

醉峯

汪恭

竹坪

姜漁

笠人

張崑

寶厓

陳豫鐘

秋堂

屠

倬

琴塢

沈唐

樹堂

顧

莼

南雅

姚元之

伯昂

顧

洛

西梅

張鏐

老薑

吳寶書

松厓

戴公望

貞石

張

深

茶農

顧應泰

雲鶴

戴

鑑

石坪

司馬鐘

繡谷

釋達受

六舟

張祥河

詩舲

趙之琛

次閑

錢昌言

岱雨

馮金柏

墨香

楊天璧

繡亭

廖雲槎

裴舟

張培敦

硯樵

翟繼昌

琴峯

姜燾

曉泉

周笠

雲巖

楊燦

蘭舟

馮箕

棲霞

翁雒

小海

蔣寶齡

子延

王玉璋

鶴舟

諸炘

春巖

王鼎標

春苑

俞岳

少甫

畢簡仲白
沈榮石薌

黃鞠秋士
顧蕙生竹畦

蔣予檢矩亭
程庭鷺序伯

汪昉叔明
秦炳文誼亭

楊翰海琴
沈振銘藕船

范璣引泉
湯祿名樂民

沈焯竹賓
陶淇錐庵

桐陰論畫三編目錄終

桐陰論畫三編

上卷

梁溪 秦祖永 著

高鳳翰 神品

西園畫橫
塗豎抹無
不入妙堪
與冬心新
羅並傳矣

高西園鳳翰離奇超妙脫盡筆墨畦徑曾見山
水小幅筆意縱逸駘宕北宋雄渾之神元人靜
逸之氣筆端兼擅其勝蓋其法備趣足雖不規
規於法而實不離乎法也

南村晚號南阜老人嘗自稱老阜因右臂不
仁以左手作畫號尚左生膠州人雍正五年

此種筆墨
未免蒼老
傷韻無雅
秀之致

丁未以生員舉孝友端方任歙縣丞山水以
氣勝不拘於法草書圓勁飛動嗜硯收藏極
富自銘大半著研史繆篆印章全法秦漢
乾隆八年癸亥年六十有一自撰生礪誌

李方膺

能品

李晴江方膺老筆紛披縱橫排奐不拘繩墨白
得奇趣向見畫梅巨幅蒼老渾古墨氣淋漓極
亂頭粗服之致惟梅花標格其靜逸氣味當於
暗香疏影間傳其神韻也

虬仲又號秋池江南通州人雍正時以諸生
保舉合肥縣松竹梅蘭及諸小品不守矩矱

日爲筆墨
迫不猶人
古趣在筆
墨蹊徑之
外

在青藤竹憨之間尤長大幅有士氣居士途
明吏術凡休戚國利民生遺老嘉言俱能津
津言之居官有循聲康熙三十四年
乙亥生乾隆十九年甲戌卒年六十

陸 癡逸品

陸日爲癡○布置奇癖○不屑作常蹊○能爲尋丈大
幅○余見冊頁畫幅○乾筆皴擦○用淡墨籠染○一種
奇古之氣○與程穆倩相伯仲○境界靈異○別有會
心○非巧思力索所能造○

日爲遂昌人故自號遂山樵居松江性狷癖
故人以癡呼之山水自成一局其法用挑筆

滄醅日爲
各有精詣
真一時瑜
亮

密點由淡而濃不惜百遍林巒崖石煙雲紉
縵墨氣綢繆亦可喜也浙撫屠公館之西湖
踰年而卒屠
公爲治其喪

嚴怪逸品

嚴滄醅載好構奇境家極貧不能以多金眩亦
不爲權勢屈也所見尺方小品山水筆情縱逸
脫盡恒蹊花鳥設想幽僻頗得奇狀其經營苦
心真能極畫家變體另闢町畦

滄醅華陽人嘗畫一古藤蔓延糾結蟠兩山
頭一人崎嶇攀援而下凡畫多類此爲人亦

先生老筆
紛披一種
豪邁之致
人莫能及

癡絕人目爲怪怪聞
之喜遂自名爲怪焉

陳撰逸品

陳楞山撰詩才雋逸人品高潔寫生與李復堂
相近余見山水小幅筆情鬆秀元氣渾淪極有
古意此老性情豪邁落墨布景均極隨意故所
作點刷縱恣者多格律精細者少也

玉几山人鄞縣人布衣僑寓錢塘寄居江都
舉鴻博不就山水之秀鍾於五指梅花極精
妙與李復堂爲同年友故畫亦相類

潤筆氣象
磊落狹筆
細膩熨貼
能品何疑

閔

貞

能品

閔正齋貞山水魄力沈雄頗得巨然神趣余見
大幅人物筆墨奇縱有兔起鶻落之勢衣紋隨
意轉折豪邁絕倫工細之作尤能幽閒靜逸無
一毫縱橫習氣

正齋江西人或呼爲閔駉子僑寓漢口鎮山
水師巨然工寫意人物兼精寫真幼失怙恃
歲時伏臘見人懸父母遺像致祭輒流涕痛
二親遺容不獲見或謂寫真家有追容之法
生人相似者可髣髴得之然楚人無擅長者
因篤志學畫又朝夕祈禱大士後果摹得父

癭瓢畫氣
勢魄力人
莫能及惜
未脫閩習
非雅構也

母像衆知爲孝感
所致稱閩孝子云

黃慎
能品

黃恭懋慎山水兼宗倪黃出入吳仲圭之間爲
時推重余見人物大小幅筆意縱橫排奐氣象
雄偉深入古法所嫌體貌粗豪無秀雅神逸之
趣未免昔人筆過傷韻之譏

癭瓢閩人僑居揚州雍正間布衣山水畫亦
擅長書法懷素極有功力工詩事母以孝稱

丁敬
逸品

畫能領取
金石氣味
隨意揮灑
無不入古

逸品畫總

丁敬身敬畫梅蒼秀古趣盎然余見一橫幅橫
斜疏影極亂頭粗服之致花萼偏反偃仰理法
兼到惟樸古簡淡神趣不滯於思不泥於法信
筆取之深入三昧也

鈍丁自稱龍泓山人錢塘人隱居市廛賣酒
好金石文字窮巖絕壁手自摹搨證以志傳
摹印古質上追秦漢工分隸印
章不輕為人作著武林金石錄

高翔
逸品

高西唐翔天資穎異摹倣繪事均楚楚有致曾

要另有一
種秀逸之
趣方能脫
去窠臼

畫能脫盡
塵俗氣無
論工緻與
寫意無不

見墨梅橫幅。花萼筆意鬆秀。枝幹墨法蒼潤。頗
得冬心翁心印。山水師漸江。簡淡意趣。又參以
石濤之縱恣。故筆墨超逸。洗盡塵蹊也。

鳳岡甘泉人能詩善畫。尤精八分。與冬心游
頗多。領會工繆篆刀法。師程穆倩。諸菽均可
觀。惜皆於近人間塗徑耳。晚年右手廢。以左手書。字奇古。爲世珍重。

汪士慎 逸品

汪近人士慎畫梅。筆致疏落。超然出塵。近見冊
頁屏條。雜作筆意。幽秀設色。妍雅氣清。而神腴。

入妙

畫有異趣
必識見高
邁非循行
數墨者所
能窺其涯
涘

墨淡而趣足。雖不能媲美冬心。其秀潤恬靜之
致已足令人爭重矣。

巢林休甯人流寓揚州善墨梅工詩與
冬心秋岳相友善筆墨習染遂臻妙境

圖清格 逸品

圖牧山清格逸筆寫生自闢一徑不屑隨人步
趨余見畫冊小幅筆意蒼渾逸趣飛翔有離奇
荒幻之致草蟲造入微妙一點一拂皆有異趣
傳世者率筆居多不足珍也

蒼老實畫
家大毛病
前人所以
有寧穉毋
霸之論

牧山滿洲人官大同知府以草書法寫菊另
開蹊徑工詩親喪廬墓築丙舍於西山孝行
足以傳世

佟毓秀

能品

佟鍾山毓秀山水縱橫排冪與藍田叔相似曾
見畫冊十二幀氣格粗豪筆力沈着痛快得北
宋雄獷遺習麓臺云筆端金剛杵義在百劫不
磨須純綿裏鐵方入三昧也

鍾山襄平人隸旗籍仕至甘肅巡撫
曾游錢封之門山水取法元人率筆

筆墨饒有
士氣當畧
其短而取
其長

筆墨靈秀

鄒士隨
逸品

鄒景河士隨筆意雅秀得自薪傳皴染規模大
癡極有神理曾見文昌閣圖卷筆墨瀟灑設色
妍雅頗饒士氣六法縱未到家其筆意之和柔
恬靜極文人高逸之致

晴川顯吉子雍正五年癸卯進士工詩歌古
文山水得大癡遺意康熙二十六年丁卯生

蔣溥
逸品

蔣恒軒溥筆意秀逸深得家法余見扇頭畫幅

由於天分
氣味醇厚
全藉人功

折○枝○花○草○極○有○生○趣○樹○石○小○幀○墨○氣○清○逸○靈○秀○
之○致○畢○集○毫○端○惟○白○石○白○陽○蒼○渾○沈○着○氣○味○殊○
覺○大○有○逕○庭○矣○

質甫文肅公廷錫長子雍正八年庚戌傳臚
工花卉得自家法隨意布置自多生趣供奉
內庭畫幅歲時呈進官戶部尚書協辦大
學士康熙四十七年戊子生乾隆二十六年
辛巳卒年
五十有四

周復逸品

周文生復筆意淡遠邱壑靈秀極得元人思致

逸品畫皴

染濃淡恰
到妙處覺
多着一點
便俗

文人筆墨
如此已造
妙境賞鑒
家慎毋刻
以相繩也

余見畫冊十二幀。鬆秀靜逸。頗有引人入勝之
妙。巨幅墨氣濃厚。魄力沈雄。未免濕濁。想是工
於小品。巨幅非其所長也。

文生無錫人。山水竹石筆墨森秀。頗
有思致。人物設色秀麗。在能妙之間。

姜恭壽

逸品

姜靜宰恭壽。花草竹木姿致瀟灑。脫盡蒼老習
氣。向見山水冊十幀。筆意秀挺。墨法簡淨。絕無
點塵所嫌。邱壑間未能元氣渾淪。故終覺失之。

論極精確

清○淡○無○柔○逸○古○厚○神○味○也○

香巖又號東陽外史如皋人編修任修子乾隆六年辛酉孝廉官教諭能詩善畫工篆隸畫筆清勁拔俗不染塵氛

蕭晨
能品

蕭靈曦晨山水人物師法唐宋畫雪推名手余見絹本土女軸設色妍雅衣紋清勁流走極有功力惟點置眉眼未能清逸雅秀大有拙俗痕跡此士流雜流之所由分也

長康右丞
諸公皆以
士夫作畫
故能造人
神妙自無
拙俗之病

畫貴有士
氣自然落
墨雅秀脫
盡畫史俗
態

中素揚州人繪事稱能手善詩賦隱梓人中
人以工役之往役受直待以詩人則行朋友
之禮

李寅

能品

李白也寅畫法唐宋極其精密向見一絹本中
幅千邱萬壑層出不窮設色亦娟妍工麗惟毫
端無卷軸氣故布墨用筆之間往往不脫畫史
俗態功力雖深而秀韻不足也

白也江都人所作桃花楊
柳共稱神品與蕭晨齊名

石舟筆墨
脫盡脂粉
絢爛之習

論極精妙
耐人尋味

康 濤妙品

康石舟濤山水人物花卉翎毛用筆設色潔淨
流麗余見絹本小幅士女簪花圖氣味清雋翩
若驚鴻有新羅之古秀而姿態生動有兩峯之
勁逸而妍雅八時也

石舟錢塘人白描士女維揚極有名譽晚年
號茅心老人山水筆墨精潔花卉點染流麗
人物顧盼有情翎毛
生動盡致一時能手

冷 枚 能品

工細畫總
要脫盡描
摹習氣方
能人妙

書年士女

冷吉臣校人物士女工麗妍雅頗得師傳曾見
絹冊十二幀筆墨潔淨賦色韶秀其畫法工中
帶寫點綴屋宇器皿精細如界畫却生動有致
所嫌精彩不足未脫畫史描摹形跡

吉臣膠州人焦秉貞弟子供奉內庭工人
物尤精士女康熙五十年辛卯與畫萬壽
盛典圖時王原祁爲畫苑總裁

戴大有妙品

戴書年大有人物工秀花卉雅淡頗稱能手曾

用意與諸
家不同洵
爲畫士女
正宗

如此筆墨
真文人本
色脫盡作
家面目

見士女小幀筆情鬆秀色澤妍雅點染眉眼顧
盼有情畫髮細密生韻衣紋勁逸而有氣勢態
度豐肥却無一毫脂粉俗習

書年杭人善人物花鳥士女極豐
肥妍雅之態花卉雅淡蘭竹尤佳

王鳳儀
逸品

王審淵鳳儀山水淡逸不變宗風余見集冊一
頁蹊徑幽秀邱壑間簡淨神韻油然於筆情墨
趣之外此真純乎士氣故意匠用筆迥不猶人

深得元人三昧也

審淵麓臺司農曾孫達心太守兄乾隆十二年丁卯孝廉官至西安鹽道山水另有逸趣克承家學

邊壽民

神品

頤公畫雖粗豪一種樸古蒼渾之趣諸家莫及

邊頤公壽民翎毛花卉均有別趣潑墨蘆雁尤極著名所見不下十餘幅筆意蒼渾飛鳴游泳之趣一一融會毫端極樸古奇逸之致蘆灘沙口生動古勁有大家風度

古大家筆
墨隨濃隨
淡一氣揮
灑無不沈
厚補蘿貌
似尚隔數
塵

葦間居士山陽諸生潑墨蘆雁初前古所未
有頤公雖以此著名而筆墨之妙實不在此
又工詩詞精書法所居葦間書屋名流咸造
訪之不與塵事日親楮墨蓋淮上一高士也

沈鳳逸品

沈補蘿鳳蹊徑蒼渾乾筆皴擦極有韻致曾見
山水中幅氣息深厚思致綿密設色古雅恬靜
所嫌刻意摹古筆端未能融化處處多斧鑿痕
跡尚未一片空靈也

凡民江陰人受書法於王虛舟工鐵筆山水
純用乾筆志在元人以國學生効力南河得

看雲蕭疎
簡淡頗無
俗韻再能
筆意遒鍊
氣息渾淪
便成純詣

官實於吏事非所喜也生於
康熙卒於乾隆年七十有一

張棟逸品

張看雲棟。乾筆皴擦。恬雅疏秀。頗無俗韻。舊藏
一小冊。筆意秀挺。設色冲淡。畫境與南華翁相
伯仲。雖私淑王麓臺。司農蒼渾神逸之致。未能
得其百一。蓋限於資也。

鴻勳號玉川。吳江人。邑諸生。家於鶯脰湖之
濱。畫筆私淑王原祁。專用乾筆。不喜設色。博
學工詩文。家貧力學。游京師。入太學。公卿推
重之。乾隆十六年辛未。兩浙雅中丞聘纂

先生天分
絕頂此梅
花小幅游
戲爲之筆
力神韻爲
畫家莫及

南巡盛典後歷游南北
浪跡江湖者三十餘年

王文治 逸品

王夢樓太守文治書法妙天下。世罕知其畫者。曾見墨梅小幅。思致清逸。筆意勁秀。橫斜疏影。以簡淡出之。便覺韻致翩然。脫盡畫史習氣。題語亦清超拔俗。可稱三絕。

禹卿丹徒人。乾隆二十五年庚辰第三人及第。官翰林侍讀。出爲雲南知府。書秀逸天成。得董華亭神髓。與錢唐梁學士齊名。世稱梁王學士。每自謂不如。蓋天分不可及也。詩宗

衡翁畫清勁中有蒼渾之致方爲大家如徒得其清勁終不免失之淺薄

唐人雍正八年庚戌生嘉慶七年壬戌卒年七十三

潘恭壽 逸品

潘蓮巢恭壽山水規模文氏花卉取法甌香頗有韻致向藏山水花卉數種均夢樓先生署欸可稱雙絕山水雖得文氏清勁之致不能追蹤古大家氣息神韻終屬淺薄也

慎夫丹徒人問道於蓬心太守曾以宿雨初收曉煙未泮八字真言授之復取古蹟摹倣畫日益進能詩故畫多詩意兼工寫生濯濯如倚風凝露善人物士女秀韻而饒古意佛

逸泉人物
妍雅工秀
有筆有墨
可稱能手

像亦工乾隆六年辛酉生五
十九年甲寅卒年五十有四

吳 楸 能品

吳逸泉楸嘗繪竹雲圖自謂天機所到直奪造化蓋深得此中三昧者余家藏一巨幅人物古雅樹石蒼潤氣韻魄力不讓古人士女工細之作可以追步唐仇超然遠俗

朝英無錫人人物士女花草
樹石罔不精妙亦一時作手

上官周 能品

閩畫多失
之重俗竹
莊人物如
能筆墨超
逸便臻妙
境

先生畫如

上官竹莊周山水煙巒瀾漫墨暈可觀浦山謂
其有墨無筆所見畫件極夥山水未脫閩習人
物功夫老到運墨設色停勻妥貼惟毫尖無離
奇超逸之致終覺失之板滯

文佐福建長汀人乾隆初年布衣善畫能詩
晚年薄遊粵東頗有名譽世傳晚笑堂畫譜
是其手筆

張 啟 能品

張雪鴻啟山水花卉隨意揮灑蒼勁流走所見

此立論可
謂無微不至
燭允爲定
評

卷冊畫幅最夥。筆情縱逸。韻致蕭然。橫塗豎抹。
生氣勃勃。墨色濃淡各極其趣。先生畫格雖超。
惜顯筋露骨。未脫金陵派習氣。

芷園先世桐城。遷居江甯。乾隆二十七年壬
午。孝廉爲湖北知縣。天資高邁。兼三絕之譽。
爲人疏放。不羈曠達。自喜旣罷官。挈姬妾徧
游吳越。間所至人爭重之。性嗜酒。酒酣興發。
揮灑甚捷。若在歌席舞筵。尤不自覺其氣之
豪縱。墨之淋漓也。山水人物花卉禽蟲。無一
不妙。其寫真尤神肖。往往不携圖章。畫竟率
筆作印。亦精妙。真草篆隸無不造極。尤工詩。

錢維喬

逸品

文人筆墨能清逸雅秀便是名家其筆力稍弱究與大家宗匠不同也

錢竹初維喬筆意鬆秀氣體清逸雖不能並駕文敏蕭疏恬雅之致脫盡畫師面目所見山水卷冊多歸田後作邱壑幽靜樹石秀潤無一毫煙火氣微嫌筆力稍弱也

樹參文敏公維城胞弟乾隆二十七年壬午孝廉爲鄞縣知縣嘗自畫竹初庵圖徵詩歸田後得唐荆川舊園之半葺而居之自號半園逸叟蒔花種竹享幽棲之樂與同里畢焦麓時相往還工詩文乾隆四年己未生嘉慶十一年丙寅卒年六十有八

畢涵能品

先生筆墨
卓然成家
如能清超
神逸便可
並駕南田

桂巖花卉

畢焦麓涵山水研求古法功力寢深毘陵作手
余見卷冊大小畫幅魄力蒼渾筆意勁挺時史
仙薄習氣掃除殆盡識者議其無清超神逸之
致真深於見道之言也

焦麓陽湖人山水遠宗古法力挽頽風高出
流輩雍正十年壬子生嘉慶十二年丁卯卒
年七十六

張賜甯

能品

張桂巖賜甯山水蒼勁一邱一壑揮灑盡致余

筆意雄放
魄力極大
近時作手

畫足以見

見花卉巨屏四幅。筆力蒼潤勁逸。傳寫各種花
草。意境開拓。魄力沈雄。設色亦古雅。清潔所見
零星小品。終不免粗豪習氣。

坤一直隸滄州人。初游幕於江南。後官通州
管河州。同僑寓維揚。花鳥人物。靡不工。而山
水尤蒼秀渾厚。超然拔俗。多不泥舊法。惟以
氣韻過人。着色花卉。獨稱絕技。兼善墨竹。又
工小詩。晚年不能握管。惟雙耳尚聰。日聽技
家。詠諧說書。以爲樂。子百祿。字傳山。亦工畫。

吳霽
逸品

吳竹堂霽。澹於榮利。著作等身。書畫並臻妙品。

性情先生
畫境如此
其人品之
高已可想
見

拘守前人
規格未能
變化便是
籬堵間物

余見山水小幅筆意清雋韻致瀟灑有新羅山人逸韻墨竹秀穎超拔倣魯得之後人得其片紙者無不珍同拱璧也

倬雲錢塘人乾隆二十八年癸未進士工山水蘭竹間作寫意士女尤極雋冷自罷去功名悉屏塵緣專心墳索詩古文詞皆足以楷模後進嘗主湖北書院又主吳中平江講席

王玖
逸品

王次峯玖山水稍變家學饒有別趣曾見倣小米山水幅峯巒石骨苔點層疊畧爲變通惟林

去之轉遠

文人筆墨
貴有士氣
縱功未
到自無作

木串插陂陀。位置仍是乃祖規制。縱極工妙。究爲前人蹊徑所壓。未能標新領異也。

二癡石谷曾孫贅居郡城。山水遠承家學。少嘗游黃尊古門。親授秘法。已而徧臨古跡。益深造入都。聲稱籍甚。王公大人爭欲藉畫爲二癡進身階。二癡夷然不屑也。山水一變家學。胸次邱壑。饒有思致。所居拙政園。往來多文士。尤與方外交。

袁樹逸品

袁香亭樹工山水。精鑒別。敦崇風雅。曾見一畫卷。筆意秀潤。頗得沈凡民之傳。用筆用墨之間。

家習氣

畫中墨竹
最難入妙
要神明於
規矩方能
成家

饒有自然之趣。沈厚雖不逮師法。而毫端簡淨。渾脫有士氣。而無習氣也。

香亭簡齋太史從弟乾隆二十八年癸未進士官廣東肇慶府知府山水得江陰沈凡民傳工詩自假歸後鍵戶謝客以筆墨撰述自娛而已

王
灝
逸品

王春明灝。擅長墨竹。清超雅秀。余家藏有數幀。筆意勁逸。點葉濃處。淡處均。生氣奕奕。掃盡停勻。平實之病。夫墨竹以氣勢魄。力離奇。超妙爲。

大家春明神韻幽秀允堪壽世

春明金匱拔貢生官廬江訓導詩清剛俊爽
書法出入唐宋兼寫蘆雁年七十歸里嘗於
重九日宴集蓉湖第一樓作
詩畫會遠近至者五十餘人

王宜逸品

家學淵源
如能專心
精進自較
率爾操觚
者易為得
力也

王嶰谷宜筆意鬆秀善承家學余曾見一小幅
林木鬱葱姿態蕭散頗有司農早年風致惟氣
局未能開展故無勁挺超拔之致若能專心精
進何嘗不可追步司農也

天分人功
俱臻絕頂
方成大家
扇頭小品
不能見其
力量

嶰谷太倉人麓臺司農曾孫審淵觀察胞弟
官江右新建縣知縣畫筆秀逸與喆兄齊名
令嗣子若諸
生亦有畫名

董 誥 逸品

董蕉林誥稟承家學雅秀絕塵所見扇頭小幅
筆墨瀟灑思致清逸絕無一毫時史習氣惜巨
幅未見古大家沈雄渾厚之趣巨幅乃見力量
未能窺見堂奧也

西京富陽人邦達子乾隆二十八年癸未傳
臚入詞林官至大學士四十餘年勤慎供職

香艷中更
饒妍雅之
致宜先生
之以美人
得名也

栽培寒畯外無炫赫之名內具和而不同之
守克稱賢相善畫工詩古文詞書宗義獻乾
隆五年庚申生嘉慶二十
三年戊寅卒年七十有九

余集
妙品

余秋室集繪事精工尤擅長士女有余美人之
日向藏楊妃出浴圖寫楊妃蹣跚馬上嬌柔弱
態生動盡致內監宮娥扶挈左右深得浴後神
趣上翁覃溪長恨歌小楷可稱雙絕

蓉裳錢塘人乾隆三十一年丙戌進士嘉慶
丙戌復以侍講學士重赴鹿鳴加三品卿銜

畫梅全要
筆情雅秀
方能傳暗
香疎影之
趣二樹筆
意板木未
免塘突梅
花

兼長蘭竹花卉禽鳥尤工士女書亦古秀詩
神韻閒遠不屑作庸熟語有三絕之譽爲人
和易無達官氣生於乾隆卒
於道光三年癸未年八十餘

童
鉦
能品

童二樹鉦山水蘭竹木石均有功力墨梅宗楊
无咎頗有時譽余見墨梅最夥蒼老樸古墨氣
雄厚惟千篇一律苦無超逸之筆不能變化從
心終覺失之板木未得其趣也

璞巖山陰布衣生平所作梅花不下萬本得
之者珍如拱壁肆力於詩然詩名爲畫所掩

受蓄古銅印章少棄舉子業性豪邁所得賣
文資隨手散去不爲家計也尤精古隸康熙
六十年辛丑生乾隆四十
七年壬寅卒年六十有二

劉錫嘏

能品

梅花標格
諸家畫法
不同溱齋
係王元章
一路宸爲
高雅

劉溱齋錫嘏墨梅蒼秀老筆紛披頗極古樸舊
藏屏條一幅老幹一枝氣勢鬱勃花萼隨意點
錯自然法備趣足而筆尤圓勁沈着氣味醅厚
書畫兼長足稱二妙

溱齋直隸通州人乾隆三十四年己丑進士
入詞垣官至江南淮徐道工墨梅尤精書法

三松先生
筆墨純乎
文人本色
隨意揮灑
自得天趣
真所謂不
求工而自
工也

潘奕雋
逸品

潘榕皋奕雋。梅蘭水仙。信手揮灑。頗有生趣。所
見筆墨雜作。最富詩情。畫筆均有意致。梅蘭小
幀。隨意點染。另饒清逸氣味。知先生淡於榮利。
故能享林泉樂趣。

水雲漫士吳縣人。乾隆三十四年己丑進士。
戶部主事。道光二年壬午。重與鹿鳴宴。晉員
外郎。九年己丑。重與瓊林宴。晉四品京堂銜。
工畫梅蘭水仙。書宗顏柳。篆隸入秦漢人之
室。喜吟咏。至九旬外。精神矍鑠。詩文書畫外。
別無他嗜。乾隆五年庚申。生道光十年庚寅。

卒年九十有一

高樹程
逸品

邁庵人品
極高故落
墨另有古
趣似乎較
勝鐵生非
蘭坻所能
及

高邁庵樹程筆墨蒼潤。意境超脫。得子久山樵
神髓。余僅見扇頭一頁。筆情簡淡。思致雋逸。極
有古趣。花卉賦色妍雅。發枝點葉。生動盡致。蘭
坻鐵生。允堪並駕。

靳玉自號煙蘿子。杭人。乾隆四十二年丁酉
副貢。工詩文。善山水。得董華亭遺意。人品絕
高。故畫多古趣。至今得其尺幅。視鐵生所作
較重。云花卉寫意。頗似新羅書法。董趙芸臺

作家畫濕
筆居多皆
由未能毫
尖着力故
古人妙處
終身不知

先生又稱其詩學昌谷有奇古之致工制藝
設席講學從者雲集得其指授輒破壁飛去

秦儀能品

梧園族祖儀畫宗石谷尤長水村小景多作點
葉柳籠雨拖煙別有意趣人稱爲秦楊柳余見
畫幅最夥山水筆墨近濕未脫畫習楊柳雖極
擅長較之古大家究有今古之殊也

梧園無錫人僑居吳門美鬚髯人呼爲秦髯
工山水畫柳名噪一時丐其畫者非柳不慚
也題畫詩皆率意而成不事雕飾然
亦有神韻天然者子寶亦工畫楊柳

馮敏昌 逸品

文人筆墨
有由書而
悟畫亦有
由畫而悟
書此中各
有心得不
能勉強

馮魚山敏昌。天姿卓越。松石蘭竹。蒼秀絕俗。余
見書法數幀。而畫止小品。筆意清逸。松針鬆秀。
而饒古韻。竹石簡淡。中有勁逸之趣。雖非專門。
深得三昧。畫法實與書法相通也。

伯求廣東欽州人。乾隆四十三年戊戌進士。
官編修。改刑部主事。書法大令。工詩畫。崇祀
鄉賢。著有河陽金石錄等書。乾隆十二年
丁卯生。嘉慶十一年丙寅卒。年六十。

關槐 逸品

文人筆墨
全在天資
靈秀與時
俗畫史頓
分軒輊

士大夫畫
只要有書

關晉軒槐畫法宋元筆思蒼渾品詣在鐵生琴
塢之間少時見一中幅皴染規模大癡鈎勒清
勁用墨濃淡得宜頗饒秀韻雖師法董蔗林其
畫境之蒼潤恬靜實有過之無不及也

晉軒仁和人乾隆四十五年庚子傳臚仕至
閣學山水得董相國指授駸駸入宋元之室
詞章翰墨
脫穎不羣

洪範逸品

洪石農範書法畫筆俱磊落超雋雄視一切墨

卷氣縱筆
力秀弱斷
不至有甜
俗之病

作畫能有
古韻自然

竹見有數幀。布幹發枝。濃淡疊葉。絕無縱橫習氣。惟筆意甜俗。古大家峭拔勁逸之趣。全未領會。而好事家雅重之。殊可異也。

石農休甯人。博雅工詩。以諸生佐福郡王幕。叙功得官。仕至兗沂曹道。山水宗癡翁墨竹。師東坡間寫片石疎林。小幅則又別饒意趣。石農和易近人。無達官氣。聞黃穀原畫名渡江訪之。其愛才如此。是不可及也。

孫銓逸品

孫鑑堂銓。性好寫生。尤喜作蘭竹。中年兼畫山

脫盡俗氣
不可以筆
墨工拙論

芝山筆墨
機趣橫溢

水人物悉有古韻。曾見山水直幅。倣黃鶴山樵
筆意思。致蕭散氣韻。清逸畧帶荒率之致。文人
遣興之作。並非山水宗工也。

少迂崑山人。乾隆四十五年庚子。孝廉由南
滙學博遷山東陽信知縣。墨竹宗夏仲昭。山
水宗元四家。寫生得白陽筆意。亦兼惲法。爲
成邸所褒賞。集諸名家法書摹勒入石。名壽
石齋帖。極爲時珍重。

宋葆淳
逸品

宋芝山葆淳。山水蒼秀。筆致嫺潤。脫盡塵俗蹊

極其妙境
惟率畧處
鑒者當捨
其短而取
其長

學石田翁
不能墨華
腴潤所謂
有骨無肉

徑○曾○見○大○小○畫○幅○意○態○雄○傑○墨○氣○淋○漓○絕○無○拘○
泥○瑣○屑○之○態○良○由○天○姿○高○邁○一○落○筆○便○得○古○人○
神○趣○不○得○以○小○疵○而○掩○大○醜○也○

帥初山西安邑人乾隆四十八年癸卯孝廉
官解州學正長於金石考據善鑒別工畫山
水得北宋人法生乾隆十三年
戊辰以嘉慶丁丑年七十推之

翟大坤
能品

翟雲屏大坤山水隨意揮灑兼綜各家極其妙
境曾見一中幅筆思蒼勁頗得石田翁遺意但

未得其趣

石翁畫以墨華腴潤氣息渾淪勝雲屏有骨無肉得石翁之形未得石翁之神也

子屋本籍嘉興寄居吳門山水兼綜各家寫生得古法性情亦蕭散後病耳又自號無聞子家蓄一硯甚寶愛失去怏怏旋跡得之以重價購歸遂顏所居曰歸研草堂

畢瀧逸品

賞鑒家筆墨由於天機感觸着手成趣不在刻意臨摹也

畢竹癡瀧博綜金石酷嗜書畫頗負賞鑒之譽余見一小幅筆意風秀有蒼潤之致雖非專門藏弄名蹟融會胸中發抒腕下是爾幽雅蓋天

資超絕。與率爾操觚者異也。

澗飛太倉人秋帆沅弟凡遇名蹟不惜重價
購藏工山水及墨竹蒼潤深秀頗得曹雲西
遺意
工詩

何道生 逸品

文秀本平天成習尙由於性近此中雅俗人所共知不在工拙論也

何蘭士道生筆墨清雅文秀之氣撲人眉宇余
見橫披小幅簡淡蕭疏邱壑恬靜筆端秀潤荒
率之致文人本色畫論云與其蒼老而有霸氣
何如秀弱而存士氣學者不可不知

野雲筆墨
如此立論
可謂確中
其病

蘭士靈石人乾隆五十二年丁未
進士入詞林官知府善山水工詩

朱鶴年
逸品

朱野雲鶴年意趣閒遠。姿致瀟灑。不染時史習
氣。余見法時帆學士詩龕圖。老筆紛披。皴染鉤
勒。極其流走。惟用筆未能遒鍊。不免失之躁動。
故無渾融靜逸之趣。

野雲泰州人。僑寓都門。山水隨意揮灑。不規
規古人畦徑。性喜結納。與都中賢士大夫文
酒往還。故畫名益著。士女
人物花卉竹石無一不能。

畫到脫盡
畦徑隨意
揮灑不求
工而自工
此境正不
易到

馬履泰 逸品

馬秋藥履泰中歲作畫。涉筆即工。余見小幅山水。得子久。神理下筆。生拙掃盡塵蹊。真自率胸臆。不肯取悅俗目。先生深於畫理。不求工而工。處愈不可掩。故足重也。

叔安仁和人。乾隆五十二年丁未進士官太常寺卿。以文章氣節重於時。工詩畫書法。宗唐人古健。似李北海。山水規模大癡蒼楚。沈厚頗得元人遺韻。

許庭堅 神品

次谷山水
頗有大家
力量惟毫
尖無靈警
之致尙未
登峯造極

若洲筆墨
已造妙境

許次谷庭堅畫筆蒼渾沈着墨氣濃厚深得先
民矩矱余藏六尺大橫披氣韻魄力直逼董巨
小幅思力雄健邱壑渾成微嫌筆意稍木無靈
警之致不能追步婁東也

鄰石金匱廩膳生家富藏書與弟美曾共事
搜討兼工山水與鮑若洲俞是齋並稱於時
性疏懶敦逼不應興到
揮灑至廢寢食工詩文

鮑汀逸品

鮑若洲汀筆墨雅秀機趣橫生頗得董米神韻

如能專心
精進不難
一超直入
如來地也

元人筆墨
靈秀天成

所見畫幅卷開筆意超逸墨氣渾厚極淋漓瀟灑之致向藏柳塘印月便面秀雅靜逸神似南田翁非韻蘭曉樓所能及

勤齋無錫諸生精制舉業工詩賦書宗松雪香光畫學倪雲林王孟端爲人冲和蕭淡終身不見喜愠之色曾至粵西覽桂林山水之勝詩益奇畫益妙同邑嵇承咸師事之山水有名於時

俞 堤 逸品

俞是齋堤山水樹石森秀生動頗得元人三昧

縱骨格單
薄斷無板
滯痕跡是
齋可謂三
折肱矣

此種筆墨
可想見其
襟懷高曠
非邱壑畦

向藏畫幅小冊筆致清逸絕無一毫板滯之跡
惟遙山遠水布置層出而氣息未見深厚由於
骨格秀削不能元氣渾淪也

是齋無錫人原名璟字企塘善山水樹石人
物花卉幾入元人之室詩賦畫均極精妙撰
論畫三篇又
著題畫瑣存

張道渥
逸品

張水屋道渥山水秀潤邱壑畦徑隨筆所至有
時繁益加繁有時簡而又簡脫盡窠臼余於嚴

徑之所得
而拘也

畫以士氣
爲上江湖
氣便落下
乘矣此鐵

子壽寓見一巨幅層巒疊嶂筆意飄灑皴擦之
密間不容髮可稱迥不猶人卓然塵表

封紫山西浮山人自號張風子好騎驢又號
騎驢公子官兩淮運判後任簡州工詩善山
水嘗寫華山小幀山麓畫水環之日蓮花當
生水中也有鏡中對鏡小影後又任金川屯
使田

釋韻可
能品

鐵舟和尚韻可筆意超脫揮灑自如不襲前人
窠臼余見畫幅最夥思力沈着縱逸多姿不免

舟之畫所以不入賞鑒也

過於馳騁。未能以醞釀出之。故所作均無靜逸之致。蓋江湖之習染深也。

木石山人湖北人。故江夏名家子。善鼓琴。工書法。竹石花卉尤擅長。渡江而東。名噪吳越。住吳縣李王廟。時游禾中魏塘。吳興苕霅間。所至人爭重之。所得潤筆。即以資其揮霍。或贈寒素弗惜也。

桐陰論畫三編上卷終

桐陰論畫三編

下卷

梁溪 秦祖永 著

伊秉綬 逸品

畫能得金石氣一切
時史惡習掃除淨盡

伊墨卿秉綬力持風雅文采映耀一時古隸法
書樸古奇逸深得金石氣味近得山水扇面一
頁筆意蒼勁皴染簡淡古秀脫盡恒蹊雖不以
畫名而見其畫者無不傾倒也

墨卿福建甯化人乾隆五十四年己酉進士
守惠州多善政再知揚州提唱風雅有功蒞

裴山筆墨
純以文秀
勝觀其書
與畫似極
文人能事

苑道光二年入祀三賢祠爲四賢祠書似李
西涯尤精古隸獨不喜趙文敏先生筆墨之
高已可想見乾隆十九年甲戌生
嘉慶二十年乙亥卒年六十有二

錢楷 逸品

錢裴山楷揮灑山水頗有廉州麓臺筆意余見
尺方小幅簡淡趣足靈秀神腴雖非專門自足
矜重漢隸樸古奇逸深得六法精蘊知文人能
事正不能盡其伎倆

裴山嘉興人乾隆五十四年己酉傳臚入詞
林歷官廣西湖北安徽巡撫工山水善隸書

未谷筆墨
深得金石
氣味宜其
入手即妙
古趣橫溢

乾隆二十五年庚辰生嘉慶
十七年壬申卒年五十有三

桂馥逸品

桂未谷馥學問該博邃於金石考據之學篆刻
漢隸雅負盛名晚年始好寫生另饒古韻余見
一橫幅墨竹一叢蒼苔數點意趣橫逸在青藤
白陽之間亦以結一重翰墨緣也

未谷曲阜人長山校官乾隆五十五年庚戌
進士雲南永平知縣翁覃溪阮芸臺所推重
錢松壺嘗與討論云畫中惟點苔爲難故又
自號老苔詩爛不收拾大半多酒後之作生

文人筆墨
最近元人
觀左田畫
風韻蕭疎
頗得趨向

平著作極多篆刻
漢隸尤爲時推重

黃 鉞 逸品

黃左田鉞蕭疏簡淨取境大方極有意致曾見
小幅山水邱壑鬆秀林木瀟灑有文秀之致設
色亦雅淡清潔不染塵氛南田翁云士大夫畫
貴無作氣左田畫可謂無作氣矣

左田當塗人乾隆五十五年庚戌進士仕至
戶部尚書山水得蕭雲從餘韻層巒疊嶂不
使人一覽而盡
善書工詩文詞

畫雖小道
天分人功
兩者兼備
方能入妙

一樵畫學

顧王霖 逸品

顧容堂王霖筆思蒼勁興到揮毫極有功力余
見扇頭小幅邱壑熨貼皴染老到惟用筆稍板
無靈警奇逸之趣終覺失之呆滯知造微入妙
固貴學力之專精尤藉天資之靈變也

穉圭鎮洋人乾隆五十五年庚戌
進士入詞垣官員外郎工畫能詩

黎簡 逸品

黎二樵簡畫法宋元極有名譽余初至粵徧覓

中贗品極多幾莫辨真偽諒所傳者少也

廉山畫風流儒雅純

其手蹟不可得。後於楊海琴年丈寓見一小幀。筆墨簡淡。皴擦鬆秀。純乎文人逸致。想由其人品高潔。故筆墨推崇如此也。

簡民順德人。乾隆五十四年己酉拔貢。工詩善六法。爲人清狂。徵歌狹邪。日與酒徒醉飲於市。自刻圖章曰小子狂簡。人品高潔卓然成家。所居名百花村莊。工書法。詩筆幽峭奇警。爲海內推重。

萬承紀 逸品

萬廉山承紀與羅兩峯交。深悟畫法。凡山水人

乎士氣其
人品之高
可想見也

物士女。花鳥蘭竹。興到命筆。率能擺脫時習力。
追古法。沈旻庚表兄自袁浦歸。贈余蘭竹小幅。
始見先生筆墨。真大雅不羣風流個儔。

廉山南昌人。乾隆五十七年。王子副貢官河
南。同知工詩文。簿書之暇。輒博綜羣籍。雅尚
文翰。書畫金石。悉能鑒別。篆刻得漢法。山水
專師宋人。能爲趙千里界畫樓閣。陳雲伯云。
廉山書畫清譚。可稱三
絕。其爲名流。推重如此。

孫均逸品

孫古雲均。擅長花卉。隨意點錯。得青藤白陽神

古雲筆墨

獨闢町畦
古雅之趣
非時史所
能及

文人筆墨
雖屬游戲
自然秀韻

趣。余見其爲楊夔生畫扇。寫秋色一叢落墨瀟
灑。賦色古雅。絕無一毫寫生習氣。想見品詣超
越。襟懷高曠。不向如來行處行也。

古雲仁和人初襲祖蔭伯爵。善花卉。精篆刻。
漢隸極有古韻。收藏甚富。辭爵奉母。日與名
流酬倡。極
林泉之樂。

錢東逸品

錢東皋東花卉雅秀。小品居多。曾見扇頭小冊。
筆致雋逸。設色妍雅。得甌香館之秀媚。無一毫

天成另饒
逸致

逸品畫另
有一種神
趣非畫家
宗匠可比

時○史○俗○態○雖○游○戲○筆○墨○一○種○文○秀○雅○潔○之○致○非○
抹○綠○塗○紅○者○所○可○概○論○也○

袖海又號玉魚生叔美先生從兄
畫法歐香館雅善作詩尤長詞曲

尤
陰
逸品

尤○水○村○陰○山○水○花○鳥○皆○逸○品○尤○長○寫○竹○得○文○蘇○
法○余○見○墨○竹○小○幅○蒼○古○沈○厚○如○挾○風○雨○之○勢○用○
筆○亦○得○金○錯○刀○遺○意○此○老○潛○心○詩○畫○隨○意○塗○抹○
故○筆○墨○間○另○饒○逸○致○也○

畫竹固貴
理法然亦
不可拘泥
理法必求
神明理法
方能入妙

貢父儀徵人居白沙之半灣自號半灣詩老
工蘭竹兼善山水家藏東坡翁石鈔容水升
許銅提篆元祐二字蓋即周禮故物後進呈
內府因廣寫之以贈人維揚遠近得者甚
多晚年得痼疾自謂半人賣
畫以自給一時名流咸重之

蔣和能品

蔣醉峯和墨竹花卉得白陽山人遺意家藏冊
頁畫幅極多筆力蒼渾理法兼備爲近時畫竹
宗匠樹石布景頗有意趣隸書蒼古渾厚力追
秦漢高出流輩

筆致雅秀
不難造微
入妙此竹
坪之所以
高出笠人
上也

仲叔金壇拙老人孫移家梁溪自稱江南小
拙由四庫館議叙欽賜舉人官學正刻竹
譜一冊傳世後學奉為楷模真
蕲苑之金鍼也工畫尤精隸書

汪恭逸品

汪竹坪恭畫師文氏書做夢樓頗得神趣余見
畫事最夥人物清超脫俗花卉翎毛均生動盡
致同時工畫者姜笠人極有名譽然意境老到
笠人見長筆致雅秀竹坪擅勝也

恭壽休寧人山水心契文氏人物及
花卉翎毛俱佳工行楷書又妙音律

姜漁能品

畫家最不可有作家習氣笠人之所以不能造入神妙者囿於習也

姜笠人漁樹石蒼潤氣局開張頗有大家遺韻。曾見巨幅花鳥軸設色妍麗布墨老到與司馬繡谷相頡頏惟筆力過於馳騁未脫作家習氣。雖聲名籍甚不過爲好事者爭重也。

笠人安徽人僑居吳中士女妍雅點綴花卉秀韻有丰致

張崧逸品

張寶厓崧山水近師文沈遠法宋元生平高自

此種筆墨

惟深於鑒
古者方能
賞之

作畫固貴
有天分無

位置。余曾見一堂軸。筆意古逸。沈鬱穠厚。得力
於北宋大家。方能有此境界。蓋其胸羅古法。包
含奇趣。足見其趨嚮之高矣。

夕菴丹徒人。自坤子貢生。花卉竹石佛像。皆
超絕。而尤擅山水。寶厓人既淵雅。性亦蕭淡。
掩關却掃。恒經月不出。遇山水賞心處。又或
經月不歸。其風趣如此。畫宗法宋元大家。得
石田蒼秀渾噩之
氣。神佛像亦超逸。

陳豫鐘逸品

陳秋堂豫鐘。天才雋逸。筆墨瀟灑。出塵另開門。

學力濟之
爲文人游
戲則可以
云傳世斷
不能也

琴塢畫有
筆有墨如
充以學力

徑。余僅見蘭竹小品。姿致倜儻。逸趣橫生。與小
松。舅生相並。駕夫筆墨一道。天資學力兩者兼
備。方能傳世。然後知古人之名不虛立也。

浚儀仁和諸生書法高超。勁逸八分。亦樸古
有韻。尤精篆刻。趙次閑深得其秘。與黃小松
陳舅生奚鐵生齊名。時稱浙派所畫松竹。皆
以篆法通之。殊有典型。嘗集古今畫人爲傳。

屠倬
逸品

屠琴塢倬。山水規模董米。墨氣濃厚。有瀟灑出
塵之致。余向藏一小幅。意境開拓。筆思蒼潤。雖

不難深造
古人

師法奚鐵生而毫端一種渾融柔逸之趣氣體
尤與古爲近也

琴塢錢塘人嘉慶六年辛酉進士十三年戊
辰庶常出宰儀徵儀邑素不務女紅以紡織
之具課之龍潭有風波之險捐資造船以濟
之民歌衆母上游拭目陞江西知府山水秀
潤能書工詩金石篆刻悉深造

沈唐
逸品

樹堂山水
已造妙境
如專心精

沈樹堂唐山水筆致蒼潤氣體清逸頗有婁東
遺韻余見扇頭小品乾筆皴擦鈎勒鬆秀樹石

進便能突
過前人

文人寫蘭
妙在各有
一種書卷
氣不可拘
筆墨畦徑
論也

林陰讀書三統一
布置亦極瀟灑超脫雖師法蒙泉外史如能追
蹤古人不難青出於藍也

蓮舟錢塘人國子生得指授於鐵生山水皴
染明淨設色雅秀篤志摹倣可以步武婁東

顧
莼
逸品

顧南雅純筆墨迻勁古雅寫蘭花蒼秀渾脫頗
極自然余見扇頭小品數事畫蘭各種風晴雨
露體態各不相同即各有意趣文人餘事隨意
涉筆便覺風雅宜人也

先生寫生
脫盡窠臼
以意爲之
無不人妙
其天分勝
也

南雅長洲人嘉慶七年壬戌進士官通政司副使墨蘭雅潤書法歐虞隸宗秦漢工詩古文敢言自任人以君子稱之乾隆三十年乙酉生道光十二年壬辰卒年六十有八

姚元之
逸品

姚伯昂元之畫筆工妙靡不肖似余見人物花卉果品各種均不襲前人窠臼別具機杼妙在不經意處尤得生趣雖不能與南田新羅爭勝亦近時士大夫中之翹楚也

廌青又號竹葉亭生桐城人嘉慶十年乙丑進士官總憲工篆隸行草書法深得趙承旨

神髓畫擅長白描所畫
花卉果品亦別饒風致

顧洛能品

西梅功夫
老到擅長
臨摹惟逸
韻不足差
爲減色

顧西梅洛。人物古雅。樹石蒼潤。士女工緻妍麗。
極有功力。近見女孝經圖卷。寫古衣冠淵雅靜。
穆。深得陳居中神趣。惟隨意揮灑。落墨奔放。不
免作家油滑習氣。

西梅錢塘諸生工人物山水花卉翎毛亦極
生動盡致士女精細妍雅脂粉習洗滌殆盡
張鏐逸品

詩人筆墨
縱極古拙
另有一種
神趣與畫
史之習氣
殊不同也

新篁翠竹
松厓最爲

張老薑鏐。性好筆墨。詩骨傲岸。如孤峯峭立。不肯隨俗依違。張午橋太守出封翁寄巢夜話圖。索題。老薑補圖。亂後殘缺。並囑修補。見其筆意。古拙蹊徑。灑脫望而知爲詩人之畫。

子貞江東布衣少孤。母命習賈。十八歲專心學詩。遂成名。通篆隸。工鐵筆。善山水。多小品。有鄂綠仙館圖一卷。筆意古秀。多參篆法。非丹青家所及。

吳寶書
逸品

吳松厓寶書畫傳家學。善花果蘭竹。尤精士女。

擅長花卉
寫生尙不
免甜俗氣

先生癖嗜
南田筆墨
宜其書若
畫之超塵

余家有墨梅山茶小幅花頭點脂妍麗畫梅瀟
灑超脫新篁二幀坡陀點綴文石竹則漬草綠
爲之便覺清風習習也

籀仙無錫人逸泉孫少游隨園夢樓兩先生
門工詩詞駢體畫繩祖武士女尤擅長丰神
秀朗極盡閨閣窈窕之態不輕示
人晚年好寫墨梅細竹深自矜重

戴公望 逸品

戴貞石公望書畫均摹南田山水花卉蘭竹偶
一點筆靡不超雋余曾見一小幀筆墨森秀頗

拔俗也

得墨井耕煙兩家神趣雖一邱一壑而毫端恬雅靈動之致不同凡筆也

貞石嘉善人官江蘇藩掾生平酷好南田書畫凡遇佳跡無不善價收藏署寶惲室弄之海內藏惲之家均莫能及並摹刻南田遺翰曰寶惲室帖爲世珍重

張深神品

畫家從臨古人手卽隨意點刷氣味自然沈厚觀茶農畫其功

張茶農深畫傳家學初寫花卉氣韻靜穆得宋人意趣余見槐根小築畫卷自爲補圖題者數十家筆意蒼渾沈着墨氣濃厚自成一格蓋其

力之深已
可見矣

先生以冷
元人筆墨
寫人物樹
石殊覺另
有逸致

臨古之功非淺鮮矣

茶農丹徒人寶厓子嘉慶十五年庚午解元
入都館 藩邸十餘年畫名益著尤工山水
所寓琉璃廠曰槐根小築其室臨街車聲雜
沓恒於鐙下作畫至更深無倦偶獲前人妙
蹟必臨倣數四得其神髓而止故所作無
不深厚入古後官廣東潮州府大浦知縣

顧應泰 逸品

顧雲鶴應泰擅長人物倣李龍眠白描縝密工
雅脫盡畫習余家向多屏幅筆意清逸韻致蕭
疏饒有冷逸之趣想見孤高絕俗借以抒寫抑

作畫全要用筆得法方能鬆靈超逸石坪之病實由未得其法也

鬱無聊之氣故能超出塵凡也

芸萼無錫諸生困於塲屋潦倒終身生平所作人物居多屏幅則點錯樹石極有古致書法得褚河南神韻冷逸之趣油然於筆墨外卓然可傳也

戴鑑能品

戴石坪鑑筆意磊落邱壑蒼老頗有學力余在汴梁所見畫幅甚多墨氣濃厚局度開展惟毫尖無鬆靈超逸之致故所作均失之板木想爲聞見所囿尙未夢見古人也

繡谷畫樸
古奇逸尤
能生動盡
致真寫生
高手

賦軒山東濟甯人少穎異耽詩嗜畫不喜帖
括一應童子試輒棄去游吳越晉豫間徧覽
江山之勝歸詩畫益進
出入於沙彌白石之間

司馬鐘 能品

司馬繡谷鐘筆意豪放氣勢迢逸脫盡描頭畫
角之習余見花卉翎毛二幀墨氣蒼渾色澤雄
厚寫草蟲水族一兩筆頗極生動之致真有筆
有墨堪與雪鴻桂巖並傳矣

繡谷上元人擅長寫意花木及翎毛走獸性
傲嗜酒落拓酒酣一夕可了數幀尋丈巨幅

和尚畫每
多習氣六
舟瀟灑出
塵宜爲諸
名流推重

頃刻而就墨瀋淋漓酒氣勃勃如從十指間
出往來京師名日益重亦善山水官直州判

釋達受 逸品

釋六舟達受花卉寫生得青藤老人縱逸之致
余見其揭古銅器四幅各器之全形陰陽虛實
無不逼真隨筆點染花卉簡淡超脫古趣盎然
最爲精絕真絕技也

六舟海昌白馬廟僧故名家子耽翰墨不受
禪縛行脚半天下名流碩彥樂與交游精別
古器及碑版之屬阮太傅以金石僧呼之篆
隸飛白鐵筆並妙揭手尤精見者詫爲得未

畫不論粗細只要氣便
書卷氣便不難追蹤
古人也

曾有儲藏甚富懷素小千文真蹟尤爲希世
之珍故又自號小綠天庵僧主西湖淨慈寺

張祥河 能品

張詩船祥河山水私淑文氏花卉寫意力追青
藤白陽筆頗健舉所見橫披直幅思力蒼勁老
筆紛披極亂頭粗服之致先生畫雖麤豪而筆
端氣韻魄力仍是書生本色

詩船婁縣人嘉慶二十五年庚辰進士議叙
知縣仕至河道總督工詩詞通籍後畫名著
公卿間皆欲得其一幀爲几席之玩山水又
喜倣石濤一派收藏名蹟甚富必求其真氣

格超韻逸
純乎天資
靈秀次閑
涉筆無不
逼肖可稱
寫生能手

韻始臨倣有四銅鼓
齋論畫集刻傳於世

趙之琛 逸品

趙次閑之琛。山水師子久雲林。以蕭疎幽淡爲
宗。所見花卉屏幅。筆意瀟灑。點色清雅。格超韻
逸。大有新羅神趣。間作草蟲。隨意點錯。各種體
貌。無不逼肖。極寫生能事。

次閑錢塘人。精心嗜古。邃金石之學。篆刻得
其鄉陳秋堂傳。能盡各家所長。兼工隸法。善
行楷。山水亦足媲美。鐵生所居高士坊。終年
杜門棲心。內典時寫佛像。名其廬曰補羅迦。

作畫如同
寫草書此
種境界可
謂脫盡畦
徑

室素交二三子外非挾幣以求
書畫鐵筆者不得浼然入室也

錢昌言 逸品

錢岱雨昌言蘭竹花卉得自家傳間多游戲筆
墨余見扇頭冊頁隨意點染運筆蒼秀勁逸如
寫草書極淋漓瀟灑之致岱雨筆墨與姜笠人
最爲相近亦翰墨中韻士也

岱雨籀石侍郎孫几山弟畫繩祖武善蘭竹
花卉尤工放佚之筆題句書法皆臻妙境以
微職遠官蜀中
故筆墨不多見

作畫能有
古意雖逸
筆草草即
是天機勃
露處不可
拘工拙論
也

馮金柏 逸品

馮墨香金柏。性好書畫。與諸名士往還討論。遂
精畫理。曾見一扇頭。筆意瀟灑。規模董思翁。雖
着墨不多。其鬆靈淡遠之趣。大有古思想見文
人筆墨畧爲摹倣。便得形似。

冶堂南滙人。官廣文。工詩古文。詞兼善書畫。
少時即喜與諸前輩游。凡遇擅一長者。輒通
縞紵。以縑素請乞。故其行篋無非煙雲花鳥。
所至接訪。叙其人之大畧。刻國朝畫識。墨香
居畫識兩種。實有功於菰苑。不淺書法米
襄陽畫宗董巨梅道人。可以見其高致矣。

楊天璧 能品

金陵派最
有習氣亦
最易沾染
繡亭畫雖
清麗不能
師法古人
未能擺脫

楊繡亭天璧。山水清麗秀潤。補圖雜作。極有思
致。余見畫件數種。筆意瀟灑。賦色明淨。惟古大
家。鬆靈蒼渾之致。尙未領悟。由於落筆蕭散。未
脫金陵派畫習也。

宿庭上元諸生山水花卉竹石。涉筆輒佳。詩
文亦工。後有同里段學海。字文波。流寓大梁。
極有名譽。同治乙丑。爲余寫照。年已望七。神
氣如生。筆意高出流輩。山水士女。頗有意趣。
惟花卉。專摹張雪。鴻未免金陵畫習。

近日寫生家最喜賦色妍麗不先講究用筆徒以顏色悅人未有不失之甜熟也

廖雲槎

能品

廖裴舟雲槎水墨蘭石灑然絕俗花卉賦色妍雅得甌香館神趣曾見花卉冊十二幀發枝布幹點花染葉姿韻極佳然務爲妍麗未能雅秀終是甜熟家數不足珍也

裴丹青浦人居松江之北郭幼極慧既長贅六合汪氏所交皆一時雋遂通畫法其畫花卉從周服卿入手風神骨格追步南田吮毫盤礴斟古酌今不輕落墨也

張培敦

逸品

取法乎上
僅得乎中
師衡翁不
能追蹤古
人則硯樵
之所造可
以想見

張硯樵培敦落墨雅秀賦色清麗深得文衡翁
遺韻向見扇頭畫幅純摹衡翁氣體清華靡不
逼肖惟衡翁蒼勁渾古氣味全從巨然沙彌得
來豈專師文氏者所能窮其奧窔也

硯樵吳人山水書法均摹文氏藏有南田山水
巨冊六幘平生最爲欣賞澄江陳以和倩
友人求讓堅辭不應許以厚值請之益力乃
始慨然曰此冊張某一息尙存斷難從命俟
我易墳時以此值寄至淮以相易其愛畫
入骨髓足見嗜痂之癖好古者有同情也

翟繼昌
逸品

畫以神韻
爲第一縱
力量稍遜
而意趣自
不同也

曉泉士女
雖同一清

翟琴峯繼昌山水長於小品一邱一壑頗有思
致見屏條卷冊數事筆意秀逸力量似稍遜乃
翁而神韻差勝但畫多不經意處想爲酬應所
迫不能神閒意適也

念祖一字墨癯雲屏子畫承家學早見賞於
前輩花卉古雅有致山水蒼潤學吳仲圭沈
石田近時頗有名譽

姜壘妙品

姜曉泉壘士女清潔妍雅絕無點塵余向藏紅

麗與七薌
曉樓用筆
迥乎不同

平允之論

雲巖山水
寫生深得

綃一幀。筆意清勁。肌理細膩。傅粉施色。妙在秀骨。珊珊脫盡。畫習蓋曉樓。士女以神韻勝。曉泉士女以骨格勝也。

曉泉松江人。號鴛鴦亭長工。寫生深得南田翁法。尤擅長士女。少游江西。僑寓吳中。其人長身玉立。神氣灑然。性孤介。終歲杜門。不出與俗寡諧。而中情旖旎。時時寄之筆端。故其畫幽淡。有林下風趣。乾隆二十九年甲申。生道光十四年甲午。卒年七十有一。

周笠妙品

周雲巖笠山水。淡遠秀潤。寫生賦色。妍雅得甌。

南田翁神
趣所嫌精
彩不足耳

蘭舟山水
用筆殊未
得訣花卉
生動盡致

香館神趣向藏一士女卷筆意清逸色澤娟秀
生動盡致間作細篠幽坡着墨不多而簡淡瀟
灑蹊徑堪與曉樓並駕矣

韻蘭外史吳人初工寫真中歲棄去山水花
卉均摹南田平生意氣豪華襟韻灑脫討春
選勝恒在紅窗翠檻青簾白舫間或縱酒
高談或翰墨交作其倜儻之致概可想見

楊
燦
逸品

楊蘭舟燦山水花卉均能刻意摹古頗得前人
意趣余家畫幅最多山水倣文氏筆鋒圓勁未

頗臻妙境

作畫全要
取境幽雅
不落時蹊
不襲舊稿
方爲好手

林陰詩畫三編下卷
免拙俗花卉點色妍雅串插枝幹章法熨貼生
動置之沱江孔彰間當不多讓也

蘭舟無錫人工寫真山水花卉背臨各家筆
意悉窮閭奧往來吳門藉筆耕以自給子伯
壘號芝田能世其學四十後右手病廢運以
左手轉益生動爲人樸古渾厚有古長者風

馮箕逸品

馮棲霞箕人物士女運筆構思不泥古法亦不
落時蹊別饒韻致見扇頭小品取境幽雅點綴
人物姿態閒逸不襲前人窠臼真靈心結撰妙

草蟲水族
最不易寫
小海筆精
墨妙生動
盡致可稱
能手

造自然故多得心應手之作

子揚錢塘人僑寓吳郡所居留雲山館練素
積几盡口點染走幣請乞者恒履滿戶外不
易遽得也擅長人物士女亦妙於寫生
山水樹石間一爲之書學歐香館工詩

翁
雒
妙品

翁小海雒畫有夙慧人物花鳥寫真入手即妙
余見卷冊小幅花卉外草蟲水族居多落墨生
動纖悉逼肖畫龜尤得真趣跋語小詩亦復簡
約超雋遂臻絕詣

松壺畫輕
淡恬靜足
見詩人高
致子延刻
意摹倣便
落下乘

穆仲吳江人性坦率簡傲與人接意有不可
輒矢口弗顧忌諱君故落落然自若也君畫
學專尚能事中年後人物寫真悉棄去獨於
花卉禽蟲水族加意宜其筆墨之造微入妙
也乾隆五十五年庚戌生道光二十九年己酉卒年六十

蔣寶齡
逸品

蔣子延寶齡畫從文氏入手秀韻閒雅脫盡縱
橫習氣所見畫幅清逸鬆秀得松壺翁體貌惟
輕淡恬靜之致格不相人蓋子延刻意摹倣筆
端浮躁氣難以言語形容也

學司農畫
最難思靈
筆活如拘
泥形迹必
有板滯之
病

霞竹昭文布衣山水專摹文氏後從錢叔美
游頗得其指授鬆秀超拔雅近師傳惟靜躁
不同耳工詩著有墨林
今話子仲離亦工寫生

王玉璋 能品

王鶴舟玉璋遠宗北苑近法麓臺余見巨幀小
幅筆意沈着體貌純摹司農惟豪端未能超脫
故無靈警渾化之趣此蓋得其形者猶滯於形
得其神者乃始入於神也

鶴舟天津人別號松巢外史官秋曹出守雷
州調署瓊州罷後僑寓吳門熟習騎射妙解

寫生家能
菱盪陳趨
獨標新穎
方是出羣
手筆

音律豪情逸氣往往於酒後發之而六法尤
爲擅長性愛端硯收藏極夥弄筆之暇摩娑
不倦故名所
居爲凍雲館

諸
所
逸品

諸春巖所花卉秀逸人物超脫得南田新羅神
趣筆致清雋賦色妍雅苦心獨詣掃盡畫習另
闢町畦蓋春巖畫得之於性又復涉歷諸家研
求不懈故能秀絕一時也

弢盒錢塘人少家貧未能肆志乃棄儒學畫
從張秋谷游究心六法深得其奧工人物花

諸家人物
甜俗者居
多此獨另
饒秀韻由
於士氣勝
也

卉與兄奇峯同游淮揚名噪一時生平篤於
友愛人盡欽仰五十無子嗣方氏子蓋即從
君學畫者名乃方號嗣香
又工寫照浙東頗有名譽

王鼎標
逸品

王春苑鼎標人物古雅樹石蒼潤獨饒秀韻向
得扇頭屏幅亂後散失內奏樂圖士女六七人
妝飾古雅器具精工筆意清超勁逸范引泉見
之擊節稱賞以爲古人復生

春苑無錫人諸生專精人物士女得顧雲鶴
之傳另開門徑性極古僻所作扇頭畫幅概

畫不論繁
簡出筆遲
鈍雖功力
深邃斷難
脫去町畦

不署款多倩竇俊三代書令嗣栗畦與余爲
同譜兄弟名元昭人物士女得自家傳近聞
兼攻山水

俞岳
能品

俞少甫岳功力深邃氣體渾厚得椒畦翁指授
所見扇頭尺幅筆墨極老到惟章法均失之平
實由於出筆遲鈍故邱壑閒無秀穎之致終是
局於畦徑未能變化從心也

子駿震澤人古文宗歸震川嘗精校太僕集
葺室藏之顏曰歸廬誌嚮往焉性嗜山水因

畫固貴有生趣於鬆秀中出之便成氣韻於甜熟中出之即爲習氣矣

習六法於王椒畦居吳江北郭花石森秀頗有高致工詩

畢簡逸品

畢仲白簡筆墨蒼潤氣韻蕭散頗得古法所見扇頭小品姿致秀逸絕無滯機畫趣似較勝乃翁惟大屏幃筆意奔放未能格律謹嚴究嫌落墨躁動尙近甜熟家數

仲白陽湖人焦麓翁仲子工山水筆墨疏簡傳其家法亦善寫意花卉乾隆四十六年辛丑生咸豐十年庚申卒年八十

洋紅畫牡丹石薌最
有名譽然究不若用
脂之妙也

沈 榮 逸品

沈石薌榮花卉寫生賦色艷冶尤喜摹姚黃魏
紫時有沈牡丹之目余見山水集冊筆意鬆秀
皴染融洽間寫枯枝瘦石絕無時史習氣姿致
瀟灑清逸絕塵並臻其妙

甌史元和人生而穎異幼即悟寫生訣旁及
士女人物蟲蝶襍品與七薌裴舟互相參究
由此遂工山水得婁
東筆意亦擅長寫照

黃 鞠 逸品

畫道惟補
圖爲最難
能不空不
實自有意
趣補圖之
能事盡矣

山水全在
林木穿插

黃秋士鞠山水花卉迥出時蹊獨標勝韻蓋得
力於南田石谷居多○余見補圖及卷冊小品布
置熨貼邱壑不空不實隨意點刷雖粗枝大葉
彌有神趣宜其名重吳門也○

秋士松江人居郡之清風涇僑寓吳門工繪
事尤精製圖寓整秀於荒率之中斯爲獨絕
亦工人物士女爲人澹泊真率以詩酒自豪
所寫莫愁蘇小等像留白門武林均有石刻
顧蕙生
能品

顧竹畦蕙生摹倣各家自成一局爲余作扇頭

靈警生動
自然通幅
倍覺生色

近日畫蘭
家多失之

卷冊功夫老到邱壑渾成無一懈筆惟林木串
插未能生動盡致畧有板滯之迹工緻青綠畫
墨色融化深得古人微妙

竹畦無錫人太學生兼塘先生弟工詩善畫
所藏西廬麓臺各家畫幅暇輒臨摹故晚年
自成一格乾隆五十三年戊申生成豐十年
庚申卒年七十有三族姪德垣得其傳德垣
響泉先生曾孫號星堂國學生咸豐庚申殉
粵匪難年僅四十餘歲不克竟其造就惜哉

蔣子檢逸品

蔣矩亭子檢擅長墨蘭姿態靜逸畫蘭葉縱筆

硬直矩亭
以舒展柔
逸出之故
能造微入
妙

序伯畫從
文氏入手
故筆墨勁
秀者居多
尚欠柔和
渾逸之趣

偃。仰。神。趣。橫。溢。純。乎。士。氣。近。日。名。譽。日。著。得。其。
片。紙。靡。不。珍。襲。夫。蘭。爲。國。香。傳。寫。者。不。知。萬。幾。
欲。如。矩。亭。之。雅。秀。出。塵。真。不。可。多。得。也。

矩亭河南睢州人孝廉官
江西知縣工畫蘭有名譽

程庭鷺
逸品

程。序。伯。庭。鷺。筆。意。清。蒼。雅。秀。風。韻。蕭。疎。得。檀。園。
翁。輕。逸。之。致。序。伯。與。誼。老。爲。莫。逆。交。余。見。筆。墨。
最。多。有。一。橫。卷。倣。黃。鶴。山。樵。皴。染。綿。密。氣。息。渾。

淪與習見者不同也

衛鄉嘉定諸生李長蘅故址在焉因自號蘅鄉以志嚮往工詩畫尤擅長駢體文往來吳越間名益噪輯練水畫徵錄尤有裨於文獻兼擅鐵筆由丁黃上追秦漢有小松圓閣印存傳於世

汪昉能品

叔明中年畫頗臻妙境如專摹倪黃晚年便不至如此類唐也

汪叔明昉筆意鬆秀墨法淹潤頗得四王規制爲余作扇頭小品邱壑渾成樹石蒼秀其皴染融化處與墨井亦復相近巨幅氣局魄力似較

補圖小品
誼老最擅
勝場大邱
壑尙欠精
神團結

勝誼老晚年老態頽唐毫無姿致矣

叔明陽湖人道光五年乙酉孝廉游幕而官
後爲山東同知工詩善畫書法趙文敏姿態
秀逸斌媚之趣溢於紙素嘉慶五年
庚申生光緒三年丁丑卒年七十八

秦炳文逸品

誼亭兄炳文娛情翰墨寄興清樽極書畫文酒
之樂補圖小品風韻瀟灑秀絕人寰近時之冠
初師高澹游尙爲畦徑所縛五十後專摹西廬
遂臻勝境今所存者滬城春明舊作也

先生書法
離奇超逸
畫境又能
如此恬雅
鬆秀傳世
無疑

誼亭初名燁字硯雲無錫人道光二十年庚子孝廉三上春闈嗣司鐸吳江書畫投贈郵筒時相往還庚申亂後均已散失辛酉壬戌薄游滬上下榻誼老寓齋往返數次昕夕相共者幾及半年後甲子丁卯庚午同聚春明揆羅書畫討論畫理復時時以古大家名蹟互相誇耀頗極平生賞心之樂嘉慶八年癸亥生同治十二年癸酉卒年七十有一

楊翰逸品

楊海琴年丈翰考據金石討論書畫文詞歌詩靡不登峯造極友人携畫索題余於先生有知已之感樂於從事做蓬心小品筆意恬雅皴染

山水寫生
全要得古
人神韻方
能法備趣

鬆秀有出藍之美不獨書法之足傳矣

息柯居士直隸人僑寓浯溪道光二十五年
乙巳翰林官湖南辰沅永靖道壬申罷官癸
酉奉母來粵與余相晤於何氏骨董處即云
相見恨晚從此筆墨投贈時相過從談詩論
畫之樂幾及一年可稱知己瀕行爲余題卷
冊數事索畫送行贈余詩扇惜別依依情詞
懇摯至今猶如在目前也嘉慶十七年
壬申生光緒五年己卯卒年六十有八

沈振銘 能品

沈藕船振銘花卉寫生得包山白陽筆意山水
倣李竹嬾極有功力余見花卉冊十二幀布局

足藕船深
得此中甘
苦

引泉畫每
有寒冷荒
率之致其
性情獨介
孤癖可以
想見

適鍊賦色妍雅可稱法備趣足爲含齋兄畫山
水扇筆思蒼渾墨氣淹潤高出時流

老藕石門人自號禦兒鄉農擅長花卉翎毛
山水墨法蒼潤極見功力書摹董文敏頗得
神趣工詩精篆刻黃楊木圖章爲諸名流推重

范
璣
逸品

范引泉璣筆情瀟灑姿致鬆秀頗有古人冷逸
之趣爲余補水流雲在圖照筆意在漁山石谷
間雲氣滃鬱水聲潺湲極空靈淡宕之致引泉

畫士女取
境最要空
靈超逸方
能脫去脂
粉習氣

筆下時露荒率之態是即引泉所短也

引泉常熟人賣畫奉母精鑒別凡書畫古玩
入手即能辨真偽沿街設冷攤往來賓客酬
酢勿衰暇即點筆摹倣各得其趣自成一格
又工墨梅母喪後茹長齋歸心淨土詩冷峭
宗其家石湖令嗣秉之名循訓工寫照其
時年十三齡便已名噪一時真當今獨步

湯祿名妙品

湯樂民祿名克承家學畫善白描設色士女得
幽閒靜逸之趣趙艮甫贈先君畫筆樂民寫月
洞觀梅圖士女清逸雅秀洞外梅花用脂粉點

染境界極空靈飄渺之趣

樂民雨生第四子工寫生花石禽魚隨手點染俱能入妙尤擅長士女以舊宣紙爲之明姿雅態秀絕一時以佐貳需次兩淮非其志也

沈焯 能品

沈竹賓焯花卉寫生清超雋逸頗擅勝場余見山水屏四幅筆意鬆秀雅近鐵生後見一絹幅筆意勁峭邱壑邃密極見功力惟較思翁澹宕靈秀之致殊覺雅俗之不同矣

竹賓天分
人功兩者
兼備惟欠
臨古功夫
便易沾染
時習

錐庵天分
絕佳晚年
不能追蹤
古大家而
專摹石谷
宜爲識者
所笑

竹賓原名錐吳江之盛澤鎮人初工寫照花卉師蔣霞竹山水天分甚高刻苦臨摹業遂大進惟應酬太廣未免有作家習氣

陶淇逸品

陶錐庵淇筆意風秀樹石幽雅臨摹古人頗有依據余見花卉數幀姿致妍雅用筆柔和超逸得南田新羅神趣晚年專摹石谷一樹一石無不肖似惜爲石谷所縛未能擺脫也

錐庵秀水人喜寫山水出入元明諸大家妙有空靈澹遠之致時作近游遇名山勝境輒

流連不置
詩亦清雅

桐陰論畫三編下卷終

男鳳璫
姪鳳璫
全校

